



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

P1
4848
A19S65

UC-NRLF



\$B 160 781

FROM THE LIBRARY OF
OTTO BREMER



Lähm up!

Wat de Trängsaldote Mattigges Pappstoffel, dei
met synem Pasteror im Frankeosenlande wiäsen
is anplaz Röfter, vam grauten Krnge to
vertellen weit.

Erlebnisse im Feldzuge 1870 bis 1871

im Paderborner Dialekt mitgetheilt

von

einem Sohne der rothen Erde.

Rickard Knecht

(Neue Folge des „Niu lustert mol!“)

Celle und Leipzig.

Literarische Anstalt

August Schulze.

1877.

PT4842
A19565

PRESERVATION

COPY ADDED

M/F 8/16/90

BREMER

TO THE
AIRBORNE

Druck von August Grimpe in Hannover.

Vorbemerkung.

Die „Erlebnisse im Feldzuge 1870/71“ sind wirklich erlebt, die Mittheilungen meistens buchstäblich wahr, und die Schilderungen der französischen Zustände durchaus nicht übertrieben. Nur der Name des Erzählers ist fingirt, die Dummheiten des gleichfalls erdichteten Naß von Dülmen von anderen Personen begangen und dem Naß nur in die Schuhe geschoben. Alles Ubrige sind Thatsachen.

Die Schreibweise des Französischen so wie die Erklärungen der im Texte vorkommenden Fremdwörter wollen die wissenschaftlich gebildeten Leser dem Verfasser zu Gute halten und erwägen, daß diese Mittheilungen größtentheils für unser liebes Landvolk bestimmt sind, welches der fremden Sprachen nicht kundig ist.

In Betreff der Paderborner Mundart im Allgemeinen so wie einzelner ungewöhnlicher Ausdrücke verweise ich auf meine Sammlung plattdeutscher Erzählungen und Anekdoten unter dem Titel „Niu lustert mol“, wo sich die nöthigen Erläuterungen finden.

Der Verfasser.

M107347

Inhalt.

	Seite
Mobil	5
Bürwiärts marsch!	9
In't Frankeosenland!	17
Lähm up!	35
Toiw, diu Vork!	49
Rag' iut!	58
Ollyt jüh!	76
Alle Rester iutstufert	93
Wisse dermant!	111
Oha!	125
Wy gohet heime	135
Adjüs!	151

Mobil.

Wy wören jußt am Höggen. De Sunne brannte wiäne up de Platte, un de Schwät strullte von der Blesse ofe der teo. It hadde mit jußt unner 'ne Eise in'n Schatten satt und maik myne Seife scharp, do kamm myne Süster Marianne angelaupen un saggte, de Puleßeideiner hädde en Schrywens brocht vam Amtmann. „Wat gelt et!“ dachte it, „dat is de Inberaupunge van dem Befirks-Kommando.“

De Lust was ol lange nich mähr reine wiäsen, un se hadden ol sier verten Dagen vam Kryge kührt. De Frankeose, dei Ußentkerel, hadde wier Lust kriegen na iusem leimen duitschen Vaderlanne; Napolijum soh und sollde, dat syn Thraun up schwachen Fäuten stund un wackelde os en besöäpenen Kerel; de lästen Wahlen wören nich teo synem Gunsten iutfallen, un iähme bläw nix anners bäwerig, hei moßte synen Frankeosen wier ne Rummeddige vürmaken. „It mot Kryg anfangen“, saggte Napolijum för syne Frugge. „Wy mött den lästen Trumf iutspielen, süß geiht Alles pleite.“ Eigentlik saggte hei, hei wull „Karangsett“ spielen. Se segget, dat keime im Biljardspiele vür; wat dat för'n Spiel is, weit it nich, it denke my so wat ofe „schwarten Peiter“ oder „Klumpsack“. Also Napolijum wull „Karangsett“ spielen. „Myne leime Dschenie“, saggte hei för syne Frugge, „nus allongs a Verläng; gewinnen it der Kriek, — bon; verlieren it, — Diabel! dann is so wie so tu perdü.“

Ik Spanië — önter nich in Sawerspanien, dat
 liggt am Ästenbiärge, — also in dem örndlifen Spanien
 wullen se'n nigger König häwwen; de alle was daut
 gohen oder hei doggde nix, un se hadden en wiägjahet,
 — dat kann ik nich verrohen. Dat Volk hadde en
 Prinzen van Hohenzollern tom Könige wählt; dänn
 se wußten seo gud ose my: Alles wat Hohenzollern
 heiten doitt oder der mihe verwandt is, dat is stark
 un durawel un steiht synen Mann. Do Napolijum
 Wind dovan fräg, schräw hei en Breif an iusen König
 Wilhelm, dei sit justemänte in Bad-Ems uphäll, un
 schickede den Breif an synen Gesandten Benedettig, hei
 sull dat Schrywens an den König van Pruisen af-
 giewen. Dei König laus den Breif und saggte, dat
 wör' syne Sake nich, de Luie in Spanien können deoen,
 wat se wöllen, un syn Bedder auf; wänn se sit en
 König iut dem Piperlamme halden, dat wöre ühne ein-
 deoen. Dat häw' ik in der Tydunge liäsen, in düßer
 unruhigen Tyt ficket me der mangelst in. Do stund
 auf inne, de König hädde an synen Bedder schriewen:
 hei in syner Stye ginge nich na Spanien, dat ganze
 Land wör' Eine Revoluzijeon, do wör' kein Heer un
 kein Goäd inne; män hei künn't maken wiu hei wull.
 De Hohenzollersche Prinz bläw heime un ging nich na
 Spanien, un iuse Batter saggte ol to my: „Niu paß
 up, Mattigges; de Sake is vörby, un et girowt nich
 mol en Kartuffelentkryg ose anno siewenteihnhunnert
 niegen un siewenzig, wo myn Västevaer seo vaken
 van vertallde.“ Män Floitepyphen sind hoäh! No
 twei Dagen kamm de Nohricht, dei Frankeosen-Bendix
 wör' nau mol by iusem leiwten Könige wiäsen, dei kleine
 schwarte Kerel wör' in der Stüäwen rümmersprungen
 of' en Dankemänneken un hädde kollert of' en Schriut-
 hahne: Napolijum wull wieten un verlangede, dat in

olle Ewigkeit kein Prinz van Hohenzollern König in Spanien weren sull, un de König sull em dat schrift-
lik giewen met Breiw un Siegel. Tweddens verlangede
dei Napolijum, inse König sull sit vör ganß Europa
entschülligen!

Seon Dunnerschlag! Hädde my dei Kerel dat
bohen, it Mattigges Pappstoffel iut Järkentrup hädde
den ruddergen Frankeosen, den drei Käse haugen Kerel,
met der einen Fiuß griepen, un synen ollerwerthesten
Kaiser Napolijum, dei auf nich viel grötter is, met
der annern, un hädde se olle beide biuß! tom Fenster
riutschmieten. För iusen künstlichen Heeren hädde sit
dat niu wal nich passet. Män syne Majestait wure
upmol drei Toll höchter, richtede syne künstlichen Augen
met syner ganßen Majestait un Würde up dat Fran-
keosentriut, ose wänn he dat erbärmlike Gedierze dü-
tken un in'n Grund bohren wull, dräggete sit um
un ging in syne annere Stuäwe. Benedettig kraup
iut der Döhr of' en Maitabel, dei sit de Fittke ver-
brannt hiät. Jä, scheer diß mänt, diu Schabelünter!
diu hiäst iusen König beleidiget! Wänn it diß packe,
it knüppe dy dat Batterunser im Nacken teo, it Mat-
tigges Pappstoffel iut Järkentrup!

Et kamm seo of' et kamm, un of' it dacht hadde.
Do my iuse Marjänneken de Rohricht brocht hadde, et
wör' en Schrywens vam Amtmann do, stach it mynen
Schlypstein in't Liäber, schlaug de Seife up'n Nacken,
lait Högg Högg syn un ging heime. Richtig, it was
inberaupen un moßte miß am annern Dage in Vater-
boärne by'm Bezirks-Kommandör stellen. It hadde drei
Johr by'm siwedden Träng-Bateljeon in Münster deint,
it was te Fius ganß gud entbehrlik, wylant myn Baer
nau stramm un rüstig was, myne Mömme was auf nau
kriegel, myn älteste Broer en sturen Kerel, myn jüngere

Breoer un iuse Marjänneken gingen dotemolen nau in de Schaule; dorümme deinte ik dei drei Johre geren af, un se sind my nich läb wuren. Up Stund hadden sik de Saken in iusem Hiuse bynohe gar nich ännert, un dat Hiarte wure my nich schwor, do ik Affscheid nühmen mochte. Myn Vaer gaww my nau einige Daler Gälb met, myne Mömme saggte: „Mattigges, ik frögge mit mänt, dat diu by der Träng steihst; do werst du doch so lichte nich dautschoäten.“ Ik saggte öwwer: „Wänn ik den Uigen-Kerel, den Benedettig, packe, dänn sall em de Duiwel dat Wammes vernäggen! Ik schlohe dem Kerel den Puckel so kurt un klein ose Kaffeigrüß, ik drägge den Hund in Obraams Wuhstetiel! Hei hiät iusen leiven König beleidiget. Un Napolijum? Toiw du Lork, wänn ik diß packe! Ik stiaß en in en grauten Bugelsoärm un lot' en för Gälb seihen.“

Dages derup kamm ik na Vaterboärne; do kriemelde un wiemelde ol Ollens van Saldoten, dei inberaupen wören un dälß ol inflebt wören, dälß nau inflebt weren sullen. Se süngen en Leid iut vuller Stroäte, wat ik waleiher nau nich hort hadde, et was en nigge Leid; ik kenne viele schoine Saldotenleier, män düß was my unbekannt. Et galt den Frankeosen, dat horte ik glyk riut, un am Enne van jidem Biärse repetierden sik dei Worde:

Lieb Vaterland, kannst ruhig sein,
Fest steht und treu die Wacht am Rhein!

Jä, dat doit se auf, dat is mänt einmol woht un bliwwt woht.

Ik drap mannige gude Frünne un alle Bekannte; se hadden olle ne Winth up den Frankeosen, ik gläwe,

se hadden ne terrieten, wänn se ne hatt hadden, un ne Begeisterung för dat duitsche Baderland hadden se, dat et ne Froide was. It fräg de Resoluzijeon: Trängsoldat Matthias Pappstoffel aus Erpentrup, Pfarrei Sandebeck, Amt Steinheim, Kreis Hörter, geht als Stabs-Ordonnanz nach Hannover und hat sich daselbst beim Chef der zwanzigsten Division zu melden.

It na Hanneower? It was ose iut den Wolken stürtet. „Antüneken“, dacht' it, „wiu kümmeest diu an Plunnermiälke? Dat mot ne annere Bewandtnüß häwwen. Doch wy weret dat nau wal gewahr weren.“ Wy forrden met der Ysenbahn un kaimen glüclik in Hanneower an. Do it mit hym Chef der twintigsten Divisiyeon mellen lait, kamm de Bursche wier riut un saggde: de Heer Hauptmann laite fragen, of it Wisse liäsen künne. „Nä“, segg' it, „Wisse liäsen nich, öwwer Wisse deinen, dat verstoh it.“ Wits kamm de Hauptmann, bei in der Stuärwe hort hadde, wat it saggte, (dänn de Dühr stund oäpen,) riut un saggte: „Der Kerl ist doch zu dumm; solche Frage zu stellen!“ Un hei kät mit fründlik an und frogede: „Können Sie zur Messe dienen? Verstehen Sie überhaupt den katholischen Rüsterdienst, Trängsoldat Pappstoffel?“

It stund stramm un strack un anwede: „Zu Befehl, Herr Hauptmann.“

Hei saggde födder: „Sie gehen morgen nach Celle zum katholischen Pfarrer der zwanzigsten Division und melden sich. Halten Sie sich brav.“

Bürwiärts marsch!

Do it met der Ysenbahn van Hanneower na Celle rutschede, seiten twei Siementehner in demsülftigen Rupei, bei up Kommando wiäsen wören; se tiärgeden

sik för Spaß un iut liuter Bläseier, un de eiste saggte tom twedden jümmer: „Du Düsseldorfser Radschläger!“ un de twedde tom eisten: „Du Krefelder Spulante!“ It hadde mynen Buntten ol anne, en blohen Infantery-Rock met rauhem Kragen und witten Achselklappen ohne Nummer, un mynen Trängsawel an der Syte. „Lähm up“, reip de eine Saldote, „Lähm up!“ reip de annere. „Diu moßt auf Lähm up raupen, saggten se beide; diu bist doch auf Saldote.“ Wänn wy syne Herrens wiäsen wören, dann hädd’ it twei Finger an de Müsse laggt un doby sproäken: „Erlauben Sie, meine Herren, daß ich mir vorstelle: Trängsaldot Pappstoffel u. s. w.“ Män do wy olle dreie nix ose gemeine Saldoten wören, saggt’ it: „So, so gud ose jy.“

„Van weckem Regimänte bist du dänn? Du hiäst je keine Nummer.“

„It sin Stawsoornanf un gohe met dem Pasteoer na Frankryk met anplatz Köster.“

„Geo, met iusem Pasteoer. Syn Köster is krank un kann den Kryw nich metmaken. Kannst diu dänn köstern, Kerel?“

„It denke dermet ferrig to weren.“

„No dänn mak dyne Saken gud. Lähm up!“

„Worüm raupet jy dänn jümmer Lähm up? Wat hiät dat te beduihen?“ frogede it.

„Weißt diu dat nich?“ saggte de Düsseldorfser. „Du hiäst den Kryw van säßunsäftig wal nich met-maket?“

„Nä, it sin den Hiärwest deßfülstigen Johres instellt.“

„Geo. Niu luster mol. In dem Krywge was dat Lähm up! auf dat allgemeine Fäldgeschrei, vullends by den Hacketauers in den Westfölisten Regimäntern, un de Saldoten fuierden sik dodür giegensyhtig tom

Scheiten un Inhoggen an. In düßem Krynge werd et wier seo gohen; dänn se raupet ol ollerwegen Lähm up! eihe dat et losgohen is."

"Wo kümmet dänn dat Lähm up eigentlik van her?" frogede ik.

"Dat will ik dy seggen", anwede de Düsselbörper, "dat hätt dei Bunner Husaren upbrocht. Et sind niu wal syw Johre her, do buggeden se in Bunne, (up Hauchduitsch segget se „Bonn“,) ein graut Palai. Wänn niu de Husaren do vürbyriehe, dann laggen de Mürkers öhr Handwärfstuig dal, sattten de Hade unner, hällen de Muiler oäpen un bekiefen de wäderen Husaren na Hiärtenslust. „Husaren sind wädere Truppen“, dat mot ne de Räd loten; un wänn de Kawellery auf mangelst strünzelt un meint, so wöre mähr, un wänn se us auf met „Sandhasen“ tiärget, dat hiät nix te beduien, wy deint Einem Könige un Heeren, dei den einen so weinig missen kann, ofe den annern, un do mot ik by blywen: de Husaren sind van der ganzen Kawellery de wädersten. De Mürkers in Bunne hadden der auf öhr Pläseier anne, wänn se vürbyriehe, un laiten de Arwet liggen, seo lange as se de wädernen Kerels seihen kunnen. De Husaren maiken sik niu jümmer den Spaß, wänn se vürbyriehe, dann raipen se den Mürkers teo: „Lähm up!“ Dat full heiten: siulänzet nich; grypet wier ter Arwet! oder as wy segget: „An die Gewehre!“ Doher hiät dat „Lähm up!“ synen Ursprung.

"Ik danke dy, Ramrod", gaww ik ter Antweoert; „niu weit ik doch, wat dat Lähm up te beduien hiät."

Mits doh de Maschyne en hellen Krynst, un de Schaffner raip: „Stazion Celle; fünf Minuten!"

Ik ging toeist na mynem Pasteroer, „Hannoversche Heerstraße 28 a" und meldte mit.

„Wie ist Ihr Name, Kamerad?“ frogede hei.

„Pappstoffel, zu Befehl, Herr Pastor.“

De Heer gnuichelde. „Was für ein Landsmann, mein Sohn?“ lutte de tweedde Froge.

„Jut dem Habutkenlanne, van Iärfentrup, Heer, wänn Sei do Bescheid wietet.“

„Suih mol, dat is nette“, saggde de Heer un klappede in de Hanne. „Dat häw' ik särrig kriegen, un dat frögget my. Diu weißt nau wal gar nich, wiu dat teogohen is, dat diu hyher kumen bist? Knt mol, myn Köster is krank un kann den Fäldzug nich metmaken. Do häw' ik glyk an diß dacht, myn Suhne. De Heer Ginerol hadd' et my frystallt, en Burschen un en Giul intstellen. Wat den Giul bedreppet, so fällt myne Wahl natürliker Wyse glyk up mynen eigenen, myne kleine flotte un trueie Kappstiute Iduna; wat den Burschen bedreppet, so fällt myne Wahl up keinen annern ose diß, Mattigges. Doch diu kideest miß je an, ose de Kauh de nigge Porte; kennst diu miß dänn nich mähr, Mattigges?“

„Nä, Heer, wahrhaftig nich.“

„Jä, myn Sohn, wänn diu my nich saggt häddest, dat diu Pappstoffel heitest, ik hädde diß auk nich kannt. Wiu vaken hiäst diu my in Iärfentrup de Wisse deint, män dat is lange verlieden, do ik Kaplon in Sannebieke was. Dyne Süster Marjanne häw' ik doft, de Pasteoer was jußt up der Kolläkten-Reise för de nigge Kiärke. Wat fänget dei gude alle Heer dänn an?“

„D danke, hei is nau ganß friß up'n Tahn“, garw ik ter Antweoert, un hei saggte:

„Goäd der Heer lot en nau lange liewen! Hei hiät in Sannebieke en Kunststücke maket, dat mädet em so lichte keiner noh, ne Kiärke hiät hei jiu besörget, en ror Kunstwiärk, wo dat ganße Kiärspel

stolt up syn kann. Mit mocht' hei jümmer seo geren
 lyhen und saggte, hei hädde mit seo leiw ose wänn it
 syn Breuer wöre. It kann by versteckern, Mattigges,
 dat et my in Sannebieke wahne gud gefallen hiät, un
 it wör' vielleicht nau do, wänn dei Ulfen-Fälbroimer-
 biärg nich wöre un wänn se mit do nich rüäwer na
 Allenbeiken tocket hädde; it lait mit begausen."

"Heer, niu geiht my en Lecht up", raip it; "Sei
 sind et, män den Namen hä't vergiäten."

"Wänn by mol en Bauk in de Finger kümmt,
 wat den Titel hiät: Niu lustert mol! dänn frog
 mol wei dat schriemen hiät, dänn weret se by mynen
 Namen seggen. Bärtig sin it iut Brokel. It sin ol
 dreientwintig Johre geistlik un sin an mähren Styens
 wiäsen in Saksen un in Westfalen: in Niggehus,
 im Nebberschen, in Sannebieke un in Allenbeiken, in
 Egeln by Magdeburg, in Anhalt-Koithen un in Plen-
 burg by Leipzig, antläste in Hären-Geisele; män neiren
 häw' it so'n netten Wiffedeiner hatt, ose di, un do
 it wußte, dat it di häwwen kunn, häw' it di iutsocht,
 dat du mihe geihst anplaz Köster."

"Dat is my leiw, Heer", saggte it, "wänn it by
 Sei bin, wer' it doch seo lichte nich dautschoäten, do
 sin it flker."

"Do möchtest diu di doch wal irren, myn Sohn;
 wänn wy auf nich met scheitet, sü' wy doch wal
 mannigmol in't Fuier kumen. Mattigges, diu hiäst
 doch wal nich, wat me seo seggt, dat Ranaunenfeirer?"

"Nä Heer, vür den blohen Bauhnen fröcht' it
 mit nich un vür den Säßpünnern auf nich. Wänn't
 up mit ankümmt", saggt' it, un de Marrak stäg my
 doby in de Nase, "dänn möcht' it den Napolijum
 dautscheiten je eihex je leirer. Dei Uffe hiät iusen
 leirwen Künig beleidiget. So'n Dunerthl!"

„Mattigges, et frögget my, dat diu dynen Künig
 seo leiw hiäst. Wer wollte nicht gern sein Blut und
 Leben einsetzen für seinen Herrn und König und für
 sein liebes deutsches Vaterland!“ sprach hei snerlik, ose
 wänn he up der Kanfel stünne. Dann forrt' hei furt:
 „Mattigges, niu goh in de Rüste, dat by de Hius-
 hällersche wat te iäten giwot. Un hör mol: ik mag
 et ollerdings nich lyhen, wänn en Salbote en Häh-
 pinn is; män flauken drawost diu by my nich!“

De Kürassiere wören ol einige Dage froiher iut
 Celle iutrücket, wohrschnlik hadden se den schoinen
 Rym doby sungem:

Gemüthlich ist der Kürassier,
 Er reitet Schritt und trinkt viel Bier.

De Siementeilner krägen Befähl, den siemen-
 untwintigsten Juli iutterücken. Am Moärgeu des
 sülftigen Dages wur' in ollen Riärken Düitschlands
 Biddag hallen, wat Syne Majestait de Künig besöählen
 hadde, wylant bei hauge Heer auf en frumen Heeren
 is un ganz gud weit, dat hei ohne Gaädes Bystand
 den Ryg nich gewinnen kann. Dat ganze „viertes
 westfälisches Infanterie-Regiment Nr. 17“ kamm up
 dem Wildgoren tehaup, un do wur' de eiste butwelte
 Fäldgoädesdenst hallen, för de katholisten Salboten
 an dem einen Enne un för de evangelisten an dem
 annern. Myn Heer doh de Wisse an dem Fäldaltore,
 wat wy upbugget hadden, hei sang ne Haumisse un
 häll ne Priäke, wo hei den Salboten öhre Pslichten
 im Ryge inschärpede un se anfuierde, dapper te
 kämpfen tiger den „Erbfeind des deutschen Vaterlandes“,
 un wänn't nädig wöre, met Froiden un Upofferunge
 Bleot un Niewen höntegiewen för Künig un Vaterland,

un wänn se vür der Schlacht de Ginerol-Absluzijeon kriegen hädde un öhre Sünnen bereueden un dänn den Helbendaub stürwen för König un Vaderland, dänn kainen se van Mundup in den Hiemel. Do Ollens vürby was, brochte hei nau en dreimolig Hauch iut up iusen „geliebten Heldekönig Wilhelm“, un dreimol dunerde dat Hurrah! üäwer den Wildgoren hön, un wure am annern Enne dreimol beantworet van den evangelisten Salboten; dänn deren Pasteroer was auk just färrig un hadde et grade seo maket met dem Hauchraupen ose iuse Pasteroer.

De evangeliste Pasteroer was en roren un nuiblifen Minschen, män iätwas spiß, un se saggten, dat hei den Fäldzug nich mihe maite, syn Körper wör' för de Strapazen te schwach, un hei kaimen na Konstantenopel by de Gesandtskop. Myn Pasteroer is, Goäd sy gedanket, stramm und stur, un ik auk.

Nin ging et an't Inpaden. Iuse Heer hiät drei Guile, synen kleinen Rappen Iduna, diän hei sülwert ritt; de annern beiden wören kiewert, dat eine Piärd is en grauten starken Boß, diän hei Wylord doft hadde, diän sull ik ryhen, et is en frum Piärd; dat annere is en Briunen, auk en graut Diert, dei den Wagen teihen sull; ik soh ghyt, dat et en Rader was un syne Rüde hadde, de Heer hadde dat auk ol seihen un hadd' en Gallus noimt, wat so viel bedüdt ose „Franzose“; dei sull den Rutschwagen treden. De Heer saggte, hei hadde auk nau en wunnerwaderen Windhund, wat en Tiwelen wör' un Miß heite, diän künn' he läder nich metnihmen, im Krynge künn' he der üm kumen, hei hadd' en ol in Kost giewen un unnerbrocht.

Ik un myn Kamrod, dei den Wagen foihren moßte un Aujust heite un er Mäzker iut Berlyn was,

wy gawnten us niu daran un packen dat Fäldaltor un de annern Saken, Kläher un Wäffe, dei de Heer metnihmen wull, in den Wagen. Den Wagen hadde de Pasteroer kost un düer betahlt, un ik was glyk bange, of dat Gestelle den Kryg wal iuthälle.

Do wy met dem Inpacken färrig wören, kamm iuse Pasteroer te gohen, un ik saggte:

„Heer, dem Wagen trugg' ik nich. Wänn dei alle Kalesche de Strapazen män iuthält.“

„Hoäpentlik werd se dat, Mattigges; de Wagenmaker saggte, se hälle drei Kryge iut, un ik hä' se düer betahlt.“

„No, Goäd giewe synen Segen derteo!“ saggt' ik.

„Mattigges“, frogete de Pasteroer, „hiäfst diu dat Barplui, wat in myner Kamer stund, in't Kläher-schapp stalt?“

„Nä Heer, dat liggt im Wagen, unnen im Magazyn un is sifer verpacket.“

„So'n Unsinn“, priustede hei los, „so'ne Däsigkeit! Pack dat alle Dings foärt wier iut.“

„Dat geiht nich, Heer, et liggt ganz unnen inne.“

„Geo 'ne Dufelerigge, Mattigges! Du kannst doch sachte denken, dat ik kein Barplui met in den Kryg nihmen will. Oder meinst diu, ik wull der de Frankeosen met baut scheiten? Geo wat is nau nich do wiäsen! Dat is sifer dat einzige Barplui, wat den Kryg metmaket. Lot et ümme Goädeswillen unnen im Magazynne liggen un wys et keinem Minschen, süß belachet se us.“

Wy rückenden iut Celle iut för iuse eigene Kanne Beier. Ik ging up den Mylord sitten un iuse Pasteroer up syne Duna. En ganz absunnerlik guden Fründ beglette us bis na der Mäggenburg. Et was en Dokter

un hei un de Pastroer wörent jümmer tehaupen spazeiren rieken. Düsse Heer satt up 'ner briunen Stiute, bei Koriandra heite; et was en Stootspiärd. Do bei beiden Frünne Affscheid ruhmen hadden, gaww de Dokter synem Giule ein paar Sporen un flusede na Celle trügge.

„Heer“, saggte it vür 'en Pastroer, „dat was öwwer en roren Giul; Schwerejache naumol! Wänn wy diän hädde.“

„Dat 'läw' it, Mattigges; do sullst diu lachen! Koriandra is en Piärd, do briukede sik de König nich te schiämen, wänn hei der up sitten ginge. Diän giwot myn Fründ nich her, un wänn em Einer diusend Daler beihen wull. Estadron teraas!“ reip de Pastroer, un wy jachelden vürwes, satten in Schillerslage de Hache unner un laimen by guder Tht in Hanneower an.

Juse Heer saggte, de Stadt hädde öhren Namen vam „hohen Ufer“ des Leinesflusses, hohen Ufer, Hannover. It för mynen Part sin annerer Meinunge; et hett je nich Haugenower!

In't Frankeschenland!

De Pastroer hadde my saggt, it sull my en Bäuksken kaupen un Alles derin schrywen, wat it erliewen wäre; hei wull dat auf seo maken. Wänn me dänn in späterer Tht mol derin kiefe, dänn wü'r me an Alles wier erinnert. It häwwe düßen Roth befolget un feuhre van niu an regelmäsig myn Dagebauk. En vernünftige Menste mot kein Narre syn; viellichte kann it et nau mol in'n Druck giewen. Van Dage werd so viel dumm Tuig drücket, worümme sull it nich auf mol wat drücken loten?

Den niegenuntwintigsten Juli, Moorgens twee Suher, wuren wy in Hanneower inschiepet up der Yserbahn, et was en ganzen langen Zug. In einem Wagen satt in dem einen Rupei iuse nigge Heer Ginerol, de Hauptmann un de annern Offfiere, dei by den Stab horden; in dem annern Rupei satt ik un iuse Pasteroer un de evangeliste Pasteroer un syn Koster. In dem Wagen wören schamästerne Bänke, un me kunn so nette in de Ede liggen gohen un schlophen. Do de Dag an te schummern fäng, wören wy Minnen ol vörby forrt. In Guitfel håll de Zug ne Bärrelstunne, de Guitfelsken wören in hellen Haupen up dem Bahnhoawe un hadden för en Froihstüde soarget, dat was nich van Hüwelspöhnen; dat mot me den Luien nohsseggen, se hätt us iutgeteikent bewirtheet, iuse Pasteroer saggte, dat döhen se iut Poterjotismus oder miu dat Dingens hett, se egeben, dat se in der Tydunge en öffentliken Dank krägen, un de evangeliste Pasteroer saggte, dat döhen se auf. De evangeliste Pasteroer was en grauten un starken Heeren, hei gloisede ose ne Keose un kunn de Strapazen wal iuthallen, un syn Koster was nau grötter. Wy forrden by Reihe vürby un in Biäkem hållen wy wier an. Do hadden se'n Dist am Bahnhoawe stohen, un up dem Dist stund ne Beiertoitte, un by dem Dist stund en Kerel, dei ingaut. Dat was Ollens. Dat Beier was suer, un miy fällt dei Pütt in, wo se dat Rhymfel van maket hätt, wat anfänget:

De Pütt to Biäkem was mol voll
 Van Üsery un Mudde;
 Me mochte pütten, wat me wull,
 Et kamm doch nig to Gudde.

Van liuter Poterjotismus. Lähm up!

Wy forrden un forrden. In Hamm garow et Middages, un wy aiten us seo satt, dat wy nich mähr kunnen un nix mähr mochten, in Dortmund dranken wy Raffai, dei seo styf was, dat me der en Piepel richt in upstellen kunn, vullends wänn me Twybad der inplotet hadde. Un wy forrden un forrden un kaimen endliċ na Röllen un söhen de Wacht am Rhyne up der Brügge stohen un den allmächtig grauten Deom, wo de hilgen drei Künige inne te seihen sind un de ölwendiusend Jungfrauen, un ik kann nich begrypen, dat de Heerens un Mammesällens in Vaterboärne un in Münster dat köllste Water seo düer betahlt, hy kann me't ömmerwyse iut dem Rhyne langen för ümmesüß. Do de Zug in Bunne anhäll, dacht' ik an de Husaren, ging in't Fenster liggen un raip iut vullem Halse: „Lähm up!“ Dei annern dreie, dei in dem Wagen seiten, wören verjaget, un: „Ümme Goödswillen, Mattigges, wat hiäst de te bölfen?“ raip iuse Pastoor.

Niu fing et an grummelig to weren un do wy in Koblenz ankaimen, was et seo duister of' im Sacke, un do wy an dem Rhyne rupper forrden, wo de Gigend am wäckersten syn sall, kunn me keine Hand vör Augen seihen. De luthersche Köster vertallde my, do wör' auf en Felsen im Water, do seite 'n Wywesminsche uppe, wat sik met em güllen Kamme kämmede un jümmer sänge:

Ik weit nich, wat sall dat bedühen,
Dat ik seo triurig sin,
En Mäken iut allen Tzhen
Dat will my nich iut dem Sinn.

Män ik häwwe kein Fruggensminsche seihen un auf keinen Gesang hort. Ik 'läwe, de Kollege hiät my einen upbunnen.

Do et helle wure un de Sunne upging, söhen wy de Stadt Bingen do liggen, un im Rhyne stund en allen Thoren, do vertallden sit dei beiden Pastoiers van, do hadde mol en Bischop inne stäten, diän hadden de Muise upfriäten. Wänn de Heerens der nich seerensthäftig by iutseihen hadden, dänn hädd' ik dacht, se wullen mit oiwen. Se saggten auf, in Bingen wöre en Propheite wiäsen, dei hadde Holzhauser heiten, un ne Propheitinne, wat de heilige Hildegard wiäsen wöre.

„Wat hiät dänn de Holzhauser propheßigget?“ froged' ik.

„Dat de König van Pruißen duitscher Kaiser werd“, saggte de evangeliske Pasteroer.

„Wat hiät dänn de Propheitinne widet?“ froged' ik wier.

„Dat de Frankeosen wat up't Fäll kryget“, saggte iuse Pasteroer.

Marisch-Quartier Bingen, 31. Juli.

Gistern Moärgeu syf Uhr sy wy in Bingerbrück iutskiepet. Wy käimen in Bingen by den Diäken int Quartier un hadden et sehr gud. In der Diäkenigge wuhnden de Diäken, zwei Vikarjese un zwei beinende Broier, dei hadden briune Sabhyter anne un laiten ose Obselvantepoters; Fruggensluie wören nich im Huse, un iuse Heer saggte, dat wör' dat gemeinschaftlike Riewent, wat de stälige Holzhauser inforrt hädde, dei hy auf Pasteroer wiäsen wöre vür tweihunnert Jöhren. Dat werd wal seo syn ose in Biärne by Saltköäten, wo my Schriäwentigges van vertallt hiät; se segget, dat heite Komme—, Kommejanten; och nä Kommejanten nich, dei gohet up et Trijötter; — toiwet mol! — Niu weit ik et: Kommenisten.

Ik saggte teo iusem Pasteroer: „Heer, wänn wy

niu öwwer in dat Frankeosenland kumet, wat sall dat dänn giewen? Ik verstohe keine Brocke Frankoist.“

„Paß up, Mattigges“, gaww hei ter Antwoert, „twei Worde moßt diu dy miärken un dei moßt diu nich vergiäten; do kannst diu mihe dör ganz Frankryk kumen: Mangscheh hett dat eine Word, ankohr dat annere. • Wänn diu wat te iäten häwwen wutt, dänn seggst du „mangscheh“, datt hett „essen“. Wänn se dy dänn wat giewet, dänn is dat nich genug, wylant en Frankeose nich so viel ett os en Düitscher. Wänn diu et uppe heft, dänn seggst diu „ankohr“, dat hett „noch mehr“ oder „nau wat“. Mähr briufest diu nich un werst nich dauthungern.“

„Dat is je ror, Heer Pasterer“, saggte ik, „Verstohet Sei Ollens, wat de Frankeosen schwatert?“

Hei saggte: „Ik verstohe Ollens vam Frankoisten, män führen kann ik et nich. Ik mag de frankoiste Sproke iöwen seo weinig lyhen os de Frankeosen. De Sproke klinget just, ose wänn me met der Nachts- müsse vür ne Banse Högg schmitt. Goäd ehre us Düitschen, absunnerlik us Plattdüitschen! Met den Geistliken in der Frankeosy wer' ik Latyn führen, wylant me verlangen kann, dat roinisch-katholiske Geistlike Latyn verstohet.“

M.-D. Kruiznach, 2. August.

Gistern Moärgeen gingen wy up iuse Guile sitten un marschierden vürwes un kaimen Mibdag by guder Tht in Kruiznach an. Dat is ne wädere Stadt. Wy kaimen in en grauten Gasthoäm in't Quartier, wo wy et ganz gud hadden, un de Luie würen sehr fründlik. Se hadden seon klein Mäken van en Johren er niegene, dat schlaut sik an iusen Heeren an un was

mannigmol by em up der Stuäwe, wylant et miärfete, dat hei en Rinnerfründ was. Dat lütfe Ding was Fuier un Flamme för de Prüißen, un et was en Pläseier anteseihen, wänn et de Trummen oder de Salbotenmusyk horde. Dänn segede 't der Träppen runner of en Ungewitter, keine veier Piäre hädde 't hallen, un wänn en Bateljeon vürby kamm, dänn stund et vür der Hiussdühr boäwen up der Trappe un raip iut vüllem Halse: „Die Preußen sollen leben! Hurrah!“ Un dänn kamm et wier rupgefeget un vertallde, de Hauptmann oder de Leutnants hädde em de Honnors maket, un fröggede sik, ose wänn 't dat graute Leos gewonnen hädde. „Kind“, saggte de Pasteroer, „et is schahe, dat diu kein Junge bist, diu könnest nau Ginerol weren.“

Se sagkten ghyt, dat wy wal en paar Dage in Kruiznach bliewen, un iuse Heer benutzede de Tyt un lait dei Siewenteihner ter Bichte kumen, un do garw et viel te deoen. De browen Kamraden benutzeden de Gelegenheit in häfter Wyse.

M.-D. Meisenheim, 4. August.

Quite sind wy hy ankumen. Män wy hätt ol en Blesfirten. Do wy tüster Rehborn un Meisenheim wören un de Niegenunfienziger just tiger us marschierden, satte sik de Stab iu Galopp, iusen Heeren syne Duna fäng wahne an te springen, un baatsch! lagge de Pasteroer up der Schoffe. Wiu was dat teogohen?

Myn Kamrod, dei den Wagen forr, hadde in Kruiznach saggt, dat dei Gallus te schwach wöre un den Wagen nich wiagbringen könn. Wy moßten wesseln, Mylord kamm vür den Wagen, un den Gallus moßt' ik ryhen. De Pasteroer hadde vür den evangelisten

Röster saggt, hei sull seo gud syn un ryhen den Gallus iätwas teo, dat he kein Spalks maite, wänn ik der uppe saite; de Röster was Schersante by den drütteihnden Ulanen wiäsen un kunn gud ryhen. Niu hadde dei langstreckete Kerel met synen statergen Beinen dem Gallus dem Pasteroer synen Sadel uplaggt un de Bügels hernohe nich wier fürter schnallt. Da kamm dat met, dat de Pasteroer bym Anspringen beide Bügels verlaus un up de Landstrote te liggen kamm. Hei hadde sik den linken Diumen iutrentet, de Nase un de Mund bleoden, un hei moßte in den Wagen sitten gohen un na Meisenheim rinsoihren.

„Heer, se führt hy seo viel van Friederhke Brion.“

„Och, Mattigges, wat weist diu van Friederhke Brion!“

„Se wör hy begrawen. Män de graute Röster behauptet, se läggte in Seseenheim in’n Elsaß. Wei is dat wiäsen, Heer?“

„Ein deutsches Mädchen vom besten Charakter, deutsch durch und durch, eine edle Seele“, saggte de Pasteroer up Hauchduitsch, „die Geliebte des großen Dichters Göthe. Doch dat geht üäwer dynen Horizont, Mattigges. Domet hiät et syne Richtigkeit, se liggt hy in Meisenheim, un wänn’t de graute Röster siemenmol biäter wieten will. Dei hiät wol lühen hort un weit nich, wo de Kloeken hanget. Wänn ik nich stürtet wöre, wür’ ik auk dat Gram besoißen. Doch diu hälft dat Miul oäpen, Mattigges; süß’s versteihst diu nich. Niu hyl mol na den Piären, of se auk Ollens hätt, wat ’ne teokümmet. Un dänn bühst my den Rod un de Rytbüre iut un maß my de Stiewelen blank. Do ik stürtede, is dat olle schieterig wuren.“

M.-D. Rufel, 5. August.

Gistern hadden wy Quartier by em Juden, van Dage by 'm Pasteroer. By beiden was et gud. De Pasteroer was en roren Minschen un mochte mit hellest geren lyhen. Syne Süster, bei em den Hushalt forrde, was en wader Wicht un üt blöggede ose ne Reose. „Heer“, saggt' ik to iusem Pasteroer, „Dhre Kollege is en prächtigen Mann, hei mag mit geren lyhen.“

„Dat doit dyn fründlike Gesichte, Mattigges; diu lachest je jümmer met dem ganzen Koppe.“

„Jä Heer, un ik mag syne Süster geren lyhen, dat Wicht is seo wader ose de Sannebielsche Muttergoädes, dei se by der Brossejeon dräget, un iäwen seo wader ose Braukmeggers Söphken in Järfentrup. Ik künn se seo in en Armen nihmen.“

„Mattigges, diu sust di wat schiämen! Seon Unsinn te schnaden! Bedenk, dat diu in Amt un Würden steihst un dat diu Köster bist. Säjakess, wiu lutt dat! Et is män gud, dat et de Kuselste Pasteroer nich hort hiät; diu würest deip in syner Meinunge finfen. Uäwrigens denk an Söphken in Järfentrup, wo diu my düsse Dage van vertallt hiäst un wat diu geren lyhen magst, un do kann me nix tiger seggen; un schlog dy bei Flausen iut em Koppe.“

„Jo Heer, ik will't auk. nich wier deoen. Un wat ik seggen wull, de Pasteroer hiät my vertallt, hei wör' van der Frankoisten Gränze, wänn wy do her kaimen, sull ik syne Allern gruißen.“

„Jo Mattigges, wänn we do her kumet.“

M.-D. Klein-Ottweiler, 6. August.

Wy ligget hy in'n Biuernhiuse up em Strauche, de beiden Pasteroers un de beiden Kösters. Use is van

Weisenheim bis hy in syner Kalesche forrt, hei was iätwas omhfig, wylant hei nich rät un den linken Arm in der Vinne draug. Et is en elend Doärp, se saggten et wöre nan baiersk, et is keine Kiärke un keine Kapälle der inne. De Pasteroer saggte: „Mat-tigges, moren is Sunndag; üm veier Juher mädest diu dat Fälbaltor te Gange in der annern Stuäwe un deinst my de Wisse; un wänn it Kassei drunken häwwe, dann goh it up mynen Rappen sitten un feuhre 'n met der rächten Hand; it kann't in dem allen Kumpel-fasten nich länger iuthallen.“

M.-D. St. Ingbert, 7. August.

Van Moärgen veier Juher hadde it dat Fälbaltor in der Biuernstuäwe upbugget an ner Spiegelwand tükter twei Fenster, un van der Schossef kunnt me dem Pasteroer in't Gesichte seihen, do hei de Wisse laus. Wy wören am Consiteor, do kaimen de eisten van iuser Divisiyeon oll heranmarschirt. De Pasteroer hadde saggt: „Wänn se seihet, dat it Wisse deoe, dann kryget se wal en frumen Gedanken un schliutet sik in dat heilige Offer met in.“ Un dat was auk seo; do hiät sik mannigereiner an den leiwen Sunndag un an den leiwen Heeren erinnert.

Toeist kamm dat säktheihnte Drageoner-Regimänt, wat in Northheim un Einbäck lag.

Dragoner reiten wie der Wind,
Wenn sie erst — aufgefessen find,

dachte it vam Moärgen nich, dönn it beinte de Wisse un behebe myne Mißgebiäter; män it denk' et niu, do it dütt dal schrywe. Do dat Regimänt vürby marschirt was, kaimen de säßunfusziger, stramme Kerels iut Westfalen met klingendem Spiele heranmarschirt, düßen

folgete dat niegenunfienzigste Regimänt, auf stramme Kerels iut der Gegend van Pott-Hilmsen oder up Hauchduitsch Hildesheim, met Trummen un Pyren. Dorup kamm de Wunstorper Attery-Afdälung met öhren Beierplünnern.

O Artillerie, du fehlest nie,
Ist erst gebaut die Batterie.

Dänn kamm dat Goslarsche Jäger-Bateljeon in öhren groinen Röcken met öhren Büchsen, flotte un kriegelige Jungen. Dorup folgeten de Pioniere met öhren Schiepfens un annern Geröthschaften, iäwen so nette Kerels.

Der Pionier, das ist der Mann,
Der Alles weiß und Manches kann.

Düßen folgete de verzigste Infanterie-Brigade, nämlik dat siewenteihnte un dat briunschwygste Regimänt, dat läste in der schwarten Uniform. By der Infanterie fällt my dei Rym in:

Der dort am Baume steht und schießt,
Das ist des Königs Infanterist.

„Mattigges, wat kratelst diu do vür Unsinn tehaupe?“ saggte de Pasterer un kät my üäwer de Schuller. „It sin moihe os en Rüche, it gohe te Bedde.“

„It legge mit auf glyt hön, anwede it; it will iäwen myn Dagebauk färrig maken. Gu' Nacht, Heer.“

Ulanen werden in der Schlacht
Wie andre Menschen umgebracht.

Nä, dat hört hy nich hön! Wy hätt je keine Ulanen. Niu sin it 'r inne verkommen. Sei hiät der mit inne verbrocht. — Toiw mol, wo was it bliewen? Wichtig, by den Briunschwygers. Do dei vürby wören, kamm iuse Ginerol met dem Stabe angestufet, (wy

wören jußt am lästen Eivenjilien), dänn kamm dat Sanitairt-Detaſchemang, — düße Luie nennt ſe nix-würdiger Wyſe de Univerſoliärwen, — den Schluß maik de tweiräherige Awetheiter-Kore; dänn kamm de Bagasche, un Aujuß met iuſer Kalesche.

Der Träng iſt hinten bei den Wagen,
 Drum darf er auch den Helmbuſch tragen.
 Zufrieden iſt der Trängſoldat,
 Wenn er nur was zu trinken hat.

It un iuſe Heer dranken Kaffe un gingen up de Biäre ſitten un ryhen noh in oller Gemoithlichkeit. Sei lette ſyne Iduna met der rächten Hand, wylant hei de linke nau in der Mitälle drägen moſte, un ſaggte to my: „Mattigges, it kann dy gar nich beſchrywen, wiu frauß it ſin, dat it wier up em Biäre ſitte.“ Wy maiken en kleinen Drabb un hadden de Köh oder den Schwanz van der Diviſjeon balle wier inhalt.

Et duerte nich lange, do wören wy an der Teete, un wy rückeden vür Middag in Sankt Ingbert in un krägen Quartier in der Paſtrote.

Hy kräg it de eiſten Frankeoſen te ſeihen met öhren rauhen Bären un grohen ſchlanpampergen Röcken. Dei Kerels laiten oſe Ziguiners un Tateren: et wören Gefangene. De Kaplon vertallte mynem Paſteoer, hei hädde de Verwunneten berichten wöllen, män ſe hadden 'n dūr de Bank afwieſen un ſaggt: Schamäh, ſchö ſchwi perdü! dat hett: Nä, goht mänt, it ſin verloren. Hy vertallten ſe us, et wör den Dag vürher by Saarbrücken ne Schlacht wiäſen un de Frankeoſen hadden gehörig wat up't Fäll friegen. Napolijum was wecke Dage vürher met ſynem ſchnutterigen Jungen und met ſynem Ginerol Freßſack in Saarbrücken inrücket, wo

mänt ne Handvull Pruißen inne was, un se hadden de oäpene Stadt beschoäten un hadden wirthschaftet ose unwyse Luie, un Lulu hadde ne Metraljose afdräggem mötten. Do meinden se Wunners wat se doën hädde; män gistern hiät en de Duimel de Pötte verkost!

Se vertallten us auf, iuse Heer Kreonprinz, iuse Friße, hädde by Weißenburg un Wörth de Frankeosen met öhren Zuaven un Turkos un wiu bei Wüsten-Gedierze olle heitet, ganß gehörig nählt un hämmert, un de Baiern hädde em ehrliß hulpen, un de Feind wöre in willer Flucht iutnein stoäwen; dem Prinzen Friedrich Karel, bei iuse Armei kommandierte, jül' et in den Armen, un hei künn' de Tzt nich astoiven, wo hei up bei Frankeosen loßbiäschem wull. „Kinder“, hädde hei saggt, „lasset eure Herzen schlagen zu Gott, und eure Fäuste auf den Feind!“

Wyn Pasteroer saggte, dat wy dat moren viellichte ol deoen mößten, wylant wy moren üäwer de feindlike Gränze gingen. Um drei Juher huite Romidag gink hei up synen Rappen sitten, un ik beglette 'ne, un wy riechen by ollen Truppendälen in den Biwak rümm, un hei häll in jidem Biwak, findiäß dat Regimänt oder Bateljeon Karel um us bilbte, met der blohen Stola um den Hals vam Giule runner ne Briäke, un saggte, dat se viellichte moren ol im Fuier stünnen, un bereite se to'r Ginerol-Absluzijeon vür, un erweckebe „Reu und Leid“, un dat ganze Regimänt saggte de Worde noch bis up „Jesus, dir leb' ich, Jesus, dir sterb' ich“, un de Pasteroer saggte, niu söllen se derup gohen „mit Gott für König und Vaterland“. Am lästen Enne raip hei: „Unser geliebter König Wilhelm lebe hoch!“ Un unner dem dreimoligen Hoch der Soldoten gaww hei synem Rappen en paar Sporen, un wy riechen in en anner Biwak.

Up düsse Wyse hiät iuse Pasteroer dүн Romidag
fiewenmol priädiget, un de Klocke schlang achte, do
wy in iuse Quartier taimen.

R.-D. Saargemünd, 8. August.

Gistern hadden wy se olle hatt bis up dat eiste
und drüdde Bateljeon des fiewenteihten Regimänts.
Iuse Heer Ginerol ging huite met der gröttesten Bür-
sicht vürwes, hei was by'm Groh (oder Gros, wiu
et hett) in der Mibde, bei beiden genannten Bateljeone
bildten den rächten Flügel un marschirten van der
Schossei af en steinigen un stiekeln Biärg hönup. Do
wy boäwen up der Biärgspitze wören, lait de Oberst
Rangdewu maken un de Pasteroer lait dat Rarch billen un
gaww de Abfluzjeon, und et was seo ne Andacht unner
Offizieren un Soldoten, ose wänn se im Deome wören.
Wy söhen bei frankoisten Döärper ol vür us liggen
un söhen wythön in dat feindlike Land. Un wy
klädderten den stiekeln Biärg runner und taimen an
ne Biefe un an Huiser. Wy hällen vür em Huse,
laiten de Biäre drinken, ein Mann reikede iusem Pa-
steoer en Glas Wyn un saggte, hei sull mänt drinken,
et wöre kein Gift, hei hädde auf en Broer, bei wöre
Pasteroer in Rusel. „Minners nich willen!“ raip ik,
un wy kunnen den Griuß anbringen, diän us de
Ruselsche Pasteroer met giewen hadde, un syne Allern
taimen riut un fröggeden sik ose der teo. It träg
auf en Glas Wyn un en Buterstüde, un dat doh
my gud, dänn ik hadde van Dage nau nix hatt, of
en Stüde yle Braud, — nau nich mol en Schluck.

Wy gingen met Hurrah üäwer ne Brügge, wo de
Gränze was, un wören im eisten frankoisten Döärpe.
Kein Minsche was te seihen un te hören, olle Fenster-

Schallern (oder Schalufhen wiu et hett) wören teoe; wy marschierden födder un kaimen met der Diviffjeon wier tehaupe, un wy rückeden in Saargemünd in.

M.-D. Buftweiler, 9. Auguft.

Van Dage hä' wy en kleinen Marsch hatt, annert-halw Stunne. De Ginerol kamm in de Mäkenfchaula int Quartier. Do de Leutnant Quartier maif, fchriggeden de Nunnen un laipen wiäg. De Leutnant faggte, fe fullen män nich wiäglaupten, hei böhe ne nix, hei wör' auf katholsch. Dei eine Nunne faggte, de Frankefen, dei fe im Quartier hatt hädden, wören aifte un läge Kerels wiäfen un hädden ne wat deoen wüllen. Seo infame Hottentotten! Sit an ner barmhörtigen Schwäfter te vergrypen! Toiw, jy liffen! Lähm up!

Wy kaimen in de Paftrote te liggen. De Paftoer was ol en alt Minsche, un de Hufshällersche foh iut of en alt Spiel Kortten, wänn me fe an de Müre fchmät, bläw fe gewiffe kleiwen vür liuter Gnyst un Schmeer. En rächt Schüggel!

Wy draipen hy de veierten Kürassiere, un myn Paftoer fröggete fit un häll der Bichte met af. Hei fräg auf synen allen Mylord te feihen, wo hei ryhen uppe lehrt hadde, — en rächt Paftoern=Piärd, liuter Dugenden, män en bieten fiul!

M.-D. Ernstweiler, 10. Auguft.

De huiltige Marsch was feo kurt ofe de giftige. Wy kaimen in en Biuernhins te liggen, de evangelifte Paftoer auf. Dei rät en Giul, dei heite Cyklope, un dei was up einem Auge blind; süß was et en Stootspiärd un hadde keine Undugend ofe eine, dei if hy tom eiftenmole an em foh, do hei by iufen Guilen

stund. Seo'n Upsetten häw' ik myn Vieren nich seihen. Hei kunn't gar nich loten. Seo droh os hei in en Stall kamm, satt' hei up de Krüwe, wänn keine Krüwe do was, satt' hei up'n eisten bästen Knüppel, un wänn kein Knüppel do was, satt' hei up'n Dünger, un dänn kölperde dei Giul un pumpepe sik Wind intem Balge un piustete sik up ose ne Schwynebloße. Me hädd' en können för Gäld seihen loten.

M.-D. Sankt Johannes Norbach, 11. August.

Nau jümmer kein Feind. Keine Frankeosen. Un olle Luie führt Duitisch. De Pasteroer seggt, dat wören auf Duitische, un se mößten wier by Duitischland by. Wy ligget hy by em Wynthändler, un Wynth könn' wy drinken ose Water. De Quartiergiower lät et us an nix feihlen. De Pasteroer seggt my iäwelen, hei un syn College häbben van Middage ne Frikassei giäten van Schniegels, un dei hädde wahne gud schmedet. Ik danke! Häjafes naumol! (Hy hiät myn Pasteroer met der Blyßäder unner bemärket: Sehr erklärlich; was der Bauer nicht kennt, das frisst er nicht.)

M.-D. Berig, 12. August.

En düden Marsch hä' wy maket, un wy ligget by em grauten Biuern, dei en ganzen Keller vull Wynth hiät. Dat mährste hätt se requirirt un Bons iutstallt. Luhi Napolijum betahlt Alles. Moren froih veier Inher will de Pasteroer in Walleringen för de säkunsfuziger Kiärke hallen. Ik sin moihe, ik kriupe in't Kültter.

M.-D. Delme, 13. August.

Wy wören iäwen hy inrückt un hadden 't us in iusem Quartier in der Diäkenigge bequem maket. Ik

ging in den Goren un soh hy en intressant Biold. Do stund en Saldote, dei jußt seo ne Uniform anhadde of' it, un hadde ne Potälge vür'n Kopp satt, de alle Diäken was teosprungen, rät met oller Macht an der Potälge un raip: „Pa de tu! Pa de tu! O mon Diö!“ Dei Saldote däh eist en Zug iut der Potälge, eih' he se fahren lait, dänn verdräggeten sif syne Augen im Koppe un hei fäng an te kogen. De Diäken was wiäg gohen un kamm fründlit met twee Potälgen Rauthwyn terügge, gaww dem Saldoten eine un my eine. Niu kamm auk iuse Pasteroer te gohen, un de Diäken vertallt' em, in der Potälge wöre Hypensubder, diän hei in heitem Water uplöset hädde, un wo hei de Stikelbeerbüske met bestrieke; dat Untuig hädde em de ganzen Büske lahl friäten. Hei wör' bange wiäsen, de Saldote hädde de Potälge iutdrunken un hädde sif vergiftet, un dänn wör 't up syne Kappe kumen.

It soh my den Saldoten nöger an, un: „Jois-Mar=Jesäp!“ raip it; „Naz van Dülmen! Bist diu et?“ Hei hadde met my in Münster by der nämliken Company stohen un by'm ganzen Bateljeon hadde hei den Namen „Naz van Dülmen“, diän em iuse Wachtmeister giemen hadde wegen syner Däsigkeit. Up Stund was hei Bursche by insem Dokter, wat hei my niu vertallte, un it 'läwe, jider Dffizier wünstede dem Dokter Glücke, dat hei den dummen Kerel nich sülwenst kriegen hadde.

„Mattigges“, saggte Naz, „it sin van Dülmen bürtig, män it heite nich Naz; myn richtige Name is Blechhelmus Dalup; diu moßt nich mähr „Naz van Dülmen“ to my seggen.“

It saggte: „It häwwe ment, diu heitest Naz. No dat sall niu eindeoen syn, Blechhelmus is auk en roren Namen, un diu bist auk en richtigen Blechhelm.“

„No gläw mänt“, saggte Ratz, „de heilige Blechelmus is en grauten Hilgen wiäsen.“

„In Goäds Namen“, anwede it, „dat wi' wy niu up sik beruggen loten. It blywe by mynem „Ratz“, dat sin it gewohnt, un dat is aul viel hänniger.“

Ratz was ol as kleiner Junge en rächten Schleim wiäsen. Do hei nau in Dülmen in de Schaule ging, stund eines Dages en Isel up der Strote, dei Iseldrywer was in en Hius gohen. Ne Styge Schauljungens troppeten sik üm den Isel un kietelden 'n, dat hei toläst hinnen un vüren iutschlaug. De Iseldrywer kamm doteo un sprang der midben mant, dei Jungens stüwen up ollen Syten iutnein, Ratz, dei den Isel nich vergeiren hulpen, sunnern män teokiesen hadde, bläw in syner Dummheit rühig stohen, de Iseldrywer gräp sik den Ratz un hogged' em Einen an't rächte Auher, dei was nich van Pappe. Ratz fing an te brammen, laip in de Schaule und rannde in der Schauldöhr dem Magister richt pür den Balg. Schwabb! hadde hei Einen an't linke Auher, dei was aul nich van Syde. Ratz hulwerde un laip na'm Pasteroer, üm den Magister te verklagen. „Heer Pasteroer“, raip hei met grautem Gehulwer, „inse Magister hiät mit schlagen, un it häwe dem Isel doch nizen doën.“ Klatsch! habbd' hei vam Pasteroer aul ne Miulschelle an der Schniute sitten, dei aul nich van Hannig was.

Do Ratz van Dülmen, oder Blechelmus Dalup, wat syn richtige Name is, graut was, deinte hei för Knächt by em Biuern in Appelhülfsen, dei ne Bruggerigge hadde. Eines Dages saggte de Biuer to em: „Diu moßt na Münster un halen en grauten Bruggetitel, diän it düße Dage kost häwwe; diu moßt twei Guile anspannen, de Ritel is hellist schwor.“

Do kamm de Meggerste un saggte: „Diu kannst my auf wal en Duzend Näggenoteln metbringen; hy is de Brauwe.“ Myn Naz spannte twei Guile vör den Wagen un taug loß. Na kunter Tht kamm hei trügge un in Plänkarijehr up den Hoäw gefusset, dat Ollens tehaupe laip. Hei sprang vum Wagen, laip toeist to der Meggersten un raip: „Hy syh de Noteln!“ un syn Gesichte gloisete vür Froide; „sin ik nich grade trügge kumen?“

„Jo“, saggte de Megger; „män wo hiäst diu den Bruggekitel?“

„O Heer“, saggte Naz, und krassete sik ächter den Auhren; „diän hä't ganß vergiäten.“

Iut düssen Geschichten kann jidereiner seihen, wat Naz van Dülmen för'n klauen Kerel is. Et is dat puzigste Minschentuiken, wat iuse Heergoäd up twei Beine stalt hiät, un hei is akrot seo'n Hähenspinn bliwen os hei süß was.

„Pa de tu“, wat hett dat, Heer Pastoor?“

„Seo! wat de Diäken raip, do dyn Kamrod den Bypensubder siupen wull. — Dat hett so viel as: Her dermet! O myn Goäd!“

„Seo, dat will ik my miärken.“

„Moren rücket wy by guder Tht iut, Mattigges, un wylant Sunndag is, will ik veier Suher Wisse deoen. Diu kannst by Tyhen den Kiärkenschlütel vum Diäken südern un lühen. Moßt öwwer jümmer derby seggen: „Si wu pläh“, dat hett, „wänn't gefällig is.“

„Jä Heer, dat kann ik nich behallen. Dat Duikers Frankoist! Hy im Stäheken verstohet se keine Brocke Duitisch mähr. Wat sall ik dem Diäken dänn seggen, wänn ik den Schlütel südere?“

„Dch segg mänt: Schö wuläh bum bam! dänn
fall hei't wal verstohen.“ — Un de Diäken ver-
stund et.

Sähm up!

M.-D. Pont a Mussen, 15. August.

Gistern sy wy hy ankumen un in en graut Kloster
inquartiert. De ganze Stab liggt hy un en ganz
Bateljeon vam Briunschwygsten Regimänte. Dat Quar-
tier is sehr gud, et sind der viele geistlike Heerens inne
un auk barmhertige Süsters, dei den Hushalt feuhert.
Bei eine Heer un bei eine Nunne kunnen Duitisch führen,
un do ik mit viel in der Küche uphäll, wyl do gud
syn was, vertallte my de Nunne, se hädde en Petit-
Seminär, wo wy Rümmentasium för segget, und se
hädde tweihunnert Studänte, dei in dem Kloster
wuhnten, niu öwwer Vikanz hädde un heime reiset
wören. Et is eist en Prämonstratenser-Kloster wäsen,
män dat is uphoäwen, un do hätt et später de Jese-
myters hatt. Bei hätt den hilgen Norbiärz affatt un
den hilgen Aloysius tom Märkenpatreon maket. (De
evangeliske Pasteroer saggte jümmer för usen, hei heite
Aloys, — män wiu sull dei an den Jesemyter-Namen
kumen?)

By dem Kloster is ne graute un wädere Märke.
Up dem einen Altore steiht en gläsern Sark, do liggt
en wunnerwädern Hilgen inne van Was, ein lütken
Jungen van twöalf Johren. Bei duitste Profässer ver-
tallte us, unner dem Wasse saite dat vullstännige Ge-
ribbe van diäm hilgen Jüngesten. Se hädde an den
Popschriewen, hei sull seo gud syn un schicken 'n
de Gebeine van em hilgen Jüngesten, et wöre gud,
wänn dei Studänten by dem hilgen Aloysius nau en

Hilgen tom Patreone hädde; do hädde se in Reome den Körper iut der Gere arwegget, un do se nich wußt hädde, wiu hei heiten hädde, wöre de Popsi Pahe wuren un hädde em synen Namen giewen. Niu heite dei junge Heilige „Pius“. Dat lutt mol nuidlik!

Hj in Pont a Muffon frägen wy Eigarren liewert. Dei geistliken Heerens hj in der Diöcese Nanzig rauket nich, se segget, de Bischop hädde et verbohen by Strofe der Suspänsijeon, dat hett, dat en dat Missedeoen verbohen is, wänn se schmäket. Iuse Pastoiers gawoten den Heerens en Ristken Eigarren, und dei fröggeten sik wahne un saggeten, dei wören viel biäter ose dei françoissen Stinkadores.

Ik hämwe diäm einen Profässer auf de Wisse deint, män wat spräket dei Françoosen dat Latyn unduitsch iut! Dominus vobiscum. Oremus. Per Dominum nostrum Schem Christum filium tuum. Rinneres, wo se dat mal lehrt hätt?

„Dei künnt et nich annerster“, sagget iuse Pastoer; „dei küht ofen de Schnawel muhßen is. Diu kannst je doch Latyn liäsen, Mattigges; paß up, ik wil dy do mol en Biärs hönschrywen:

Tityre, tu patulae recubans sub tegmine fagi.

Dat spredet de Françoese iut:

Tityre, tu patulae recubans sub tegmine fagi.

Dat lätt sik nau hören. De Engländer segget öwwer: Teityre, tu patulae recubans sub tegmine fagi. Do sull me furtlaupen. Män hyt mol teo, wat do biuten för en Uploup is.“

Mits kamm de evangeliste Pastoer rin un saggete, se hädde iäwelen en Kireh (se segget se hj te Lanne för Pastoer) un ölwen Biuern ose Gefangene inbrocht.

Se wören iut Angki un hädde iut den Wynbiärgen up de drütteihnden Ulanen schoäten, dei do rekognoscirt hädde; de Pasteroer hädde se doteo uprützet, de Ulanen hädde se upschnappet, un se sullen wal olltehaup dautschoäten weren. De Ginerol unnersochte dei Sake, un se verhält sik seo: hei schickete dei ölwen Biuern ose Gefangene na Düitschland; den Papen lait hei in de Divisijs-Ärche setten, dat is dei graute Wagen, wo dei Schrywers un dat Büroh inne is. (Mohdräglife Bemärkunge vam sekuntwintigsten: Wy hätt den Pasteroer teihn Dage in der Ärche met rümmer schliepet, hei fräg Fäten un Drinken, wat em teotamm, hernoh hiät en iuse Ginerol an den Ginerol afliewern loten, dei in dem Doörpe lagg, wo dei Kureh her was, un dei hiät en laupen loten.)

„Kum' wy nau nich balle na Metz, Heer?“ froged' ik iusen. „Wy marschirt und marschirt un fryget ni'n Frankeosen to seihen.“

„Dei werst diu seihen, eih' et dy leiw is“, anwede hei. Sunnerbar is et, wy gohet üm Metz rümme, ose de Katte üm en heiten Brigg, känn me seggen. Et hiät ömwer synen Grund. Eist wören wy nördlik van Metz, niu sy wy in richter Linie veier Mylen südlük. Dat maket, wyl sik de Frankeosen trüggehs concentrirt oder sik retirirt, wat me seo seggt, dat Hasenpanier up den Nacken nihmet. Iuse Kreonprinze hiät den Mac Mahon gehörig verballert, dei geiht up Parys teo, un Bassähn, dei hy vür Metz liggt, will sik met em vereinigen. Dat will iuse graute Ginerol Moltke verhinnern, un wy füllt dem Bassähn den Wiäg verlegen.“

„Sullen wy dänn Metz wal kaputt scheiten können?“

„Dat geiht nich, myn Suhne, dei Fästunge is teo stark. In allen Tyhen, do et nau by Düitschland

horde, wören Magdeburg un Metz de stiärksten Ryks-
fästungen, un dat Sprüchwort lutt:

Die Metz' und die Magd,
Die haben dem Kaiser den Tanz ver sagt."

Bimaf Tronville, 17. August.

Dat was en suern Dag. Gistern Moärge rüdeten
wy van Pont a Muffon iut un gingen up Thiofuhr
loß, wat wästlich liggt, seo dat wy up de annere
Halwe van Metz kaimen, na Parys teo. Unnerwiägens
kaimen wy by ollen Regimäntern des teihnten Armei-
Kohrs vürby un fröggeden us, wänn dei waderen
Kerels de Wacht am Rhyne sungen un „Lähm up!“
raipen. Bullends dat säksteihnte Regimänt, dei Hade-
tauers, te seihen, was en Pläseier. Woät begrüßeden
iusen Pastoor ose alle Bekannte, hei reiked' en de Hand
un saggte, se wören iut Geisefe. Van Dage syd se ol
daute, un syd den Heldendaud stoärwen för Künig un
Baderland.

Wy kaimen in Thiofuhr in de Pastrote; do wy
ömwert Middages giäten hadden, marschirten de Regi-
mänter ol södder, un wy horten ol dat Scheiten. Wy
strack derup loß, un do wy ankaimen, was ol Ollens
im willen Kurlmel. Se brochten de Berwunneten in
dem Doärpe, wat Tronville heite, in olle Huiser un
Ställe, de Kiärke lagg stoppenig vull, un uise Pastoor
ging van einem Hünse iut annere un sochte de Bles-
firten up, diän hei de Bichte horte, seo gud of et gohen
mull, un de heilige Dälunge gaww. By düßer Ge-
legenheit kaimen wy by syn Lieblingsregimänt, wat
iäwen iut der Schlacht kamm un sik vür dem Doärpe
upstallt hadde; et wören dei groinen Husaren, dei in
Lüneburg un Ulzen laggten. In Düßelboärp hadden

se waleiher den Namen „Pöpsthusaren“ kriegen, wylant dotemolen olle Offziere katholsk wören. Dat was jekund nich mähr der Fall. Iuse Pasteroer hadde in dem Regimänte mannige besonnere gude Frünne, un hei fröggede sik, dat hei se nau am Liewen drapp.

Dat Berichten duerte bis in de Nacht un bis me nix mähr seihen kunn; Lucht was nich te krygen. Ik häll met den Piären up der Stroete vür em Biuernhuse. Wy hädde können rintreden, män wy sohen un horden keinen Salboten un wußten nich, wo iuse Stab bliwen was. Wy truggeten den Frankeosen nau nich rächt, un wylant et ne warme un flore Sumernacht was, saggte iuse Pasteroer: „Mattigges, fadel de Piäre af, wy legget us hy up den Düngerhaupen un benuget de Sabels anplatz Koppküssen; dei Dünger is drüge, boäwen is ne Lage Ströggestrauh üäwer, wy hätt ne warme Unnerlage.“

Wy maiken dat seo un schleipen of en Goäd in Frankryk.

Van Moärge funge wy den Heeren Ginerol un dei annern Heerens vam Stawe in em Goren sitten; se hadden in em Schuppen im Högge legen, un iuse Pasteroer saggte, do wull hei van Nachte auf inliggen gohen. Den ganzen Bürmiddag sochten wy de Verwunneten up, un do wy üäwer dat Schlachtfäld riehen, moßten wy us in den Daud verwünnern üäwer dei starken Posizijeonen, dei de Frankeosen hatt hadden by Mars la tur, un wo se iuse Salboten iut verbrywen moßten. Wann wy up einem Biärge ankumen wören un dachten, wy wören boäwen, dann was der nau en höchtern Biärg ächter, un seo dreimol. Kein Wunner was et, dat hy seo viel Bleot floäten was, un dat seo viele Lychen dat Fäld bededen.

Van Nomiddag hiät inse Pasteroer de eisten Dauen dichte by der Kiärke in Tronville begraven, unner düssen einen Hauptmann vam siewenteihnten Regimänte, diän hei gud kannte. Do hei de Briädige hallen hadde un met dem Begraven färrig was, kunn hei sik nich mähr hallen, fällt dem Major vam siewenteihnten Regimänte, bei derby stund, um en Hals un fäng harre an te hulweren.

Bassähn hadde syne ehrliken Ahle kriegten by Mars la tur, hei kunn sik met Mac Mahon nich vereinigen un moßte sik up Metz trügge teihen. Mars la tur, Marsch retur! Rähm up!

Dei Kartuffelsoppe, dei us de Uäwerschandarme van Dwend in dem Biuerngoren köäket hiät, hiät sehr gud schmedet.

Bifat St. Privat, 20. August.

Am achteihnten marschirten wy in nördliker Richtung un üm niegen Fuher horten wy ol dat Scheiten. Se saggten, dat diän Dag de entscheidende Schlacht syn sull, un wy wören up dem linken Flügel, stunden öwwer im twedden Driäpen. De niegenteihnte Divisjeon, dei by Mars la tur so viel Lue verloren hadde, kamm gar nich int Fuier! Et kaimen twei friske Kohrs an, dei nau nich in der Batalje wiäsen wören, dat wören de Garde un dat sächsische Armeikohr. Dei hätt sik met den Frankeosen wahne rümmer talmert, un dat Gardekohr hiät schredlich viel verloren. Do et anfäng duister te weren, hadden se de Frankeosen iut dem Doörpe, wat vür us lagg un St. Privat heite, riut driewen, Hius vür Hius moßte nuhmen weren, un do inse Salboten sik faste satt hadden, fingen de Frankeosen an, dat Doörp met Granaten te bescheiten, dat et an veier Styen brannte un auf de

Kiärke un de Klockthoren in lichterlohen Flammen upging. Inse Divisijeon mochte anrücken, de Garde un de Sassen afläsen un reine Bahn maken.

Do it un myn Pasteoer in dat brännende Doärryhen, kaimen us unner annern twee gemoithlike Sassen intemoite, un de eine saggte tom annern: „Sieh mal Pruter, was ne Unvernunft, 's is schon stockfinster, und sie sein noch immer am Schießen; es kann ja das kreesste Malehr bassiren, se können ja en Menschen todt schießen.“ — „Ja, Pruter, du hast Recht; was meenst de? mer wollen heeme kehén.“ Un se gingen heime, dat hett, se krüpen irgendwo unner. Wy kunnen in der erensthafte Stunne dat Lachen nich loten, un do et ol stockduister was, sochten wy us auf en Pläcken by den siewenteihner Füselieren, un myn Heer kraup met dem Bateljeons-Kommandör un veier Offizieren unner ein Tält, un rund üm dat Tält, wo se laggtén, stunden twöalf Beine vür. Ik bläw by den Piären. En Siewenteihner saggte to my: „Im Kriupin by Celle wull ik auf leiwer syn ose hy.“

Gistern Moärgeen gaww ik mit up de Stöcke un brochte inse Piäre na Jerusalem dichte by St. Privat in en Biuernhuus in en Stall. Myn Pasteoer hiät düßen Bürmiddag an de syfthunnert Verwunnete besjoärgét, dei in den Huisern, in den Ställen, up den Stroten tehaupé drägen un wovan viele up de gräsigste Wyse verstümmelt un terrieten wören. Up einen Duitschen kaimen jibesmol niegen Frankeosen, un inse Pasteoer saggte, hei hädde sik ungemein frögget, dat en van den Frankeosen nich einer trügge wiesen hädde, un dat se olle parot wiäsen wören. Middag was hei moihe, un do wy en bieten stywen Rys in Water kooket giäten hadden, wull hei met dem Berichten wier

ansfangen, män de Verwunneten wören ol tehaup
unnerwiägs na Pont a Ruffon, wo se 'n schwor
Fälblazareth etabliert hadden; do wören auf eigene
Geistlike by; wy mochten by der Divisiyeon blywen.

Den Nomiddag ging if met mynem Pasteroer na
der iutgebrannten Kiärke. Do stund nix mähr van
ose dei veier Müren un en Thorenstump. De Fran-
seosen hadden de Kiärke in Brand schoäten. Dat
Dach was reine runnerbrannt, Därgel und Klocken
schmolten, de Kiärkenbänke un olles Holtwiärf dal-
brannt, de Fautboom was met terbroäkenen Teggel-
pannen üawerschutt. Dat Altor olläne was stohen
bliwen, un up dem Altore stunnen nau säß graute
missingene Rächters un in der Middel en graut missingen
Kruizefix ganß häl un in bäster Ornung. „Es ist
rührend“, saggte iuse Pasteroer, „auch an diesem Orte
der schrecklichen Zerstörung, wo Alles in den Staub
gesunken ist, steht noch allein das Bild des Erlösers;
und der Heiland breitet seine Arme liebend aus und
ruft uns zu: „Kommet zu mir alle, die ihr mühselig
und beladen seid, ich will euch erquicken. Himmel
und Erde werden vergehen, aber meine Worte werden
nicht vergehen.““ — Wy kaimen vür Rührunge de
Thrönen in de Augen.

Wy kaimen iut der Ruine un wören vür der
Pastrot. De Pasteroer, en jungen un schriäwen Mann,
hadde syn Doärp nich verlöten un im Kugelrehnen
Stand hallen. In der Wieme hadden sik auf de
Franseosen faste satt un wören van iusen Salboten
riut driewen, einige Möbelen un de Beddens was Alles,
wat reddet was. In zwei Beddens laggten zwei licht-
verwunnete säßsike Leutnants, un en Wyw, wat ge-
wisse tweihunnert fußzig Pond waug, was met dem
Pasteroer am Gange, kunn sik öwwer nich met em

verständigen, wylant hei kein Duitsch un üt kein Fran-
soist verstund. Do myn Pasteroer doteo kamm, fäng
dat Elephanten-Ruiken an:

„Sie sein Militär-Keistlicher; hier ist ein Lazareth
edablirt, tem ich vorstehe. Sorgen Sie toch, taß ter
Küreh aus tem Hause kiewiesen wird. Ich pin Frau
Soundso aus Tresen, ich pin parmherzige Schwester.“

Myn Pasteroer anwede: „Sie sind barmherzige
Schwester, und wollen den armen Mann, der Alles
verloren hat, auch noch aus seinem Hause treiben?“

Dat dicke Wyw saggte: „Er soll seine Kammer
mit dem Bett herleben, tas prauch ich.“

De Pasteroer: „Sie haben zwei Kranke, jeder hat
Zimmer mit Bett, und die Herren sind sehr zufrieden.
Auch Sie selbst haben Ihr eigenes Zimmer. Wo
ist es?“

Dat Wyw: „Hier ist es, aber ohne Bett; ich soll
in tem Stuhle schlafen.“ Do stund en grauten Polster-
säffel tom Uäwerklappen, seo bequem of en Bedde.
Üt saggte: „Ich habe in Tresen meine Bequemlichkeit
kehabt, un pin teswegen nicht hierher gekommen, um
tie zu entpehren. Schaffen Sie den Küreh aus dem
Hause; tas ist Ihre Pflicht.“

Do stäg mynem Pasteroer öwwer de Piper in de
Nase, un hei saggte: „Wenn Sie jezt nicht augenblicklich
den Mund halten und sich beruhigen, so ist es meine
Pflicht, zwei Mann Siebenzehner zu requiriren und
Sie selbst aus dem Pfarrhause expediren zu lassen.
Sicher aber werde ich die Sache den Johannitern
melden, unter deren Kommando Sie stehen, und diese
werden sorgen, daß Sie nach Dresden in Ihre Be-
quemlichkeit zurücktransportirt werden.“

Dat dicke Wywestücke häll den Rand. It vertelle
bei Geschichte hy dorümme, wylant dat Wyw, wat

in der ganzen Armei bekannt is, syne Heldendaten un Upofferungen in ollen Thungen iutrompeiten lütt.

Do wy in iuse Biwak trügge kaimen, was de Bagasche auf indroäpen, un Aujust met iusem Wagen raip us teo: „Hat ihm schon!“ Se vertallten, de Frankeosen hädde wadne Khye beseihen, un olläne in den Stroten van Metz lähen teihn= bit twöälfdiusend daue um bleffirte françoiske Salboten.

Wy hädde 't in iusem Biwak wal iuthallen können, wänn wy us auf midden mank verredeten Guilen uphallen moßten, bei ol anfängen te stinken, — wänn wy mänt örntlik Drinkwater hatt hädde. Män de Frankeosen hädde olle Pütte verunfelt, daue Schwyhne un Rühens rin schmieten, un wänn sik nau en Pütt met florem Water fand, so luerten diusend Minschen und Biäre derup, un in ner halwen Stunne was de Pütt lege, un dat Water reine Mudde. Tom Glücke fungen de Sassen in ner Grund ne halwe Stunne vam Doörpe ne graute Quälle un ne ganze Nyhe Quicksprunge, wy gingen up de Biäre sitten, lößten iusen eigenen Duhst un laiten de Biäre drinken na Hiärtenslust.

Moren is Sunndag, män de Pasteroor kann keine Misse liäsen; de Kiärke is verwoist, un in dem Biwak findt sik kein anständiger Platz, üm dat Fäldaltor upzustellen. Wy wören rächt frauh, do et heite: „Moren froih syf Zuher gohet wy söbder na Mesijehr.“ (Schriewen werd et, os ik up der Landforte seihen häwwe: Meizières le Metz.)

Alarm-D. Mesijehr, 21. August.

Wy rückten syf Zuher iut dem Biwak, un kaimen dör ne lange Grund in dat Moselbal, wo dat Doörp Mesijehr vür us lag. Im Sinnergrunne söhen wy den Deom van Metz un up den Biärgen de grauten

Foors, wo de Frankeosen bei Kaneonen up stohen hätt. Wy hadden mänt en paar Stunnen to ryhen, un wy hadden glyk in dat Doärp intrücken können, män me kunn nau nich wieten, wo de Frankeosen stailen, un wy moßten vürsichtig te Wiärke gohen. Se saggten, et kaimen niu derup an, dat ne yserne Rihe um ganß Mes toägen würe, dat bei Bassähn der nich iut künn' un dat hei in der Fästunge saite ose ne Mius in der Falle. Wänn wy dänn auf met Gewalt nich in dei Fästunge kumen können, dänn sull hei der doch minnestens nich iut, bit en de Schmachrt riutdriewe.

Et was tiger ein Juher Middages, do wy in dat Doärp rücketen. Iuse Pasteroer frogede up der Strote en Frankeosen-Wyiw, wo de Wieme wöre: „Mosjöb lö Küreh u demör-t-il?“ Se was up en Hüus teo, mits stund auf de „Musche Küreh“ ol in iuser Nöhe met synem langen Simmeristen-Rocke un met synem grauten Schlapphaue up dem Koppe.

„In domo tua oportet me manere“, saggte myn Pasteroer. It hä't my upschriewen; up Düitsch het et: ik mot in dynem Hüuse blywen.

„A, komme Sie 'erein; Sie könne wohne in mein 'Aus“, saggte de frankeoiste Pasteroer.

„Ach, Sie sprechen Deutsch, das ist herrlich!“ saggte use, un hei stäg af un ging met dem Frankeosen in de Pastrote.

It un Aujust wy brochten de Piäre in em Kowerhüuse in en Stall un besoärgeden se. Sindiaß hadde de Pasteroer usen froget, of hei hungerig un dusterig wöre, un dei hadde anwet: „Wy hätt Hunger ose de Wülwe; dänn wy hätt den ganzen Dag nau nix hatt ose ne Tasse Kaffei van mudderigem Water, dei wy nich drinken kunnen.“ Siener hadde saggt: „Die Frankosen, die 'ier selegen im Quartier, haben Alles

austefressen; if 'aben nix als trockenes Brod und etwas Rothwein für zur 'eilige Mefß.“ De Hiushällersche hadde diit rinbrocht, myn Pasteroer hadde iäwelen den eisten Happen Braud in der Mund un den eisten Schluck Wyn un Water nuhmen, of' if rinkamm un raip: „Heer Pasteroer, maken Se grade! de Niegenunsiwenziger spannt just de Iduna in.“ Hei lait Zäten un Drinken stohen un laip met, un et was de höchteste Zyt. Dei Niegenunsiwenziger hadden iuse Piäre för Biuernguile hallen un den Rappen ol vür en Aderwagen spannt, wylant se Strauch requiriren wullen. Goäd der Heer weit, wanneiher wy dat Piärd dann wier friegen hädde. Dat en de Pasteroer dör düße Riäfenunge soärt en Strief maif, dat kann en blind Minsche met em Krüppel fehlen, he laip in de Schaule, halbe en Stücke Kryde un schräm an de Stallbühr: „Stab der 20. Division, 8 Pferde.“ Den evangelisten Pasteroer syne dreie un dem Doctor syne beiden wören findiäßen do auf installt.

„Endliß werd me mal in Rugge en Happen iäten können“, hadde iuse Pasteroer saggt, do wy in de Pastrot trügge gingen. Män Floitepyhen sind hoäh! Dat Braud un de Wyn was ol längest van der ghzigen Papenküfin „reddet“ un up Syte schaffet, anplatz diäßen saiten do drei Nunnen, dei huilben un hulwerden.

Myn Pasteroer frogede, wat dänn vür'n Unglücke passeiert wör'?

De Rütteh saggte, iuse Ziäger wören in de Schaule inrücket un hädde Alles dürsocht.

Myn Pasteroer: Dei Luie hädde Hunger un hädde sit wat te iäten socht; et wören anstännige Luie, dei Nunnen sullen män dryste in der Schaule blywen, dei Ziägers würen 'en kein Hoor krümmen.

Giener: Nä, hei wull se-na Talangsch oder Hakenbangsch in Sieferheit bringen; myn Pasteroer sull hy

im Hiuſe blywen un inhoien, hei wull em de Schlütels giewen.

Myner: Dat künn' hei nich, hei wüſte jo nich, wiu lange wy hy bliewen un' of wy nich van Dage födder gingen. Wänn giener met den Nunnen im Doörpe bliewe, wull hei in der Paſtrot blywen; wänn nich, — dänn nich; dänn söchte hei ſit an anner Quartier, un giener möſte met diäm toſrehen ſyn, wat geſchöhe. Wänn dei Salboten dat verlotene Hiuſ oſe heerenlaus betrachteden un olle Spyſe-Bürröthe na dem Kryſträchte oſe heerenlaus Gaud för Krygesbuite anſöhen, dänn künn' hei der nix för. Doch giener hädde je ol ſaggt, hei hädde nix, de Frankeoſen hädde Ollens upfriäten. (Biſ up düßen Dag hadden ſe öwwer im Doörpe nau nich einen frankeiſten Salboten ſeihen!)

Giener: Dänn künn hei't nich ännern; dänn können ſe nihmen, wat ſe fängen!

Hei taug met den Nunnen af. Myn Paſteoer drapp up der Strote vür dem Nowerhiuſe en jungen Mann, dei nette im fründlik iutſoh un ſaggte, hei wör' de Lehrder. Wy nahmen hy em Quartier. Hadden wy in annern Döörpern mährſtig vernünſtige Paſtoiers un verdräggete Schaulemeſters fungen, (oder biäter geſaggt: nich fungen, wylant de mährſten vür Ankunſt der Pruißen iutkniesen wören un Schaule Schaule ſyn laiten,) ſo draipen wy hy en vernünſtigen Schaulemeſter un en verdräggeten Paſteoer an.

Kium ne haltwe Stunne was verlieben, ſier de Kireh iutrüdet was, un „Muſche le Sakriſtän“, wat ſeo viel oſe Köſter bedütt, wat alſeo myn Heer Kollege was, dat Wiemenhiuſ teoſchloäten hadde, do kam ne Kumpany Sägunfußziger met dem grauten Salbotenſchlütel, dei ſüß auf Flintenkolben noimt werd, un ſchlüten dat Hiuſ up. Un et duerte nich ſeo lange,

do schliependen se einen Roärw vull Flashtwyn na dem annern, un ein Fass Wyn na dem annern riut. Dat wull gar kein Enne nihmen. Myn Pastoor saggte to my: „Mattigges, wylant ik jiden Moärge Misse deoe, goh un segg teo dem Leutnant, bei den Keller iutruimen lett, dat hei seo gud syn sull un üäwerloten my en paar Flashten Missewyn; später möchte 'r keiner mähr to härowen syn.“ — Spñsebürröthe hadden se in der Pastrote auf fungen, (Olles hadden de Frankeosen nau nich upfriäten).

Hernohe etablirde sit iuse Fäldpost in der Pastrote.

Iuse Proviant-Colonne was indroäpen, un et gaww Fäten un Drinken satt. Aujust moßte van Dage nau en Offen schlachten, un hei hiät dat Divisijsväh de ganze Tzt affschächten mötten. De Heer Ginerol, bei olltzt seo liebenswürdig tiger mynen Pastoor was, lait em seggen, hei un de evangeliske Kollege sullen jiden Middag un jiden Owend by em met den Divisijsstaws-Offizieren iäten in dem kleinen Schato, wo hei sit inquantiert hädde.

„Mattigges,“ saggte myn Pastoor, „diu kannst in der kleinen Kamer schlophen, bei an myner Stuäwe is; do steiht auf en Bedde inne.“

„Syd Sei met Dhrem Quartier tofrehen?“ frogede ik.

„Einfach aber nüdlich,“ gaww hei ter Antwoert.

„Wat hiäst diu te fixtern, Mattigges?“

„O my fällt iäwen en Sprüchword in. Mich wöhr, de Duivel hiät doch Bockshören, en Biärehaww un en Rauchschanß?“

„Seo werd hei wenigstens asmolte. Wiu kümmeß diu do up?“

„Einfach aber nüdlich! hadde de Duivel auf saggt, do hadd' hei synen Schwanß met groiner Farwe anstrieken.“

Loiw, din Lork!

Alarm-D. Mesijehr, 23. August.

Wohrschynlik sü' wy hy wal lange Zit liggen mötten. Dat wy Mez met Gewalt nihmet, schint my na mynem dunnen Verstanne nich möglich, met Nahrungsmiddeln werd dei françoiske Armei wal up lange Wiesen verseyen syn, dat an en Futhungern so lichte nich te denken is. Van iuser Syte mot verhinnert weren, dat de Françoisen nich dürbriäket un dat sik Bassähn met syner Armei, dei um Mez liggt, met der annern Armei, dei van Mac Mahon commandeiert werd, nich vereinigen kann. Dat eiste werd iuse Prinz Friedrich Karel met synen dappern Jungens, dei Mez rundüm inschloäten hätt, nich lyhen, un den Mac Mahon werd iuse Kreonprinze wal kalt stellen.

Mac Mahon hadde för syne Turkos un Zuaven saggt: in Duitschland gäw' et viel Sülwer un Gold, schoine Wywer un Mäkens; wänn se hön kaimen, wör' dat Ollens öhre, — män iuse Kreonprinze hadde dat Takelvolk by Wörth dermoten verhämmert, dat en de Lust na duitschen Sülwer un Golde un na duitschen Wywern un Mäkens dür dei duitschen Liebe, dei se kriegen hadden, ganß un gariut vergohen was, se wören ränkstert, wat se ränkstern kunnen, dei nixnuzigen Wywesminschen, dei se by Wörth met im Lager hatt hadden, wören met rängstert un hadden olle Rinkerlizen met-sammt öhren Krinolynen im Stiefe loten, un iuse Husaren hadden, do se dat Lager nuhmen hadden, iut Mauthwillen un Duimeligghe dei Krinolynen antrocken un wören derin rümmer sprungen. Wänn ik Söphken mol frigge, un üt wull sik seone verrückete Krinolhne antrecken, wat wull ik üt!

Mac Mahon laip up Parys loß, iuse graute Armei,

wo iuse Heer un König by was, met iusem Fritzen un den Heerens Bismarck un Moltke jümmer der ächter dūr. Se führden dervan, Napolijum truggede den Parhsen nich, dorüm wōr hei met synem Jungen by Mac Mahon; of bei Lulu do nau mol ne Metraljösen-Kaffeimühle afdräggen sall? It 'läw et nich. Toiw, diu Vork! Iuse Kreonprinze bei hett Fritze, un dei sall dy dat Batterunser wal im Nacken teo knüppen. Lähm up!

25. August.

Iuse Hauptmann hadde mynen Pasteroer vereiert, hei sull Bischof van Metz weren, wänn wy de Stadt hādden. Dat was natürlit Spaß.

Suite hadd' em de Ginerol saggt, hei sull mol na der Wache gohen, do hādden se 'n Spijeon sitten, dei würe wohrschynlik dautschoäten weren; iuse Bürposten hādden den Kerel upgriepen un in iusem Doörpe afliwert. Hei hādde Papyre by sit im Stiewelen hatt, dei em de Marschal Bassahn giwen hādde un wo hei sit met bürschmuckeln sull na Luxemburg; do sull hei se an den françoisten Konsul afliewern. Den einen Breiw können se nich flor frygen, seo viel se der ol anne klamuisert hādden, hei wōr in Schiffen schriewen. (Wat dat för Dinger syb, weit it nich.)

Myn Pasteroer ging na der Wache, wo se den Kerel sitten hādden. Dei was iut Kolmar bürtig un wuhnde in Metz, wo hei Frugg' un Rinner hadde. Walciher was he veier Johre in Amerika wiäsen, män do hei dat tweedde mol ääwer dat graute Water kamm, was he nau just seo dumm of' he dat eiste mol wiäsen was. För hunnert un twintig Franken hadd' he syn Piewen verkoft, un se hādden em loäwet, wänn he

glücklich in Luxenburg ankame, sull hei nau tweihunnert Franken häwwen. Dat was doch de reine Kapalijs!

26. August.

De mährsten Luie iut dem Doörpe wören iutkniepen un na Metz rinlaupen met Sack un Pack, whylant se sit do am siekersten hällen. Dat hadden se in den mährsten Döörpern rund um Metz seo maket. Auf dei Heerschaft in dem Schato, wo iuse Ginerol in lag, was wege, män ein Bedynte was do bliewen un ne dicke Hiusshällersche, diär iuse Heer den Namen „Metraljose“ giewen hadde, whylant se so ne graute Schniute am Koppe hadde, dei se keine Miniute hällen kunn.

Met dem Butknppen dat was üawrigens gud wiäsen för us un läge för Bassähn; dänn dei Luie in den Döörpern hadden keine Piewensmiddel, im Frankesofenlanne was Dürre un Mißwaß intrehen, dat Koren up den Äckern was seo spiß ose der Deibel, dei ganze Gegend um Metz liewede van us met, iuse Proviant-Colonnen soargeden gud; Bassähn fräg öwwer mähr te fauern, syne Bärrethe wuren eihet olle, un je eihet dei uppe wören, desto eihet moßt' hei sit üawergiewen.

Sy in der Pastrote is van Dage en Spaß passeiert. Einer van iusen Drageonern springet üawer de Müre in den Wiemengoren. Wo hei hönspringet, biuset dat, ose wänn me up Breher un Dielen springet, wo et hoähl unner is. Sei halt sit nau en paar Kamroden, se fanget an te pudbelen, un richtig kumet se up Dielen, un unner den Dielen riut halt se wat Goäd weit un wat hei nich weit: zwei graute Ohmsfätter vull Wynn, mähr ose hunnert Botälgen, graute dickbuitige Priuken met Lodewie oder Lodewig, wiu wy

segget, graute Grüpens met Buter un Schmalt. —
De Frankeosen hadden nau lange nich Ollens upfriäten!

27. August.

De Prinz Friedrich Karel hiät den Spijeon tom Daue verurdält, un düßen Nomidag hätt se'n dautschoäten. Wylant bei Mann katholst was, wur' iuse Pasteroer kommandeiert, dat hei ne tom Daue vürbereiten sull. Do hei em syne läste Stunne ankünigte, feng de Mann an te grynen, un iuse Pasteroer hadde syne Last, dat hei ne torächte fräg. Sei froged' en, of hei an syne Frugge wat to bestellen hädde, un schräw in synem Namen en Breiw heran, diän giener unnerschrywen moßte, un dänn lait hei 'n bichten un kummenzeiren, de Dälunge fräg hei nich, wylant hei nich frank was.

Do dat vürby was, wure de Delinquänte up en Biuernwagen satt, wo en Bund Strauh up lag, myn Pasteroer ging in iusen Wagen sitten, un ik up den Boß, in en twedden Wagen satt de Justizroth; twöalf Mann Niegenunsiemenziger met em Leutnant un em Dokter wören kommandeiert, de Exkuzijeon te vulltreden un gingen tigen den Biuernwagen an, un niu satte sik de Zug in Bewegunge, un wy troden iut dem Doärpe ne Bärrelstunne Weges de Schossei rup bit halweges Marangsch, dänn van der Schossei af in ne Waldecke, wo kein Holt stund. Sy hadden se met ner Syne en Kring togen, un dat Loäk, wo dei arme Sünnner in sull, was ol iutschmieten. Se letten 'n in den Kring, un wy folgeden. Dei Frankeosen, dei teofyken wullen, moßten biuten dem Kringe blywen.

De Justizroth laus dem Delinquänten dat Urdäl vür, up dat hei wieten sull, worümme hei dautschoäten wure. Myn Pasteroer hadde de Stola üm un dat

Kruizefix in der Hand; hei sprach nau einige indringlike Worde to dem Manne un lait en dann dat Kruizefix küssen. Dorup wuren em de Augen teobungen un dei twöölß Mann schlaugen an. Myn Pasteoer sprach: „Wir wollen noch ein andächtiges Vaterunser beten für den armen Sünder.“ Dei dachte, dat Vatterunser würe te Enne behet un viellichte nau mähr, de Pasteoer hadde öwwer met dem Offfrier de Sake afkührt. Dat Kommando wure nich met Worden giemen, sunnern met Teiken, un do de Pasteoer au dei Worde kamm: „Vergieb uns unsere Schulden, wie auch wir vergeben unsern Schuldigern“, lait de Offfrier syn Schnusdaut fallen, de Schüsse fällen, säß Mann hadden na der Steren zielt un säße na dem Piärten, de Delinquänte fäll dūr un dūr schoäten dal, un do dei Dokter de Erklärunge afgiewen hadde, dat hei daute wöre, wure dat Pynchem in dei Kiule laggt, dei se ol iutschmieten hadden, un met Gere bedeket. Niegen Gewehre wören scharp lahen un dreie met Plazpatreonen, un seo wören se den Salboten üäwergiewen; seo mußte nich einer, of hei den Mann daut schoäten hadde.

„Heer Justizroth“, saggte myn Pasteoer, „sü' wy tehaup te trügge foihren? Sei seihet je seo vergüßelt iut.“

„Heer Pasteoer“, anwede giener, (män se führten Hauchdiutsch,) „it begriffe Ihre Kugge nich; it gohe int Holt, it mot mit nau iätwas erhalen. Dei Sake hiät mit angriepen.“

„Myn leiwe Heer un Fründ“, saggte iuse Pasteoer, „mit nich. Wänn me in den Schlachten seo viele leiwe Frünne un gude Bekannte in öhrem Blcote un öhren Schmiärten hiät liggen seihen, dänn roihert wiäne seo 'n françoiske Spijeone nich mähr.“

Dei Winsche hädde us oltehaup unglückf maken können. Wänn hei dürkamm na Luxenburg, un Mac

Mahon wöre van Norden her anrückt, un Bassähn würe iutrückt, dänn kunn dat ganze teihnte Armeikohr erdrückt un gefangen weren, eih' dat van annern Syten Hülpe kamm. Loiw, diu Fort!

28. August.

Gistern Dwend was de Doärp-Küreh trügge kumen, un vam Moärgen häll hei Kiärke för syne Luie, wyl Sunndag is; wy hadden de Siewenteihner un de Briunschwnger un wat süß fry un to häwwen was.

Dei Küreh is van Nomidag van iusem Ginerol iutwiesen na Talangsch. Hei hadde up der Strote stohen, un de Luie hadden sik üm en troppet, balle stund hy en Tropp, balle do, un dänn was hei by den Palissoden na Mek teo rümfroäpen, ose wänn hei dei unnersoiken wöll' un mößte. „Marisch met ühm na Norden hönteo!“ hadde de Ginerol besöählen. Un wege was he, floiten ging he!

29. August.

It häw' ol mannigen Sak iut dem Pasteroer synem Dagebanke schmuckelt, vullends wänn't Latyn was; wiu sull it dat süß verstohen? It sin en ungelehrt Biuernjunge iut Järfentrup; Wisse kann it wal deinen, män Latyn verstoh it nich. Dorümme mot sik keiner wünnern, wänn mangest gelehrte Broden met unner laupet.

Wy hätt ol wier en Spijeon sitten, ol wier en Papen, den Pasteroer van le Max un van Grand- un pti-Tapp met synem Köster. Use is up Befiähl vam Ginerol ol na'r Wache wiäsen un hiät der Latyn met radeiert. Dei Marefche Küreh hiät em vertallt, do et heiten hädde, de Prüißen kaimen, wör Ollens na Mek laupen, hei met.

Myn Pasteroer: Worümme dat hei dänn nich do bliewen wöre?

Siener: Dühx Fransiscühs mihi dihxit . . .

Mynner, (för sit): Dux Franciscus? Wat der diusend is dänn dat för 'n Hiärtog Franz? (Harre:) Wei dat dänn wöre, dei Dühx Franciscühs?

Siener: Dat wör' de françoiste Fäldheer Bassähn; do dei en acht Dage fauert hädde, hädde' hei em met em Tiunstaken wunken, hei sull niu mänt wier gohen na synem Doärpe. Do hädde' hei en Schrywebreim upsatt an iusen Ginerol un diän hädde' hei in de eine Hand nuhmen, un in de annere en witten Schnusbauf, beides in ter Lucht hallen, un niu in Goädes Namen jüh! in de Bärpostenlinie.

De Briunschwyrger hadden 'n upgriepen un na Mesijehr ninbrocht metfammit synem Röster. Up der Strote kümmt em de Ginerol intemoite, dei seggt: dei hädde eigentlik ghyt mötten dautschoäten weren. Do fällt dei Rühch up de Kniee un biddet met upgehöwenen Hännen üm syn Vewen. Dat was niu eist rächt kein Water up iusen Ginerol syne Mühle. Bernynig raip he: „Knien Sie vor Gott dem Herrn, und nicht vor Menschen!“ un lait en up de Wache setten.

Myn Pasteroer vertallte düßem Musche lö Rühch, dat se in düßen Dagen ol en Spijeonen daut schoäten hädde. Siener versiekerte, hei wör' kein Spijeone, un badd iusen Pasteroer, hei sull doch maken, dat hei auf in regionem septemtrionalem, dat will seggen na Norden verwiesen würe ose de Mesijehrske Pasteroer auf.

Do myn Pasteroer tom Ginerol kanm un raportierde, dat hei den Maxesten Rühch för unschällig un unschädlik hälle, öwmer för ne lichtsinlige Fleige, sprach de Hauptmann: dat wör' syne Uäwertuigunge auf, ose iut den Paphren hervürginge, dei se by em fungen

hadden. Dei Mann wör' achtuntwintig Johr' alt, hädde vör drei Johren van ner allen Tante drüttein diufend Franken iärmwet; van Dage häd' hei Schullen by Jiuden un Christen, sogar by Kapfyners. Dat is niu juft nix Guddes, öwwer auf nix Päges.

30. August.

De Mär iut dem Doörpe hiät för den Maxesten Pafteoor gud saggt, un up syne Bidde hiät en de Heer Ginerol na Flew schicket, wat auf nördlik liggt.

31. August.

De Frankeosen hadden fier einigen Dagen ol an te bullern fangen met öhren Kaneonen un van öhren Foors, absunnerlik vam Säng-Schüliäng, wo wy gewöhnlik „Steh Zulchen“ för segget, twöalfspännige Piewesgawen rüäwer schicket. Myn evangeliske Kollege, de graute Schersante, saggte: „Kriegt ihm nicht! Sy künnt se nich hönscheiten, dat is teo feer, un üäwerhaupt häw' ik hort, de Frankeosen schüten ose de Schwyne.“

Van Dage wur' et Erenst. Olwen Juher wur' Ginerol-Marsch schlafen, un wy moßten iutrücken. Ginsyt der Mosel lagg toeist de Landwehr-Divisijeon Kummer un dänn kamm dat eiste Rohr. Do wullen de Frankeosen dürbriäken, un et ging der heit her. Wy rückeden by Argangsy üäwer de Mosel, wo dei Pontonnörs wunnerwackere Brüggen met öhren Schiepsens bugget hadden, un saimen bis Antilly. Tom Angryppen saimen wy öwwer nich un van Dwend kunnen wy in iuse Alarmquartier Messijehr wier inrücken.

1. September.

Van Dage sy w wiuer alarmirt öse gistern, un et ging juft wier seo teo. De Frankeosen wuren öhne

inse Hülpe terügge briewen, un se saggten, dei Platz, wo se öhre rächtschaffenen Ryle kriegen hädde, heite Noaswill.

3. September.

Jäwen üm niegen Juher Dwends kamm inse Pasteoer vam Ginerol, wo hei giäten hadde. It soh iut dem Fenster, wiu sik ne Styge Salboten üm ne troppeden, hei vertallte 'n wat un am lästen Enne raip he met harrer Stimme: „Unser König Wilhelm lebe hoch!“ un dreimol raipen se Hurrah!

„Wat is do loß?“ dacht' ik. Do kamm de Pasteoer up de Stuäwe un saggte: „Dat ihm schon! Mattigges, ne graute Schlacht is gistern liewert by Sedan. Napolijum met syner ganßen Armei van achtzigdiusend Mann sind kriegsgefangen. Dei kleine Frankeosen-Kaiser hiät synen Degen afliewert in de Hanne inuses grauten Königs Wilhelm un spaziert ose Gefangener na Wilhelmshöhe by Kassel.“

„Do kann hei up den grauten Kristoffel sitten gohen“, saggt' ik, „un stellen Betrachtungen an üäwer de Bergänglichkeit oller irdischen Saken. It möcht' en geren för Gäld seihen loten.“

„Die Strafe des Himmels hat ihn ereilt“, saggt' hei. „Hier ist auch ein Lied, das sie auf ihn gedichtet haben, wie man sagt, ein gewisser Füsilier Rutschke. Dä, Mattigges, dat fa'ßt diu int Plattduitsche üäwersetzen.“

„Wys mol! — Toiw, diu Lork!“

Wat krüppet do im Busse rum?

It 'läw, et is Napolijum.

Napolijum, Napolijum,

Met dyner Sake geit et krumm.

Met Goäd drup loß, dänn is 't vürby

Met syner ganßen Kaisery.

Raß' iut!

Alarm-D. Mesijehr, 4. September.

Dei Parlewuhß syb närrste Luie. Se kennt kein anner Braud ose Weitenbraud; do is ömwer kein Klack un kein Schmach anne, keine Buter un kein Suder, keine Miälke, kein Salt un kein Schmalt. Et is nix ose Miähl un Water. Wänn se Kaffei drinken willt, dänn plocket se sik en Rümphen vull Braud, do geitet se Kaffei un Miälke up, un dat iätet se met em Soppenliepel iut, seo ose wy te Hius dat Siupen. De Pasteroer seggt jümmer, wänn hei in en Quartier kümmet: „La plüh pti taß, kö wus aweh; de klennste Tasse, dei im Huse is; in Duitschland iätet wy den Kaffei nich, wy drinket en.“

5. September.

Dat hiät sik niu upklört, dat Musche Bassähn van den Stellungen der Mac Mahon'sken Armei un der Armei inuses Kreonprinßen Wietenskop hadde, un dat syn Zutfall in den lätsten Dagen un de Schlacht by Moaswill met der Schlacht by Sedan im Tosammenhange stund.

Bassähn sitt niu faste in der Miusefalle un kann nich hot un nich ha. Wy möt et niu astoiwen, dat en de Schmach met syner ganzen Armei riut drinwt; hei werd' auk nau wal an de achtzigbiusend Mann by sik häwwen. Raß' iut!

7. September.

It mot nau en netten Spaß vertellen von Raß van Dülmen, diän ik eist van Dage gewahr wuren sin. En Säkunfuziger, dei sik Johannes Trapphahne schrywen lät un auk iut Dülmen bürtig is, hadde

by Mars la tur en Schuß in't rächte Wein kriegen. De Hauptmann hadd' em saggt, hei sull iuttrehen, män hei was dürr den Schuß seo in de Roselerigge kumen un verbiestert wuren, dat hei saggte: „Nix do, Heer Hauptmann, it weit, wei et doën hiät, it häwwe den Kerel seihen, un diän sall de Duiwel halen. Toiw, diu Uife! So 'n Dunnerkyl!“ Un domet hadd' he loßschoäten, un de Frankose fäll dal. „Seo, Heer Hauptmann, dei hiät wat he eget“, saggte Trapphahne, „niu will it mit verbinnen loten.“

Düße Salbete was hiute iut dem Lazareth trügge kumen un hadde sik meldt ose „geheilt“. Hei begigende iusem Ratz van Dülmen, dei met dem Dokter synen Guilen in iusem Stalle lagg, up der Strote.

„Suih, Ratz, bist diu do auf? Wy hätt' us lange Tht nich seihen. Hiäst diu dy nau kein Lawemang wier giewen loten?“

„Halt den Rand, diu dumme Kerel, süß hogg' it dit in de Presse!“ Seo raip Ratz un biesede in synen Stall.

„Wat is dänn dat met dem Lawemang?“ frogeden wy den säkunsufziger Reservisten.

Hei vertallte: „Do Ratz iut der Schoule kumen was, sull hei Büker weren un hei was by Meister Friätgeren in Dülmen in de Lehre kumen, män et hiät nich lange duert, do laip hei iut der Lehre.“

„Eines Dages hadde sik Meister Friätgeren üawernehmen an Heilweren-Pannefauken un Wiählklümpen, un dat lagg em im Magen un wull nich vürwes un nich trügge, un hei funn nich liewen un nich stiärwen. Hei lait in syner Angest en Dokter kumen, un do dei de Sake unnersocht hadde, saggte hei to Meister Friätgeren: „„Loten Se sik en Lawemang giewen, Meister, dänn friggst dei Sake öhren richtigen Verlaup.““

„Mester Friätgeren seggt: „Heer Dokter, wat kostet dänn wal seon Lawemang?““

De Dokter: „O, dat kostet teihn Sülwergrosfen.“

„Heer Dokter, wo kriggt me dänn wal seon Lawemang?““

„Dat gimwt jiu Klingel, de Barbier; do schidet män hön.““

„Un de Dokter ging syne Wege.“

„De Büker raip iusen Naß un saggte: „Plechhelm, hy hiäst diu teihn Sülwergrosfen. Weist diu, wo Klingel, de Buzius, wuhnt?““

„Jä, Mester.““

„Do laup mol fix hön un lot dy för teihn Sülwergrosfen en Lawemang giewen.““

„Naß laip, wat hei laupen kunn. — Na teihn Miniuten kanm hei met grautem Geblärre trügge un saggte: „Mester, dat briuf ik my nich gefallen te loten; wänn Sei dat nau mol deoet, dänn segg' ik et mynem Baern wier.““

„Dat Lawemang hadde Naß im Lhywe, un et däh syne Wirkunge; of et dem Mester Friätgeren hulpen hiät, weit ik nich.“

9. September.

Juse Drageoner hadden öhr Biwak dichte by Mestjehr. Eines Dwends wören wede up Bürposten un patroljirten öhre Bürpostenlinie af. In der franßoisten Bürpostenlinie lagg en Hius, wat de Feinde besatt hadden. Et was ol duister, un in dem Hiuße brannte Lucht. Ein Drageoner saggte teo sik sülwenst: „Ik will doch mol seihen, wat bei Kerels do drhwet, of se brohet oder of se schmoort.“ Hei gaww synem Piäre en paar Sporen, galoppierde up dat Hius teo, kät in dat Fenster, soh säß Franksofen üm en Dist

sitten un in oller Gemoithlichkeit en Samelbrohen vertehren. Hei nich siul, leggt synen Karabynner an 'n Kopp, un schütt biuß! midden up den Dist, mäcket Rehr, Marsch-Marsch! Biuß, biuß! scheidet se der ächter her, un hei friggt en Strypschuß an den Kopp. Do hei by syne Kamroden kümmet, seggt dei eine: „Diu hiäst Bleot up dynem giälen Kragen sitten.“ — „Schwyg stille“, seggt' hei, „dat et de Rittmester nich gewahr werd; ik wull blaut mol seihen, of dei Kerels broheden oder of se schmoorden.“ — De Rittmester sull em för synen Streik gewisse keine Strofe dikteiren.

Unner den säfsteihten Drageonern wören prächtige Kerels. Einer namm by Mars la tur en françoisten Ginerol gefangen, un düt was einer van den eisten, dei dat yserne Kruize kriegen hätt. Dei Mann was iut Harsum by Pott-Hilusen, un ik gläwe, wänn de Luie in Harsum olle seo vernünftig wören, ose düge Drageoner, dänn hädde se den Kryg met dem Bischoäwe nich anfangen. Wiu sik düge Sake verhält, will ik vertellen.

Wänn de Pastrote in Harsum vakant is, dänn hätt se de Biuern to vergiwen, dat hett, se künnt by dem Bischoäwe Einen in Bürschlag bringen, de Bischop hiät öwwer to entscheiden. Bür furtem was dei Sthe vakant wuren, dei Biuern schlöhen einen vür, dei dem Bischoäwe nich genehm was. Dei satte en annern Pastroer an, wat en leiven un sinnigen Heeren was; dei Biuern hiät en olle Dage ärgert, schwächlik was hei ol, un do hei na furter Tyt starw, prohlten sik dei lägen Biuern, „diän hädde se daut bichtet“. Dat willt niu katholske Christen syn! Phütaka, seone Kerels! De Bischop satt ne en annern Heeren in de Pastrote, dei hadde Fäll up den Tiähnen. De Kryg ging wier loß, un sinnerdiäßen wy in Frankryk den grauten

Kryg forrden, wuithebe in Harsum bei lütke Kryg seo lange, bis de Bischop dat „brachium saeculare“ in Anspruk namm, un fufzig Mann Saldoten „mit Verpflegung“ de Harsum'sken Biuern tor Räsong brochten.

In der Gegend van Pott-Hilmsen giwot et nette Döärper. Et syb niu drei Johre verlieben, do brack im Potte de Kolera iut. In Hase kamm en reisenden Handwärtsburschen krank an, ik gläwe, hei was van Alwerfäld. Anplatz dat bei Biuern den franken Minschen unnerbrocht hädde, laggten se 'n up ne Schiwkobre, schäwen 'n bis nohe vür Hilmsen, schmieten 'n in Schoffeigrawen un laiten 'n liggen. Dat wören doäch gewisse barmhertige Samariters! Im Potte nahten se den Kranken up, brochten ne na den barmhertigen Schwästern, de Kolera brack by em iut, verbreitete sik un richtete im Potte grante Verwüstungen an.

13. September.

Vür Metz is nix besunners passeiert. Wy hätt hy lange Wyle. Wänn de Duwel lange Wyle hiät, frett hei Fleigen; män ik bedanke mi do för! Et is gud, dat ik de Kortten inpactet häwwe. Ik spiele met mynen Kamroben mangel en Stünneken Säfungsäftig üm Kaisers Vort. Mannigmol vertell wy us auf Schnäcke för de lange Wyle.

Katz van Dülmen hiät van Dage wier en netten Streik iutforrt. Syn Heer schicked' en met ner Bestellung an dat Lazareth in Marangsch, un do myn Pasterer keinen Miffewyn mähr hadde, saggt hei, Katz künn' em wal en paar Potälgen Rauthwyn metbringen.

Katz van Dülmen kamm gigen Dwend trügge, hei was seo vuß ose ne Kaneone; hei hadde in Marangsch en Frankeosen kennen lehrt, se hadden Kortten spielt,

Naz hadde teihn Potälgen Rauthwyn soäpen un iäwen
 seo viel Schnäpse, olles ümmesäß. Sei was seo dune,
 dat hei nich up den Beinen stohen kunn un saggte
 för mynen Pasteroer, Wissewyn hädd' hei nich krygen
 können, in Marangsch wör' kein Drüppen Wyn mähr
 inne. Do hei in den Stall kamm, lägen de annern
 Burschen up dem Strauhe un schleipen, Naz baselbe
 derup loß un maif se üäwerher vull; dei öwwer nich
 siul, schmieten dat Schwyn up en Bund Strauh un
 bededen synen Pudel gehörig met Piewesgawen teo.
 Dat Lawemang is em gewisse gud bekumen!

15. September.

An Piewesgawen feihlt et us hy nich, Cigarren
 un Konjak weret liwert, auf Hiemedel un Strümpfe.
 It träg gisteren en Fruggenshiemed liwert, dat was
 seo met unnerlaupen. Dei Leutnant, dei de Piewes-
 gawen iutbälde, gaww dem evangelisten Pasteroer en
 Hiemed, dat sull hei sit met mynem Pasteroer un dem
 Dokter un dem Justizroth bälén; dat was mänt en
 Spaß. Do de evangeliste Pasteroer dat Hiemed iutnein
 maif, kunnen der siewen Ratten keine Mius inne
 fangen; hei gaww et dem Dokter för Scharpie.

Reptlichkeit is et halwe Piewen, saggte giene
 Frugge; do lehrde se olle Johre up Christdag dat
 Hiemed ümme.

18. September.

Mattigges: Heer Pasteroer, it häwwe in Öhren
 latynsten Kalänner kiesen, van Dage steiht der en
 Hilgen inne, dei is van Rupper un Tin.

Pasteroer: Dumme Kerel, dat is de heilige
 Rupertinus.

Mattigges: It meine, dei heite Rupernikus.

Pasteoer: Oh, dei heite Kopérnitus; dat was öwwer kein Hilgen, dat was en Sterentyker.

20. September.

Mattigges: Heer Pasteoer, Matz van Dülmen mäcket Gedichte.

Pasteoer: Lot en maken. Dei sind auf gewisse dernoß.

Mattigges: Hei sett se up Neoten.

Pasteoer: Lot en setten, wänn 't em Pläjeier mäcket.

Mattigges: Hei singet se us auf vür.

Pasteoer: Dänn giew' ik dy den Roth: laup wiäg, Mattigges, süß verlanget hei am Enne nau, dat diu se van biuten lehren un my vürsingen fallst, un dat wöre doch en bieten te viel verlanget, un kaine my doch iätwas twiäs.

21. September.

Met dem Gallus was gar kein Ümmegohen mähr, dei Giul was reine ose wänn he den Koller hadde, de Hawer stack en, un kein Winsche kunn den Racker mähr ryhen. De Pasteoer hadde ol vür einigen Dagen den Andrag stalt, den Giul ümme te tiuschen, un dat Ginerol-Kommando habb' et genehmiget, wänn de Offiziere van der Divisjeon betuigen können, dat hei för en Pasteoren-Giul nich döggte. Dei Unnersoitunge is van Nomidag maket.

Eist ging dei graute Köster derup sitten, de Hauptmann un de Rittmester läken teo. So droß ose de Köster der uppe satt, sing de Giul an te boden un hinnen iuttekülen, dat de Häuwe veier Faut üäwer der Gere wören, un batß! lagg de Köster in der Schyte.

Do moſte der en Stabsornanz up. Met diäm laip dat Beift furt, richt mant ſaß Pläuge, bei tüſker iuſem Quartier un dem Stalle ſtunnen, un batſch! lagg bei Kerel in den Pläugen, un hei kann van Glücke ſeggen, dat hei de Knoäken hāl behallen hiät.

Do ſull de Üäwer-Schandarme derup, män bei hadde keine Luſten, ſyne Knoäken te riſkiren, un ſaggte, hei hädde Reumetiſmus, hei künn huite nich ryhen.

Do kamm en annern Schandarmen an de Ryhe, bei was van den veierten Küraffieren un hadde in Celle ſtohen. Dei ſegede met dem Guile tom Doärpe riut un hiät en twei Stunne afdrawet un afgaloppiert, dat dat Dier to Verſtanne kamm un dat et ſchwätede of' en Giul. Dat Reſultot was öwwer, et wöre kein Piärd för en Paſteoer. Dat hadden de Hauptmann un de Rittmeſter auk ol inſeihen, un et wure beſchloäten, dat bei Giul im Piäre-Depo ümmetiſchet weren ſull. Raß' iut!

23. September.

Wy hällen van Dage Fäldgoädesdeinſt im Bimaf by den Sieventeihnern, do fängen de Franſeoſen up dem Steh-Zulchen wier an te bullern. Se griepen wier an, wo ſe vör drei Wiefen bei Ryhe krieggen hadden. De Landwehr-Diviſijeon moſte wier herhallen; bei dummen Franſeoſen kennt iuſe dappern Landwehr-luie nich, ſe meint, dat wören ſeo Kerels oſe öhre Mobilgarden. Jä toiwet!

Iuſe Armeikohr wure allarmirt, män wy kaimen nich in't Gefächt.

24. September.

Wyn Paſteoer hiät van Dage ne graute Froide hatt, hei un ſyn ewangelſte College hätt dat yſerne

Kruize kriegen. Dei liebenswürdige un sinnige Ginerol hadde bym Jäten twei Bleomenvasen, jide met em schoinen Bleomendufte, vör sik stohen un maik sik domet te deoen, un saggte up Hauchdultsk: „Dat sind mol schoine Butetter! Ryken se mol, Heer Pasteroer, wiu wacker. Ik will se den beiden Geistliken do mol nöger hön setten, dat se se biäter bekyken künnt.“ Dat däh hei, un suih mol, an jidem Dufte häng dat yserne Kruize. Dei beiden Pastoiere fröggeten sik ungeheuer un bedankeden sik diufendmol.

Wänn ik doch auk nau dat Glücke hädde!

26. September.

Gistern hä' wy den diewischen Gallus im Piäre-Depo ümmetiuschet un en briunen Wallachen derför nuhmen, dei nich grötter is ose iuse Iduna.

De Pasteroer hiät em den Namen Lulu giewen, hei het jußt seo ose Napolijum syn Junge. Dei hiät ümwigens met syner Moime ol längestig dat Land verlaupen. Kack' iut!

27. September.

Jäwen hadde myn Pasteroer de Siementehner im Birkhof besocht, do fängen se wier an te scheiten. Dütmol ging et up Säng Remi loß, wat hinner Mesijehr up Metz teo an der Schossef liggt, un gienst der Mosel wier up de Landwehr. Et was en heit Gefächt, de Frankeosen sind trügge driewen. Iuse Schaulle liggt vull Bewunnete, un iuse Dokter is iäwen daran un schnitt Einem en Bein af. Dei arme Minsche!

29. September.

Dei graute Armei, wo Syne Majestait de König by is, steiht ol ne Thtlang vür Parys. Mit sall mol wünnern, of wy Metz eier kryget, oder dei Parys.

Van Dage schrywet se van do: Vor Paris nichts Neues. v. Bodbielsky.

30. September.

Vür Metz nix Riggess. Mattigges.

Alarm-D. Olshi, 1. Oct.

Van Moärgen kamm de Befehl vom Uäwer-Kommando, dat wy an de annere Halwe van der Mosel rücken sullen, un de Landwehr-Divisiyeon na Mesijehr. Dei Landwehr was jümmer den Angrhyphen der Frankeosen toeist iutsatt wiäsen un sull iätwas schont weren.

Wy kaimen in dütt Doärp te liggen, wat Olshi hett un Olgh schriewen werd. (Weit de Quiter, dat de Frankeosen Alles seo unduitsch schrymet!) Dat Doärp hört na Argangst unner de Kloden, wo et mänt ne Bärrelstunne van awe liggt. Wy ligget by em Wynbiuern im Hüse, et sind öwwer keine ryke Luie.

Hy ligget wy unner den Kaneonen vum Steh-Zulchen, se künnt in dat Doärp un der uäwer wiäg scheiten.

2. October.

Do wy düssen Moärgen met den Siewenteihnern Fäldgoädesbeinst hällen, griepen de Frankeosen wier an, düttmol giensyt der Mosel, just ose wänn se't up de Landwehr affeihen hädde, bei dei dummen Rauthbüren för süke Kerels hallet, ose öhre Mobilgarden sind. Inse Artellern staltte öhre Batterhen up, de Wunstorper vür dem Doärpe, un de Briunschwyger ächter dem Doärpe, un piperden uäwer iusen Köppen wiäg van boäwen dal mank de Frankeosen, bei tiger iuse Landwehr vürging. Vum Steh-Zulchen wullen se iuse Batterhen bescheiten, un bei Kugeln vum

grauten Kaliwer fluseten üäwer iusen Köppen hön, män se hätt kein Unhöl anrichted: de Rauthbüren schietet ose de Schwyne.

Düßen Dwend fhert myn Pasteroer synen Geburtsdag; et is en wunnerschoinen mondhellen Hiärwestowend. Olschi liggt hauge; nich wyt van iusem Quartiere steht am Afhange des Biärges ne Bank, wo me dat ganze Moselbal üäwerseihen kann. Wy noimt et iuse „Lug-int-Land“. Hy satt ik un üäwerlait mit mynen Gedanken. Ik dachte an Westfolen un an Sannebieke un Särfentrup, an myne leiven Älern un an iuse Familige un an Söphken met den grauten blohen Augen un den rauhen Bäckfens, un et wure my so weihmoidig ümt Hiärte, un ik moßte grynne in myner Einsamkeit, un ik dachte an dat schoine Reid, wat ik van iusem Pasteroer lehrte hāmwe:

Äh, die Heimath ist so schön!

Unnen an giensyt der Mosel soh ik dat kleine Döörpfen Säng Remi in lichterlohen Flammen stohen. Dat Döörpfen was jümmer en Strytobjäkt wiäsen tüster iusen Salboten un den Frankeosen, un viel, wahne viel Luie hadden diäbhalw öhren froihen Daut sungen. Do wure beschloäten, dei Hüiser dal te brännen, den Inwohnern wure düt ankünniget, un se togen af met Sack un Pack; by us wören van Romiddag auf zwei Familigen dürkumen, dei sik einstwylen by guden Frünnen ne Heimath soiken moßten. (Dat no dem Kryge Alles up Stootskosten wier upbugget werd un de Luie entschädiget weret, versteiht sik van sülwenst.)

Et was teihn Juher Dwends. Dat Döörp hadden de Briunschwyggers up Kommando anstoäten, un et brannde seo helle un ruhig ose ne Lampe. Ik dachte an de armen Luie, dei do iutwannert wören. un augen-

blicklik keine Heimath hadden, un ik summede met lyser
Stemme dat schoine weihmoidige Leid för mit hön:

Sin ik feer im frümmeden Land,
Rümmes leiw un woählbekannt,
O dänn denf' ik, dat de Mynen
In der Heimath um mit grynem;
Sin ik feer im Frankenland,
Rümmes leiw un woählbekannt.

Na der Heimath steiht myn Sinn,
Mächtig tuiht dat Hiärt mit hün;
Oll myn Sehnen, oll myn Liewen
Is jo do terügge bliwen;
Na der Heimath steiht myn Sinn,
Mächtig tuiht dat Hiärt mit hün.

Ach, de Heimath is seo schoin;
Wer' ik je se wieder seihn?
Einen Griuß nau möcht' ik sennen,
Eih' ik mot myn Liewen ennen.
Ach, de Heimath is seo schoin;
Wer' ik je se wieder seihn? —

Wieder seihn! — Wieder seihn! — —

3. October.

Wy sind vam Moärge na Argangsi wiäsen, wo
myn Pasteroer de Wisse dai; do is auf en graut
Lazareth, wo kein eigenen Geistliken inne is un wat
myn Pasteroer met te besöargen hiät.

Argangsi is en schoin Doärp, wat wader liggt
un stootsmäßig bugget is ose ne Stadt, män woät
wäddeder ose Piefelken. Wy wunnerden us, dat dat
Doärp seo voll Minschen was, just ose Olschi auf. De
Rüreh was en sehr fründliken un vernünftigen Mann.
Bei vertallde us: do et heiten hädde, de Pruißen kaimen,
un olle Döärper iutlaupen wullen un iutlaupen wören,
olles up Metz hündal, hädde hei van der Kanfel saggt,

se sullen de Pruißen mänt kumen loten, dat wören auf Minschen; seo lange ose hei bliewe, sullen se män dryste auf blywen; wänn't Dyt wöre te gohen, dänn wull hei et en froih genog seggen, un wänn hei ginge, dänn wull hei syne ganze Gemeinde met nihmen. Up düße Wyse hädd' hei se hallen, un se wüßten't em niu olle Dank. Kein Minsche hädd' einem wat doën, un se hädden genog te iäten, se lieweden van us met.

5. October.

Dütmol mot ik wier ne Däsigkeit vam Naz van Dülmen vertellen. Et is de richtige Schliubiärger, dei grötteste Schleim by der ganzen Armei.

Ik weit nich wedöre Läder, wohrschynlik dem Justizroth syn Friße, hadde to Naz saggt: „Im Krynge geiht dat nich seo stramm ose süß, dat werst diu ol wal miärket häwwen. Diu kannst auf dryste en Dffßier up der Strote anküren, dat nimmet dy kein Minsche üwel, im Gigenäl, dat hätt dei Heerens geren, diu briukest auf dyne Finger nich sthw an de Müsse te leggen, diu kannst de Müsse gemoithlik afnihmen ose 'n Züveliste un seggen Gu'n Dag.

Dat miärkede sik Naz. Hiute was en starken Hiärwestniwel um den Biärgen, Naz ging im Doärpe hön, do kamm em de Rittmester intemoite. Hei soh en kumen un dachte: „Wat seggst diu to diäm? Ha, ik weit wat: Gu'n Dag, Heer Rittmester! wat niwelt et ümme de Biärge.“ Do de Rittmester nohe kamm, namm Naz syne Müsse af un saggte: „Gu'n Dag, Heer Niwel, wat rittmestert et ümme de Biärge.“

„Rhinoceros!“ saggte de Rittmester un ging vürby.

„Was dat franßoisk oder hebraieß?“ frogede sik Naz; „up jiden Fall bedütt et wat Gudes. Guih, do kümmet einer van iusen Schandarmen her, dei sall

et my verduitschen. Wo begruiß' ik diän met. Toiw!
ik segge: Gu'n Dag, Heer Wachtmeester, wat nimelt
et ümme de Biärge."

Siener kamm nöger, Natz namm syne Müsse wier
af un saggte ganß fründlik: „Gu'n Dag, Heer Nibel,
wat wachtmestert et ümme de Biärge."

„Heiliges Kanonenrohr! Du Rindsvieh, Heuochse,
Schafswallach!" was de Antweoert; „ich will dich
wachtmeeestern, deine janzte Perseenlichkeit soll sich in
dicken Nebel auflösen! Weeßt du niche, wat sich jeheert.
Ik wer' et dem Herrn Dokter sagen, dat er dir mal
drei Stunden lang an 'n Boom binden läßt. Troll
dir, du polizeiwidrig dunimet Jewächse! Heiliger Proz-
kasten! Verstande wu?"

Dat was Düitsch. Un Natz wure van synen
Kamroden auf up Düitsch omwt. Hei hadd' et eget.

7. October.

Wiu et den Anschn hadde, wullen de Frankeosen
van Dage nau mol en vertwijnelten Versoik tom Dür-
briaken maken. Vürnidbag ging dat Scheiten loß un
dat Hauptgesächt was wier unnen im Moseldale, düt-
mol by Grand-un pti-Tapp. Inse Landwehrluie wören
wisse dermant, un se vertallten hernoh, de katholsken
Landwehrmänner wören in de Schlacht gohen met diäm
Riärfengefange:

O du unüberwindlicher Held,
Fürst Michael!
Komm steh uns bei, zieh mit ins Feld;
Hilf uns hier kämpfen,
Die Feinde dämpfen,
Held Michael!

Den Järzengel Michael betrachtet my Düitschen ose
iusen besonneren Patreon un Kriygesgefährten.

Et was ne heite Schlacht. Iuse Batterhen stunnen wier seo ose am vürigen Sunndage. Steh-Fulchen fäng wier an, Liewesgawen rüäwer te schiden, de Frankeosen beschoäten iuse Batterhen, män se schoäten oltht int Doärp, un olle Augenblide krepierde in iuser Röhe ne Granate. Auf einige Schassepo-Kugeln vam Dale rup verlaipen sit un schlögen dichte by us in. Män de Rauthbüren moßten balle öhre Knoäken tehaue soiten un den Rückmarsch antrehen. Up düße Wyse kunnen se iut der Falle nich kumen. Raß' iut!

10. October.

Iuse Hauptmann was van Dage mynem Pasteroer begigent un habb' en iut Spaß wier ankührt: „No Heer Bischof van Metz, wiu geiht et? Bassähn is balle mühr, dänn is de Sake richtig.“

Myn Pasteroer saggte: „Myn leiwe Heer Hauptmann, ik sall Bischof in Metz weren, män Sei find et ol.“

„It?“ frogede giener verwünnert. „Wiu is dat möglich?“

„Sei hätt bischöplike Rächte iutüwet, Sei hätt den Pasteroer van le Mar na Flevy versatt, wo iuse Piäre-Depo is. Do wy den Rüh, diän bei dühx Francischüs trügge schidet hadde, up der Wache sitten hadden, wußte dei rächt gud, dat verteihn Dage vürher de Pasteroer in Flevy stoärwen was, dorüm wull hei seo geren in regionem septemtrionalem na Flevy verwiesen weren. Van dem Bischoäwe in Metz kunn hei sit nich anstellen loten, wylant met diäm jide Verbindunge afbroäken was, dorüm hiät hei sit van dem Heeren Hauptmann de Anstellung giewen loten, un niu sitt he ruhig in der Pastrote in Flevy un is Pasteroer in Flevy.“

„Et is doch dei richtige Rader“, saggte de Hauptmann un kunn dat Rachen nich loten üäwer den Spaß.

11., 12., 13. October.

Bär Meß nix Nigges. Mattigges.

14. October.

Wy hätt in vielen Bivaks Sunndages Goädesbeinst te hallen, balle hy, balle do, in Argangst, Scharli, Malroa, Antilli, Rüschi, jiden Sunndag an twei Pläzen, un wy künnt jidesmol de Märken derteo benutzen, un wy hätt ollemol Militär-Musyk. Et is ne wahre Froide, wänn dei Instrumänte anstemmet, un diufend Salboten iut vuller Buäst singet: „Hier liegt vor deiner Majestät.“

17. October

Sier acht Dagen wägget en schnäbbisten Wind, un wy hätt en ganz läge Wiäder, de Folge is, dat van iusen Salboten sehr viele de Ruhr kriegen hätt un olle Lazarethte vull ligget.

Goäd der Heer giewe, dat Bassähn balle hungerig werd, süß werd iuse ganze Armei nau krank, un se segget, iuse Prinz Friedrich Karel luere met Schmiärten derup, dat Bassähn de Fästunge üäwergiewen sull, wylant iuse Salboten seo nädig na'm Suiden mößten, wo seo viele Franktirörs wören, (dat sind Fryshooren,) un wo sik ne nigge Armei bille, dei iuser Armei, dei vür Parys liggt, up dat Dad stigen will. Dei sullen wy trügge hallen. In Parys wür en unwysen Karel wiäsen, dei laite sik Gambetta schrywen, dei förrede dat ganze Rummando. Dei wör' in en Luftballon sitten gohen un dür de Lucht iut Parys flogen, dei stänkerde niu im Franßeosenlanne rüm un rügede olle

Luie up. Dat is en schoin Kummando! Kumm an do, Kerel! de Duivel sall dy de Pötte verkaupen!

19. October.

De evangeliste Pasteroor un use forrden hiute düt Gespräch:

Giener: Kennt Sei de Oper „Fryschütze“, Heer College?

Use: Wei sull dei nich kennen? „Leise, leise, fromme Weise“, un „Was gleichet wol auf Erden dem Jägervergnügen?“ „Schau der Herr mich an als König!“ „Wir winden dir den Junfernkranz.“

Giener: Ik höre't, Sei kennt se. De Frankeosen spielt dei Oper auf, se hätt se üäwersatt. Dei Oper het „Lö Frankfirör.“

Use: Dat kunn ik wal denken. Wat dei de herrlike duitsche Oper wal verhunzet hätt!

Giener: Um dat inteseihen, is düsse eine Preowe hönreikend: Ottokar, dei Fürste, singet, do de Ere-myte uptritt:

„Sei mir gegrüßt, Gesegneter des Herrn!“

Wecke Bösch, wecket deiße Gefoihl! De Frankeose üäwersett, — et is tom Lachen:

„Bong schur, kommang wu porte wu, Mosjöb?“

Use: „Gu'n Dag, Heer, wiu geiht et jiu?“ Acht frankeisf!

20. October.

Sier einigen Dagen kumet by us frankeiske Soldoten ose üäwerläper an, van Dage te Dage mähr, un Hunger hätt se ose de Wülwe. Wiu et schint, is et in Metz balle Matthei am lästen. Rag' iut!

22. October.

Gistern was ik by 'n Briunschwygern im Bimaf. Dei armen Kerels ligget reine ose im Sumpe. Män de gute Piune hiät se nau nich verloten. Ik horde, do twei sik unnerhällen, un ik hä't upschriewen.

„Dat weit de Duifer, wänn wy auf nau siewen Johre im Frankeosenlanne sind, kann me doch dei verrückte Sproke nich lehren.“

„O, dat will ik nich seggen, se hätt doch mannige Worde, dei hä' wy auf: Potälge, Barplui, Salot; un Malör hätt se genug. Dänn hätt se wier annere Worde, dei hä' wy auf, män se denket sik wat annerst derby; me mot mänt wieten, wat se sik derby denket. Wy hätt Piäre un Mähren un Füllen; dei hätt sei auf, män Piär segget se för Batter, un Mähre is ne Mutter, un Füllen is ne Tochter. För Strote segget se Rühle, un för Schnaps segget se Lodewig, un wat se för Käse segget, dat lutt nich gud, dat kann me nich seggen. Me kann dei Sproke wal lehren, me mot mänt wieten, wat se sik derby denket. Lähm up! schrigget se auf ol.“

27. October.

De lästen Dage syb seo höngohen met Nehnen un Langewyle; endlik kamm dei Noricht, et wör niu gewisse, Bassähn hädde Metz un de ganze Armei üawergiewen, de Prinz Friedrich Karel hädde de Kapitulazijeon affschloäten.

De siewenuntwintigste is för us nau jümmer en miärfwürdigen Dag wiäsen: am siewenuntwintigsten Juli van Celle intrücket; August: den Spijeonen dautscheiten hulpen; Septämber: Gefächt by Säng Remi; October: Metz üawergiewen.

28. October.

Van Dage was de graute läwergawe. Wy hätt us in den Daud verwünnert, wy dachten, in Metz wören iätwa nau achtzigdiusend Mann wiäsen. Sä woäl! Kumm diu doher! Et wören hunnertdreiunflewenzigdiusend Mann ohne Offßiere, dei Krrygsgefangene wuren, dreiunfufzig Fahnen un Adler, fufhunnerteinunverzig Fäldkaneonen, achthunnert Fästungskaneonen, säßunsäftig Metraljösen, (dei dummen Kaffeemühlen, wo se seo viel Spitafel met maket hadden,) un dreimolhunnertdiusend Schassepos.

Hat ihm schon! Katz' iut!

Olltzt jüh!

Marßch-D. Woapph, 31. October.

Wy find hy intrücket. Dat Doärp liggt nau an düßyt Metz. Quartier hä' wy by guden un ryken Luien. Moren is Ollerheiligen un de Pasteroer will Kiärke hallen. De Kiärke hy im Doärpe is schoin un graut, jußt seo bugget ose de Sannebießche.

Hy is auk en Fäldgeistliken van den Frankeosen. Hei sagge för mynen Pasteroer, hei wull geren met synen Salboten na Duitßchland in de Gefangenskop gohen, myner sull doch seo gud syn un seggen't dem Ginerol; dat hiät hei doën, un de Ginerol hiät Berläw terteo giemen.

Van düßem Omonijeh, wiu se noimt weret, hä' wy in Erfahrunge brocht, wiu et met dem frankeißen Fäldgeistliken iutßiht. Iides Regimänt hiät synen Omonijeh, öwmer mänt im Krryge, — in Friedenstyt nich; do find dei Salboten sik sülwenst läwerloten, gohet in keine Kiärke un in keine Kluse, blaut up Napolijum synen Geburtsdag do moßten se der in,

do was Riärkenparade. Im Rynge löppet dei Omonijeh seo met, hei hiät en Burschen, keinen Guil un keinen Wagen, keinen Fäldastor un partiu nix. Dei Salboten bichtet nich un funnefeiert nich, se hätt keinen Goödesbeinst un nix, se kryget vör der Schlacht keine Ginerol-Absluzijeon un no der Schlacht keine Dälunge. Dei Omonijeh met synem langen Rode, met Schnallenschauhen un schwarzen Strümpen, löppet met dem Regimänte seo met un patschet dör Dick un Dünne; worümme? dat weit hei sülwenst nich. Do ehre Goöd us! Dat is doch ne annere Sake!

M.-D. Fehi, 2. November.

Suite. froih hiät sik de Divisijeon in bäster Ornung upstellt, un wy sind met klingendem Spiele in Mee introden un dörmarschirt. Myn Pasteroer bym Stawe, dichte hinner dem Ginerol, hiät dat mährste Upsien maket up synem Rappen met der blohen Stola un dem ysernen Kruize. Seo wat kannten de Franseosen nau nich.

Wy hätt en düden Marsch maket. Dat kleine Doärp met brüddehaltwhunnert Inwohnergern het Fehi, (schriewen werd et Feh). Wy ligget in der Mäken-schaule. Dei beiden Pastoiere hadden et sik bequeme maket, saiten üm den Kamyn in Polstersäffels, do dat Fuier helle brannte, un wören met der Tydunge in der Hand induselt. Däwens kennt se hy to Lanne nich, un wänn me en halw Klasten Holt in den Kamyn stoppet hiät un der dichte vör sitten geiht, dänn werd me vüren heit un fänget an te gloisen, un up dem Pudel früst me of en Schnyder; dat kümmet, dat dei ganze Hitze in den Schoärnstein geiht, de Franseosen sind öwwer te dunim, ofe dat se dat begrypen

künnen. No dat sall niu eindeoen syn. Inse beiden Pastoiers wören inschloopen, upmol geiht de Döhr up un ne Stemme wedet se iut dem Schlope:

„Meine Herren, hier können Sie nicht bleiben; stehen Sie auf und machen Sie, daß Sie fortkommen; suchen Sie ein anderes Quartier!“

Bei beiden Pastoiers läken up, do stund ne schwarte Gestalt, en Rünneken van en Johren er diärtig met rauhen Bäckfens un grauten un fründliken schwarten Augen, en Bielsken seo schoin ose me de Engeln asmolt, un me kunn ghyt seihen, dat dei strengen Worde met der Fründlichkeit öhres Engelen-Untlotes nich in Harmony te bringen wören. Et was Schwäster Agath, dei na Mez wiäsen was un iäwen terügge kamm.

Bei beiden Heerens läken dei nigge Erschynnunge an, läken sik an, un se läken sik olle dreie an un fängen olle dreie iut vüllem Halse an te lachen.

Schwäster Agath was by Saargemünd te Hius un häll hy de Mäenschaule. Während der Belagerunge van Mez hadde se en Lazareth van fufzig Mann im Hiusse hatt un ganß olläne bedaint. Se saggte, se hadde nau keine Inquartierunge hatt un hadde hoäpet, auf keine te krygen, un se künn us nich loten.

Bei beiden Pastoiers verspraiken, se sull gar nich derangschirt weren un öhre Stüäwelen ruhig behallen.

Se saggte, se hadde män twee Beddens, sei wull sik dänn en anner Unnerkumen soiken.

Dat sull se up keinen Fall, et könn' öhr auf nix helfen, in dem kleinen Doärpe wör' et seo vull ose im Warmbeier, olle Huiser wören stoppenig vull Salboten. Dat eine Bedde sull hy in de Stüäwe staltt weren.

„Do künnt Sei insliggen gohen, Heer College“, saggte myn Pastoer, „if schlope up dem Sopha, un

inse Luie künnt sik Matrazen soiken, dat werd Alles gud gohen.“

Do dat Nünneken soh, dat se't met gemoithliken Luien te deoen hadde, gaww se sik in öhr Schicksal. Se saggte, se hadde öwwer nix te iäten.

De evangeliste Pastoer hadde jümmer in synem Magazhne Bürroth van Thei, Suder un ollerhand Backwiärk. De Schwäster Agath wure inlahen, den Thei te serviren, Buter schaffete se an, un se dranken Thei tesamen in oller Gemoithlichkeit un plübderten nau en paar Stunnen up ächt duitsche Wyse.

Do sik Schwäster Agath in öhr Kämmerken trüggetohen hadde, was ik nau up der Stoäwe by den Heerens.

Use saggte: „Heer College, dat is ne ächte un reine duitsche Jungfrau; wat dücht Sei doteo?“

Giener: „Seo rein of' en Engel. Wänn dei nich in den Hiemel kümmet, dänn kümmet der kein Minsche in.“

Use: „Ik 'läwe, düßen Dag vergiätet wy nich. Wy hätt us met em Engel unnerhallen un hätt doch hiärtlik lachet.“

Giner: „Dei naive Seile! Me künn seggen: „Wenn ihr nicht werdet wie die Kindlein und wie Schwester Agathe, so könnet ihr in's Himmelreich nicht eingehen.“

M.-D. Pont a Ruffon, 3. November.

Do inse Pastoiers van Schwäster Agath Affscheid nuhmen un se dem Schuze Goädes empfoählen hadden, riechen wy na Pont a Ruffon. Wy kaimen in inse froihere Quartier un wuren van den allen Bekannten fründlik upnuhmen. Män hy was Alles verännert. Dei schoine Kiärke was in en Lazareth ümmewannelt un lagg stoppenig vull van Kranken.

Dei beiden Pastoiers vertallten den Profässers, dat se van Fehi kaimen un by em Nunneken im Quartier lägen hadden.

„By Schwäster Agath“, saggte de duitsche Profässer.

„Kennt Sei dei auf?“ frogete myn Pasteroer.

„Wei sull diän Engel nich kennen?“ anwede giener; „dei is hy in der Eigend wyt un syt bekannt, un olle Welt nennt se den Engel van Fehi.“

„Goäd segene se!“ saggte de evangeliske Pasteroer.

It ging in de Kücke, wylant ik iut Erfahrungs mußte, dat do gut Syn is.

M.-O. Zul, 6. November.

Bürgistern sy wy in Zul inrücket, wat ne Fästunge is un van iusen Truppen ol innuhmen was, do wy vör Meß lägen. Wy kaimen by en Affekoten in't Hius, dei Batelo heite, et wören nette Luie un hadden so ortige Kinner, twei Jungens un en Mäken, dei na der Schaule gingen. De grötteste Junge kunn ol Lathn met mynem Pasteroer radeiren.

Musche Batelo saggte, van hy kaimen wy na Kolombeh. Et gäwten ömwer twei Kolombehs, dat eine heite Kolombeh o bell samm, dat annere Kolombeh döös eglis, in dem eisten wören schoine Wywer, in dem annern twei Märken. Wo wy hönkaimen dat wör' dat Kolombeh met den schoinen Wywern. It wure örentlik nygierig; bis up düssen Dag hadde ik nau kein schoin Franseosenwyw seihen. Se laiten bynoh olle ose Üggels, wo me de Kinner met te Bedde jagen kunn. Schwäster Agath hört der nich by, dat is jo ne Duitsche.

M.-D. Kolombch, 7. November.

„Heer Magister, dat sall niu Lähm syn!“ hadde giener Junge saggt. Hy in Kolombch o beß samm, dat süllt niu schoine Wywer syn! Dat diu de Schwerejake krigst! Dat sind Wywer! Wänn de annern Frankeosenwywer üggels wören, dänn sind düße Wywer üggels van der eisten Sorte.

Bym Fäten frogeden iuse Heerens den Werth, (et was wier en Affekote,) dei met syner Frugge un syner Moime bym Diske satt, of et hy im Dingense seo schoine Wywer gäwte. „Boala comm sa“, saggte dei, un wäs in ollem Grenst up dei beiden atzelgen Damen hön, dei he för bielschoin häll, „wie Figura zeigt“. Un iuse Heerens maiken en Kumpelmänte iut Duiwellicke, un dei Damen erwiderten dat Kumpelmänte iut Dummheit un Inbildung.

„Mattigges“, seggt myn Pasteroer, do ik dütt upschrywe, „eschoffir dik nich üäwer dei Frankeosenwywer; dei sind för nix gud, ose Fläche te fangen.“

M.-D. Rösschato, 8. November.

Wy ryhen ächter den Regimäntern her, dei by Tyhen intrücket wören, un hadden se halle inhalt. Wy moßten im Gausmarsch ryhen, do de Schossei vull Salboten was; de eiste was de evangeliske Pasteroer, dänn kamm myner un toläste ik. Do wy by de Jägers kaimen, stemmeten dei üävermäuthigen Kerels foärt dat Leid an, un dat ganze Bataljeon stemmete in:

Der Enterich, der Enterich,
Der macht den Superintendentenrich.
Die Lerche, die Lerche,
Die führt die Frau zur Kerche.
Der Wiedehopf, der Wiedehopf ...

„Rechts 'ran!“ kommandierde de Bateljeons-Schef, nu se kunnen nich södder singen un rückeden rächts ran; Prinz Friedrich Karel flusede just met synem Stawe vürby.

Wy kaimen dör en Doörp, do stund en steinern Fruggensminsche up 'm Pütte, dat hadd' en steinern Schop by sik liggen un en Schäperhaken in der Hand. Do wy na Rösschato kaimen, söhen wy datfülfstige Fruggensminsche wier up dem Markede stohen, män et was viel grötter un üäwerher vergüllet. Myn Pasteroer saggte, dat wör de „Jungfrau von Orleans“. Do wy Quartier in em grauten Hotel, wat seo viel seggen will ose Werthshius, nuhmen hadden, wo auf iuse kommandirende Ginerol un iuse Ginerol un de Offfiere olltehaupe inne lägen, hätten de beiden Pasteroiers wal Lust hat, na Dom Remi te ryhen, wat twee Stunne affhts lag, un wo dat Hius nau te seihen is, wo de Jungfrau van Orleans vür veierhunnert Johren inne geboren is; män einesdäls was der keine Tht teo un wy moßten den annern Moärgeu södder, annerndäls sagkten se, me künn ohne Bedeckunge nich hönrhyen, einer van iusen Offfieren hätte 't riskirt, män de Biuern in Dom Remi hätten der up schoäten.

Seo viel of' if van der Jungfrau van Orleans upschnappet un wat if my terächte laggt häwwe, gläw' if na mynem dummen Verstanne, dat et en unwes Mäken wiäsen is. Dat em de Muttergoädes erschieneu wöre, hiät üt sik inbildt, de Frankeosen hätt et glowwt, üt hiät se uprütet, dat Volk hiät sik in de Roselerigge bringen loten, de Engellänners hätt dat Rängsterge kriegen, üt der ächter dör, de Frankeosen met, un am lästen Enne hätt se 't iut Dankbarkeit den Engellänners iutliwert un bei hätt et för ne Häre verbräunt. Seo

was et, seo is et un seo bliwot et. En vernünftig
Minsche mot kein Narre syn.

M.-D. Säng Bläng, 9. November.

Ik kunn van Moärgen dat Lachen nich loten, do
myn Pasteroer in Mößschato vür dat Altor ging. En
grauten dicken Kerel im schwarten Fracke, met ner
scharlachbrauthen Schiärpe un en allmächtigen Zweitimper
up em Koppe, of' en by us de Schüttenkünig uppe
hiät, un met ner langen Lanße marschierte growetaitst
vür em her un hald' en no der Wisse wier af un
brocht' en in de Geerkamer. Süßs haw' ik myner
Lebssdage nich seihen! Se saggten, dat wör en Schweizer.
De Frankesosen sind doch de reinen Kummeljanten!

Wy ligget hy in em elennen Doörpe by em allen
Wywe, seo ne alle Sosijehre oder Sorsijehre, wat seo
viel bedüdt ofe Häre. Van Dwende schlabberte üt
Miälsk un Braud iut em eerenen Rappe un saggte teo
iufem Pasteroer: „Wule wu?“ un häll em den Rapp
hön, schnuitete sik öwwer eist met den Fingern. „Merßi“,
saggte hei un ging van der Stuawe.

M.-D. Forßeh, 10. November.

Van Dage wägget en rächt halen Wind, wy fryget
gewisse balle Schnei. Wy sind hy in de Pastrote te
liggen kumen, de Pasteroer is hellist fründlich, män ik
trugg' em nich.

Se segget, hy in der Gigenb briewen sik seo viele
Franktirörs rüm. No lot dat Tafelvolk mänt kumen!

11. November.

Ik hawwe Rächt hatt. De Schnei liggt up den
Däckern.

Auf wat den Rühch angeiht, häw' ik Rächt hatt. Do myn Pasteroer van Moärgen in de Geerkamer kamm un Wisse liäsen wull, staltte sik bei Menste up de Sinnerbeine un frogete: of hei Berlän vom Bischoäwe in Langer hädde?

Myn Pasteroer: Wat schert miß de Bischof van Langer? Myn Bischof is de Fäldpropst in Berlyn.

Siener: Of hei Papyre van diäm hädde?

Mhner: Frylik, öwwer bei wiese hei em nich.

Siener: De Bischof van Langer verlanget, dat jider frümmede Geistlike, bei för syn Pläseier reisjet, syne Papyre vürleggen mot.

Mhner: Unsinn! Ik reise nich för Pläseier; ik häwwe myne ganze Gemeinde by my, un ik sin huite iäwen seo gud Pasteroer in Forßeh ose Sei, un düit is huite seo gud myne Kiärke ose Öhre. Un wänn Sei Ünnefstänne maket, nihm' ik dat brachium militare (up Duitsch: Salboten) te Hülpe.

Siener taug de Nase in 'n Buil un schaum af. Im Huse was hei affrod wier seo kattenfründlik ose gistern.

Alarm-D. Schomont, 13. November.

Gistern sind wy hy ankumen. Et is ne schoine Stadt, düit Schomont; schriewen werd et: Chaumont un hett up Duitsch: Kalenbiärg. Wy un de evangeliske Pasteroer ligget in der Diäkenigge. De alle Diäken is en fründliken un vernünftigen Heeren, hei is gewisse dreihunnert Bund schwor.

Hy in den Biärgen sült sik griusam viel Franktirörs oder Fryshooren rüm drywen, absunnerlik in un üm Langer, wat ne Fästunge is, so 'n alt Fälsenneß, wat eist nau iutstufert weren mot. Lähm up!

14. November.

Myn Pasteroer hiät en Kaplon kriegen. De Fäldpropst hadde den Mensken, wat en Schlesier was, adressirt „an die Cavallerie-Brigade der zwanzigsten Infanterie-Division“. Do kein Minsche by us wußte, wat dat heiten sull, seone Brigade auf nich existirte und nicht existirt hadde, wußte nich einer, wat se met dem Manne anfangen sullten. Prinz Friedrich Karel marschierde met syner Armei na 'm Suiden, un iuse niegenundiärtigste Infanterie-Brigade ging met, iuse Ginerol bläw met der verzigsten by in Schomont. Do krüg dei Kaplon Befähl, met der niegenundiärtigsten Brigade astomarschiren up Schatilsjon teo, wo de Franktirörs unner Anfehrunge van dem dullen Garibaldi iuse Landwehrluie by Nacht un Nivvel üäwerfallen un met Hülpe der Bürger wecken de Hälse affschnien hadden.

16. November.

Gistern hiät iuse Divisijsen en Jutfall up Langer maket, män se sohen in, dat se dat Nest met den kleinen Fäldkaneonen nich kaputt scheiten kunnen.

De Kommandante von Schomont is en sächsken Oberst iut Dresden; syn Bursche is auf van do, if häw' en kennen lehrt, et is en netten Kerel.

17. November.

Do wy in der schoinen un grauten Märkte dat eistemol spherliken Goädesdeinst hallen hadden, un de Diäken soh, wiu ändächtich iuse Salboten singet un behet, saggte hei teo iusem Pasteroer up Latyn: „Niu seih' ik wal in, worümme iuse Salboten seo viel Prügel kryget: de duitschen Salboten sind Christen, de franboisken sind Heiden.“

19. November.

Myn Pasteroor hiät en Breim kriegén van synem Frünne in Celle, ne Postkorte met Biärsen, dei wunner-schoin sind. Do de Korte up em Diske lagg, häw' it se soärt affschriewen:

Aus Colombey aux belles femmes sandtest Du mir liebe Zeilen;
Könnst' ich jezt in Deiner Nähe drei, vier Tage traulich weilen,
Theurer Freund, nur einmal wieder in Dein mildes Auge sehen,
Da sich stets in Ernst und Scherzen unsre Seelen gleich ver-
stehen!

Mancherlei gar Interessantes gäbe dann es wol zu plaudern,
Und bei uns'rer Reitlust würden wir bei Wind und Schnee nicht
zaudern,
Schnelle Rosse zu besteigen, kühn zu sprengen durch die Auen,
Schlösser, Villen, Forts und Thürme mit Gemüthlichkeit zu
schauen.

Sold' Vergnügen muß ich leider augenblicklich nunentbehren,
Doch bin oft bei dir im Geiste, wie bei unsern braven Heeren;
In der That bewundernswürdig ist ihr Ringen in Gefahren,
Und gar schön im Feld der edle Wettstreit aller deutschen Schaaren.

Möchte doch der Herr Gambetta am Laternenpfahle baumeln,
Oder von der lust'gen Höhe jählings in die Tiefe taumeln!
O daß dies mein sehnlich Wünschen baldige Erfüllung fände:
Der Pariser Wahnsinn schwindet, und der Kriegslärm hat
ein Ende.

20. November.

„Mattigges, diu kannst düße Korte na der Fäld-post bringen“, saggte de Pasteroor teo my un ging na der Präsfaktiuer, wo dem Ginerol syn Quartier is, tom Jäten.

De Abbräße was an den Fründ in Celle, dei dat schoine Gedicht schicket hadde. Wat is dänn dat? Is dat Rükénlatyn oder is et Gauselatyn? Verstohen deo it et nich, män it will et grade affschrywen, viellichte

üäwerfett et my mol Einer. Wei et nich versteiht, bei gohe na'm Pasteoer im Doärpe oder na em annern Studeiermafer un segge: „Nix för ungud, Heer. Parle mu Latyn? Wilt Sei van der Güte syn un üäwerfetten my dütt mol“:

Schoenibus quas possum gratias pro versibus sago
Maximas. Immerezu in Calvomonte*) pro longa
Weila maulaffos feilhabeo, reitoeque rappam
Idun(am) et Lulu, cogitans pulcherrimae Cellae,
Scribens Küchenlatein, exspectans besseras zeitās.
Heu quando venient? Pax quando steigt in erdam
Ex himmlo blau? quandoque begreifere potest
Franzosis narrus, proderit quid rothibus hosis?
Wüthit ut dollhundus, milites terriete minans,
Exstechit oculos et halsabschneidit ut satan.

Tres mihi sunt odio sub wolkibus terribiles res:
Ratti, rothhosi, rothhosorumque latrantes
Mulieres, quas qui videt, ausspuckere debet.

*) Chaumont, 20. Nov. 1870.

21. November.

Gistern Dwend hadde de Ginerol inssem Pasteoer saggt, van Dage rückete hei met dem Stawe un der verzigsten Brigade iut, üm de Armei des Prinzen Friedrich Rarel wier to erreifen, twei Bateljeone Siementeihner bliewen hy, un eine Schwadreon Drageoner un eine von den Bunstorper Batternen. Wylant also de mährsten Katholiken hy bliewen, wür et wal dat Bäste syn, wänn hei (verstohe de Pasteoer) auf hy bliewe; män hei künnt maken, wiu hei wull. Wihn Pasteoer soh dat in un bläw met den Siementeihnern hy trügge.

Dei Ginerol met den annern find van Moärgen afrückt. Wanneiher wy der wier by kumet, weit Goäd.

22. November.

Juse Pasteoer hiät viel in den Lazerethen te deoen. It häwe vaken lange Wyle. Dat Wiäder is schoin,

un wänn myn Heer Tht hiät, ryhe wy. olle Dage spazeiren.

It un myn Berlyner Kamrod un dem säkssisten Oberst syn Bursche, dei up den Namen Daniel hört, wy kumet olle Dage tesamen un vertellt us wat, dat de Tht derher geiht.

Gistern is en Siewenteihner trügge kumen iut Düitschland, dei sit Friß Bolte schrywen lätt un by Hanneover te Hius is, dat Doärp hett Kirchrode. Düsse Friße was up Kommando met dem Mejer Gefangentransport na Hanneover wiäsen, wo dei Kerels afliewert wuren, un dat Roumando moßte sit do achte Dage letten, un Friße badd üm Urlaub in syn Doärp, diän hei auk fräg.

Im Doärpe laip Ollens in Frigen synem Hius te samen iut purer Nygier, un se saggten: „No Friße, niu vertell us mol wat vam Krynge. Wiu was dat vür Mez?“

Friße saggte: „Schredlich. Wy laggten do teihn Wiesen im Biwaß, ose im Sumpe, un wy moßten olle Dage vermauchen syn, dat de Frankeosen en Zufall maiken. Wy kunnen us nich wasken un nich kämmen und kein rein Siemed anteißen.“

„O Friße, dänn hadden jy gewisse auk Lüse.“
(Seo führt se by Hanneover, by us segget se: Lüse.)

„Lüse, so graut ose Maikabels.“

„Hadden jy dänn auk Flähe?“

„Flähe, so graut ose Müse.“

„O Heer willen, dat is je schredlich. Sind do dänn auk Müse?“

„Müse, so graut ose Ratten.“

„Sind do dänn auk Ratten?“

„Ratten, so graut ose Kalwer.“

„Dat is nich wohr, Friße, dat lüggst diu.“

De alle Grautvader, bei im Soärgestauble satt, saggte: „Dat mag wal wesen. It häw' en Bauk, do steiht in, dat der nau grötttere Diere sind, bei heitet Elephanten.“

Dei annern saggten: „Niu vertell us mol, Friße, wiu sind dänn dei Minschen do, de Françoosen?“

„Jä, denket mol“, saggte Friße, „wänn dei Gören säß oder siemen Johre alt sind, dann künnt se ol fix un färrig Françoisik parliren.“

Do raipen olle: „Dat is myn Siemen nich wöhr, Friße, dat lüggt diu. Met säß Johren Françoisik parliren, wiu is dat möglich?“

Un de alle Bästevader saggte: „Wö hätt dy Alles glowwt, Friße, män düt gläwe wö dy nich, dat is logen.“

Un van dem Dage an trög hei in synem Doärpe den Namen Luigfriße.

23. November.

Myn Berlyner Kamrod vertallte huite en netten Spaß, diän it in syner Mundort wier vertellen will, seo gud it et verstohe:

„In Berlin war en reicher Prediger, der wußte selber nich wie reich er war, er dat aber nisch umsonst; wer bösen oder sich bejraben ließ, der mußte berappen. Also jut. Zu dem kommt ein armes Weib un hat en kleenet Kind uf em Arme. „Herr Paster“, sagt det Weib, „bösen Se nich doch det Wurm, det is schonst sieben Wochen alt.“

„Meine liebe Frau“, sagt der Paster, „det kostet sechszehn jute Froschen, die muß sie erst bezahlen; det is mein Wagen un mein Pflug, da muß it von leben.“

Det Weib jelt fort un weent uf de Straße über

ihre Armuth, det se nich mal ihr Wurm kann döfen lassen. Da bejeient ihr en Jude, der se kennen dhut. „Na, Mutterchen“, sagt der Jude, „was weint Se denn?“

Sie wird ihm ihr Unglück klagen, un der Jude wird in de Tasche greifen un wird sprechen: „Hier hat Se 'n Riejedor, nu laß Se Ihre Kind taufen, un befaßl Se den Prediger, un laß Se sich finf Tholer raus geben; die muß Se mer aber bringen.“

Die Frau geht zu dem Paster, legt det Goldstück uf en Tisch un spricht: „Herr Paster, döfen Se mich jetz det Wurm.“

Der Paster reekt de Ogen uf un frogt: „Wo hat Sie det Gold her?“

Die Frau: „Det hat mich en barmherziger Jude jegeben.“

Der Paster: Der kommt jewiß ooch bald un läßt sich taufen.“

Er döft det Wurm un giebt die Frau finf Daler raus. Die geht zu den Juden un giebt ihn die finf Daler un bedankt sich scheene.

Da spricht der Jude: „Nu is uns allen dreien teholfen: Ihre Kind is getauft, ich bin meinen falschen Riejedor los, un der Prediger is angeschmiert!“

24. November.

„Nu seid emol ruhig Freindchens“ saggte van Nomidag Daniel, de Saksche, „wenn ich eich die Reschichte erzählen soll, die einem Bekannten von mir bassirt is, ta er in London war mit seinem Herren, einem sakschen Baron, wo er Petiente pei war. Da steht er eines Tages auf der Straße en froßen Drubel von Leiten, die zusehen, wie eine Resellschaft von schwarze Neger mit weiße Beenkleeder un feirrathen Jacken mit froße

bapierne Vatermärder ihre Tänze un Springe machen. Da sie fertig sein, warten se uf den Senen, der in de Heiser gelangen is un Geld sammelt. Endlich chommt der wieder naus, un die andern Neger rufen: „Aber Herr Cheses! Kristjan, wo pleipst te so lange?“

„Was ist tas“, fragt mein Freind, „seit ihr Teitsche?“

„Ne, mei kuteestes Herrchen“, sagt Kristjan, „Teitsche sein mer eegentlich niche; mer sein Saksen aus de Regend von Tauche. Das Reschäft leht so schlecht, da ha'mer uns schwarz kemacht, da pringt's mehr. Ei cha!“

25. November.

Gistern is dei kleine Kaplon iut Kämpfen wier hy us ankumen, dei ol vür Metz hy us was im Lazareth teo Hofonkur. It gläwe, it häwe dat te bemärken vergiäten. Niu kann der myn Pasteoer Schach met spielen vür de lange Wyle.

Daniel seggt, syn Oberst hädde saggt, et wören seo viel „Franktereersch“; wy können us up en Angriep gefaßt maken.

Myn Pasteoer meint, do de kleine Kaplon hy wöre un de Lazareth besöargen künn, wull hei, dat he wier hy der Divisjeon wöre.

26. November.

In Schomont nix Riggess. Mattigges.

27. November.

Juse Kleiblatt satt wier tehaupe. Wy gawnten us Röhfels up. Aujust, de Berlyner, saggte: „Wat is det?“ un molde düsse Sülwen hön:

Wil/ „Wilhelm!“ raipen wy beiden Anneren.
Helm „Da fällt mer gleich uf“, saggte giener,
„det mer sich hernacher orndlich wundert, det et nich

so heeft. Der Strich hat ooch seine Bedeutung, det is en Bruchstrich. $\frac{3}{4}$, det heeft „Drei Bier=tel.“ Det Andere heeft „Wil=helm=Tell.“

„Dat hiät syne Richtigkeit“, saggt' ik. „Män künn ih met drei Linien hön molen, wiu en Saldote met synem Rühren iut der Poorte geiht? Ryket hy:



Eiste Linie is de Poorte, twedde Linie dat Bajonett, drüdde Linie de Schwanz; vam Saldoten suiht me nix ose dat Bajonett un vam

Rühren den Steert.“

Niu gaww us Daniel en säklist Röhhsel up: „Ä zweifelpiges Wort: de erschte is ä Fluß in Italichen, de zweete chommt aus de Mühle, tas Kanze is ä Brennmaterial.“

Wy kunnen't nich rohen. De Uplöösunge lutte: „Po, Mehl, Pomehl, Pom=ehl“. Dat sull „Baumöl, Baumoälige“ syn!

29. November.

Wy möt Ollens tehaupen paken. Moren wert iutrücket; wohön? dat mag Goäd wieten.

M.=D. Schato vilähn, 30. November.

Unnerwiägens hadden wy Gebreck met iuser Kalesche, de Kanoniere kaimen us met Stricken te Hülpe. Ik hadd' et jo ol ghyt in Celle seihen, dat dat alle Ding nix werth was.

Wy ligget by em Rühch. Do wy iuse Piäre in en Stall dāhen, stund do en jung Fruggensmische met heßblonnen Hooren, blohen Augen un synem Geschick. Et lait of' en duitsch Mäken. De Frankeosen lotet olle ose Jiuden, seo dat ik anfangs meinte, et wören Jiuden, un ik saggte teo mynem Pasteroer: „Wat sind

hy te Lanne viel Jiuden, män se sind seo azelig; in Duitſchland ſind de Jiuden, apart de Jiudenmäkens, viel ſhyner un wädeber.“ De Paſteoer klörde mit up un ſaggte: „Dat ſind je keine Jiuden, Mattigges, dat ſind je Frankeofen.“

Um teo dem Mäken trügge te funien, wat hy up dem Wiemenhoäwe ſtund, ſo frogede de Paſteoer: „Eht wu pötehter la nizehs dö Moſjöh lö Räre?“ (Of et dem Paſteoer ſhyne Waſe wöre.) „Domſtief“, gaww et ter Antwort, alſeo en denkbaren Geiſt. Ne Duitſche was et nich. Frankeofen-Mäkens ſind för mit nich up der Welt. Ik denke an Söphken in Järkentrup.

„Dat is vernünftig“, ſaggte myn Paſteoer, do hei dütt laus. „Do blyw by, myn Suh.“

Alle Neſter iutſtutert.

Marſch-D. Bar für Dob, 1. December.

Wy wören up Schato vilähn los arwegget, wylant ſe ſaggt hadden, dat do ſeo viel Franktirörs ſik uphallen ſullen, huite hä' wy us wier nördlik wendt un ſind up Bar für Dob teo trocken. Wy ſaimen by Klärmoh vürby, dat was waleiher en graut un beruht Klauſter wiäſen; wat de graute Abt un Riärkenvader Bernardus ſtiftet un wo hei liewet hadde. Jegund hadden der de Frankeofen en Tuchtius van maket; es was örndlik bedroiwet, dat prächtige Klauſter ſeo liggen te ſeihen.

Wy ſullen hy by en Räre int Quartier, män dei Menſke wull us partiu nich häwwen. Myn Paſteoer wull keinen Schandal anfangen, un wy ſaimen by ne alle rhyke Dame, dei rächt ſyn un fründlik was, un wo wy ſifer biättere Verpflegunge hadden, oſe by dem

Bapen, bei en Gesichte maik, ofe wänn hei Medezyn innuhmen hädde.

Juse Kalesche hä' wy ghyt na der Schmidte brocht. „Mareschal“, segget de Frankeosen vür en Schmid; putzige Luie!

Gistern in dem Städtken hadde der auf ol en „Mareschal“ anne rümmer flicket un syh Franken nuhmen. Dei Flickerigge hadde hallen van der Väspen bis de Hähner upflaugen. Do wy hy ankaimen, ging bei Gesichte wier iutnein. Düsse Mareschal hy is en Duitcher un en ehrliker Mann; hei mot de ganze Nacht deran armeggen un verspreket, dat de Kalesche niu sifer hälle, hei fräg ömwer achte Daler un teihn Sülwergrößen.

„Aujust“, saggte de Pastoer, „loten Se de Guile olle dreie frist beschlohen, hy düßsem Manne sy wy sifer, dat hei se nich iut Lägheit vernagelt.“

M.-D. Willenöw o schein, 2. December.

Wy kaimen dör Bandöwer im deipen Schneie in düd elenne Döörpfen, wat up Duitsh noimt werd: „dat nigge Döörp unner den Eiken.“ Quartier hadden wy in der Pastrote. Düt is hy ne hauge Biärggigend. De Rüh vertallte us, dat se fier drei Dagen ol en wahne Scheiten met Kameonen hort hädde in der Richtunge up Orleans teo, un wy lusterten un horteten auf. Do hätt de Parlewuh sifer wier rächt-schaffene duitche Liebe beseihen.

M.-D. Troa, 3. December.

Düt is ne graute Stadt, seo graut ofe Münster, un auf seo schieterige Stroten sind der inne. Wy befielen den grauten Deom, en Bischof is auf in der Stadt.

Quartier hadden wy by 'm Diäken, wat en steinalt Mann was un fründlik un nette.

Se brochten hy fyfhunnert gefangene Frankeosen dār, richtig Taterenvolk.

„Power garßon!“ raipen de Frankeosen.

„Se la gehr!“ saggt' ik.

„La gehr set ön grand malör, pur nu, pur wu e pur tule monde.“

Dat horte me ollerwegens, de Krig wör' en graut Unglücke för de Frankeosen, för us un för de ganze Welt. Do Napolijum den Krig anfäng, hadd' em dat ganze Land teojiuchet, do hei verspielt hadde, raip Alles un maik met dem Finger ose wänn me den Hals affschniehe: „Napolijum kaputt, Öschenie kaputt, Zulu kaputt“; un dünn satten se hönteo: „Gambetta kaputt“, un Goäd weit, wat nau olle kaputt gohen full.

M.-O. Eftisat, 4. December.

Wy sind in düßem kleinen Stäheken ankumen un ligget in der Pastrote. De Kireh is en fründliken un netten Mann.

Suite is Sunndag. Wy gingen in de Väsper, dei drei Pastoiers up Latyn sangen, se hadden olle dreie graute güllene Kauermantelen ümme, ose by us de Pasterer ümmedoit, wänn hei by der Proffstjeon dat Sanktissimum dräggt. De middelste was iuse Quartierwerth, de annern beiden hadden Börte. Eih' se en nigger Psalm anfängen, stunnen se jidesmol up un maiken sik Kumpelmänten. In der Kiärke saiten drei alle Wywer un ein Mann. Se schnurrden de Väsper af, ose wänn der einer met der Schwiepe ächter stünne, un do se dei Sunndages-Väsper afschnurrt hadden, hängen se sik schwarte Kauermantelen ümme un fängen de Dauen-Väsper an, met diär se

iäwen seo grade färrig wuren un deisülftigen Rumpelmänten maiken, doäch met dem Unnerscheiße, dat bei eine Mann, bei do satt, jidesmol en Rumpelmänte met askräg. Do bei Väpper iute was, tögen sik bei twei hörtigen Rauerheeren iut un gingen heime, un it soh, dat se bloße Riegels anne hadden un dat et Biuern wören. De Rühch bläw im Ornote un taug met dem einen Manne un met em Duzend Jungens in scharlachrauchen Röcken af, un wullen en Dauen begrawen, wat en Breoer van dem Manne was, diäm se bei Rumpelmänten maket hadden.

Bei Rühch vertallte hernoh, bei eine van den hörtigen Heerens wör' en Berückijeh, de annere en Taljühr. En Pusius un en Schnyder in güllenen Rauermanteln! No, wo et Meode is, do singet se Pumpernickel in der Kiärke.

M.-D. Billenöw l' Arschgewehk, 5. December.

De Leutnant, bei de Quartiere maik, laggte us gewöhnlik by de Rühchs; by auk. De Pasteroer was tiger mynen ganz gud, män de Hiushällersche was ne alle schmeerige Kunkel un doggte den Duivel nich. It un Aujust sullen 't gewahr weren.

Düssen Dag sind hy wier an diusend Gefangene dör transportirt, do wören Turkos manke, seo schwarz ose der Deibel.

De Rühch vertallte iusem Pasteroer, hei hadde achteihnhunnert vüllwässige Luie, män et hällen nich mähr ose veierhunnert öhr Austerfäst. Met twöälw Johren kaimen de Rinner iut der Schaule, de Mäkens kaimen in den eisten paar Johren nau ter Bichte, bis se verdoärwen wören, de Jungens gar nich. Wänn se friggen wullen, mößten se 'n Schyn van Pasteroer bringen, dat se bichtet hadden, eiherr gäwrote se de

Mär nich tehaupe. Dei Briut friege de Abfluzijeon, de Bruime nich, wylant he te dumm oder te schlächt wöre. Wänn se de Mär dänn tehaupe giewen hädde, kaimen se in de Kiärke un empfangen dat Sakramänt der Eihe. Seo wör' et in ganß Frankryk, je nöjer by Parys, desto schlächter, in Parys am schlächtesten, un eihet wör' et nich biäter, bis Parys iutstukert un met Kump un Stump kaputt maket wöre, dat kein Stein up dem annern bliewe.

It un Aujust wy schleipen in em grauten Saale, dei was dunkelrauth iuttapeitet. Wy gingen hungerig to Bedde, dat hett, up dat Strauh, wat in dem Saale lag. Dat Fäten, wat us dat alle Ness van der Hiushällerschen vürsatte, was nich te geneiten. Den gefangenen Frankeosen, dei hy dürkaimen, hadde sei un de Biskarjes Brohen un Wyn in Masse teo=drägen. Wylant it jümmer Kryte in der Taske hadde, üm et an de Stallbühr te schriewen, wänn wy en Stall met iusen Piären belaggt hadden, namm it niu myne Kryte un schräw up dei rauhe Tapeite: Das Fressen hier ist vor die Schweine.

M.-D. Sängs, 6. December.

Sens werd et schriewen; se segget in allen Tyhen hädde et Senona heiten. Hy is en unvernünftich grauten Deom, do hört en l'Arshewehk teo, wat up duitsch Färbischop hett. Do sull myn Pasteroer by int Quartier. Do wy up den Hoärw trocken, kamm en Schwartzrod te gohen. Myn Pasteroer was syn Bilet, (Bijeh segget de Frankeosen). Dei Pape was dem Biskop syn Sidetaries. Hei saggte, wy mößten seihen, dat wy annerst wo unnerkaimen, un för Guile hädde se keinen Platz, de Stall stünne vull van dem Biskop synen. De Biskop wör' nich inne, dei wör' iutgohen.

Myn Pasteroer: Hei, de Sicketarjes, wör je doch te Hius.

De Sicketarjes: Hei wull iutgohen.

Myn Pasteroer: Ik sin ganz verklummet un möchte mit en bieten wiärmen.

De Sicketarjes: Dat Fuier is auk iutgohen.

Myn Pasteroer: Seo'n fallen Empfang wör ik my nich vermauhen wiäsen.

Dat hadden de beiden up Latyn asmaket.

Do kät ik den Sicketarjes, den hauchnäfigen Strünzeler, an, un saggte up Plattduitsch: „Kerel, diu bist en Isel!“

„Wui, Mosjöh“, saggte dei un ging synen Patt.

Niu kaimen wy in en vülrnähm Hius, de Heerschaft was iutflogen, de Domestyken bewertheden un bedeinden us, ose wänn myn Heer öhre Heer wiäsen wöre.

Ik satt idwen un schräw up en Siedelen: Mosjöh lö Sekretär dö l'Arfcheweht f'et ün ahn.

Dat brochte my van mynem Pasteroer en düden Küffel in.

„Mattigges“, saggte hei, „dei schnodderige Bemärkunge, dei diu gisteren in der Pastrot an de Müre schriewen hiäst, was just seo unschidlich, ose wat diu do up dat Siedelen schriewst un dem Sicketarjes int Gesichte saggst: hei wör' en Isel. Wahr dyne Tunge un dyne Finger, dat diu se nich beide nau mol verbrännt. Verstande wu, alter Sohn?“

M.-D. Schuhi, 7. December.

Do hä' wy de Bescheerunge! Do sittet wy in der Patsche! Olle Nester ligget vull Salboten, wy wuren kompanyhwyse up dei lütken Döärper verdält,

if un de Pasteroer met der veierten Kompany in düt Doörp, wat Jouh schriewen werd.

De Mär kamm na'm Kompany-Schäf un saggte, hei wull em ghyt floren Wijn inschenken, up dat synem Doörpe kein Malör passierde: hy in der Nowerflop hällen sik achthunnert Franktirörs up, un hei könn nich gud dorför stohen, of wy nich van Nachte üäwerfallen würen.

Do hadden wy de Bescheerunge! Un oäwendrup was if van Dage nau vam Divisijeonsköster tom Kompanysköster avangfirt!

Dei Hauptmann laggte de ganze Kompany in einen Biuernhoäw, se verrammelten sik un hällen sik schlagfiärrig.

Wijn Pasteroer fröchtete sik nich; wy tögen met Sack un Pack in en Biuernhius am Enne vam Doörpe hy ne alle Witfrugge, dei us met Rannneken-Brohen trakteierte, un laiten't der up ankumen. Ein Leutnant, diäm dat Hanoiverske Dageblatt teohört, hadde nau mähr Kurasche; hei lagg biuten in 'ner einsamen Mühle. Us hiät kein Minsche wat doën.

M.-O. Remuhr, 8. December.

Juse Marsch ging dürr Scheroa na Remuhr, wat ne wädere Stadt is. Wy ligget hy em Diäken, dei met mynem Pasteroer in einem Aller is. Alles, wat dei Mann iusem Heeren an den Augen affeihen kunn, dat däh hei. Use saggte, dat wör' de fynste un liebenswürdigste un gebildteste Kureh, diän hei bis huite hy to Lanne kennen lehrt hädde. Un my duchte dat auf seo. Wy hädde hy geren en Dag Rugge hatt, män do was nich an te denken. Düttyt jüh! Alle Nester iustufert.

M.-D. Büßloh, 9. December.

Dat was en örndlik Scharmützel van Dage. Papen un der Quiter! Wy kaimen hy in de Pastrote. De Pasteoer is en alt Menske, dei nich weit, of hei hinnen oder vüren liewet. De Bifarjes lätt of en Franktirör, un me kunn em ghyt anseihen, dat hei vull Gift un Galle was, just dat Gigenäl von dem Heeren in Remuhr. Hei behannelde mynen Pasteoer met Bausheit un Vernynigkeit.

Wat et Riggess gäwnte? frogete de Bifarjes.

Myn Pasteoer: De Biuern in em Nowerdoärpe hädde drei van iusen Landwehrluie iut em Huse riut up der Strote dautschoäten, insolge diäßen wör' dat Huse dalbrännt.

Bifarjes: Dei Biuern hädde ganß rächt doen, un döen olltyt rächt, wänn se iuse Salboten heimlik dautschüten. „Se la gehr!“

Pasteoer: Dat wöre kein Kryg, dat wöre Meuchelmord.

Bifarjes: Dat wöre nich wohr. Un wei den Kryg anfangen hädde?

Pasteoer: Kein Winsche ose Napolijum; un Gambetta sette ne furt.

De Bifarjes fäng niu in einer seo infamen Wyse up Bismard un up iusen König Wilhelm an te schennen, dat myn Pasteoer raip: „Tenek wot busch!“ (Hei sull't Miul hallen.) Un dänn erklärde hei: in em Huse, wo de Meuchelmord vertheidiget würe, wull un künn hei nich blywen.

Up der Marie drap hei nau den Leutnant an, dei de Quartiere maik, un diäm hei de Sake vertallte; dei was auk katholsch.

„Scherfant“, raip düße, „die zwanzig verwegensten Kerls aus der Kompagnie zu dem Pfaffen ins Quartier!“

Wy kaimen hy en Biuern un hadden't gud. Im Biärestalle sungen wy en Breim, diän Einer van iusen Drageoners an syne Briut schriewen, un diän hei verloren hadde. Sei prohlde dem Mäken vür, wat hei ol Frankoissl künne: „Mamuseß, dü päng, dü wäng, dü frommasch! Tutt schwitt!“

Juse Leutnant begiegende us, un de Pasteoer frogede 'n, wat et gäwrote. Sei saggte, anplaz der twintig Mann hädde hei sit sülwenst met synem Schersanten hy den Papen laggt, un bei möre niu ol seo tahm, dat hei 'm iut der Hand fraite.

M.-D. Pithiwijeh, 10. December.

Wy ligget hy hy em ryken un gyzigen Fabrikanten. Sei hiät drei halwe Finger an einer Hand, en diä un gloinig Wyw un en wunnernuidlik Windhünneken. Dat läste is et bäste, wat he hiät. Myn Pasteoer wull em dat Rühfeken askaupen, män hei wull nich.

Satt Jäten un Drinken hä' wy hy nich te seihen kriegen, woäl öwwer diusend gefangene Frankseosen.

M.-D. Orleans, 13. December.

Dat was en wahren Marsch un en dullen Streit, diän wy vürgistern maket hätt. Wy marschierden met den Siewenteihnern na Nöwille, wo bei bliemen. Do saggte de eine Major för iusen Pasteoer: hei in syner Sthe maife up eigene Fiuß na Orleans; moren kaimen sei do auf hön; up düße Wyse hädde de Pasteoer en Dag Rügge un kunn sit de Stadt örndlik besceihen.

Wy laiten us en räsenabeln Pannekauken backen, un jüh! ging et up Orleans teo. De Pasteoer ging in den Wagen sitten, Aujust satt up dem Bocke, ik rät den Lulu un hadde de Ibuna an der Hand. Juse

Trängfawels lägen unnen im Wagen. Et duerte nich
 seo lange, do kaimen wy in en duistern Wald, wo
 einige Dage vürher ne Schlacht wiäsen was, un wo sik
 lichtfärrig françoiske Marobörs inne rümmer drywen
 kunnen. Wy wören ne halwe Stunne forrt, do kaimen
 us drei sture Kerels in blohen Riegeln un met Ären
 intemoite. Do de Wagen ran was, gingen se ne
 Pause ächter us her. Wiu lichte kunnen wy hy af-
 murzet weren, un kein Hauhn und kein Hahne fräggede
 der no. De Pasteroer kommandirte: „Eskadron teraab!“
 un vürwes ging et, un wy laiten de Kerels ächter us.
 Of se Holt hoggen wullen, oder of se süß wat im
 Sinne hadden, ik weit et nich. Dei Wald wull gar
 kein Enne nihmen; upmol kaimen wy an ne Stye,
 wo de Schossei uprieten was, un wy moßten hyf
 Miniuten dür dat Holt üäwer en Knüppeldamm feuhren,
 dänn ging et wier up de Schossei. Wy hätt keine
 Minschenseile mähr seihen, of en Schäper, dei hy an
 der Schossei hotte. „Suish, do is Thibo d'Arf!“
 saggte de Pasteroer. Wat hei domet seggen wull, weit
 ik nich. Niu kamm wier en graut Loäk in der Schossei,
 un wier en Knüppeldamm. Drei Stunnen wören wy
 mutterseilenolläne in dem duistern un gruggeligen Holte
 forrt, endlik söhen wy de beiden stumpen Thören van
 der Kathedrale oder Deomkiärke van Orleans in der
 Richtunge vür us liggen. „Kinneres“, saggte de Pasteroer,
 „Goäd sy gedanket, dat wy so wyt sind; et was ne
 verwegene Drystigkeit van us, un en dullen Streif,
 diän wy maket hätt.“

Wy frägen en stoots Quartier in der „Küche
 d'Drisslamme“, nohe by der Kiärke Säng-Ängän. De
 Heerschaft is intrücket, de Hiusmester un syne Frugge
 deoet olles, wat in öhren Kräften steiht, üm us dat
 Liewen angeneihm te maken.

De Jungfrau van Orleans steiht hy up der Loare-Brügge un vür de Marie alkrot seo, ofe wy se in Rösschato seihen hadden. Up dem Markede steiht se up em grauten un haugen Steinklosse oder Postamänte in rhyenmäßiger Grötte, wiu se up em Giule sitt met em Buästharnische un dem Schwerte in der Hand. Wy sind hy auk in em Rabinätte wiäsen, wo olles Möglike in te seihen is, wat van öhr upbewahrt is oder an sei erinnert. By Orleans hiät se de Engellänners in ner grauten Schlacht üawerwunnen. En unwoys Fruggensminsche is et doäch wiäsen; do blyw' ik hy.

De Siementeiñner sind hy gistern inrückt un hätt na em drütteiñndägigen Marsche den eisten Kuggebag. Wy hätt up düße Wyse twei Kuggebage un könnt us Ollens gehörig bekyken.

De Deom is de schoinste Kiärke, bei wy im Frankeosenlanne seihen hätt, dat seggt de Pasteoer auk. Up de Stund was de Kiärke ollerdings in em gräßigen Leostanne un wure nich briuket. Tysbiusend frankeoiste Salboten hadden der ofe Gefangene inne siäten, de Kiärkenstäuhle hadden se der inne verbrännt un dat Fuier dermet bott, un de Kiärke hadden se auk up annere Wyse seo vull maket, dat et ne Sünne un ne Schanne was. Phuitaka, seo Kereks! Se sind doch just ofe Bäh!

De Bischof Düpangluh hadde ol ne Tytlang Stuäwenarrest hatt. Sei hadde in den Tydungen dat Volk uprützet un de Pruissen iutschannt för Vandalen, (dat mott wal seo viel heiten ofe Trijakelen un Tafel-volt). Prinz Friedrich Karel habd' em doför ne „Ehrenwache“ van twei Mann vür de Stuäwenböhr satt.

M.-D. Bosjangsi, 14. December.

Up iusem hütigen Marsche kaimen us tweidiusefend un veierhunnert gefangene Frankeosen intemoite, un dänn nau mol fyfshunnert, olles Volk, wat Gambetta in den südliken Provinzen up de Seine brocht hadde. Et mott arge hergohen syn. Wy ligget hy in der Pastrote, dei auf stark beschoäten is.

M.-D. Bloa, 15. December.

Up dem Marsche hyher (Blois werd et schriewen) kunnen my ollerwiägens de Spuren van der Schlacht seihen, absunnerlik viel daue Guile un terbroäkene Wagens. Dei Armei, dei hy Ryle kriegen hiät, sull up Parys loß un packen use Armei, dei do liggt, im Rügge an, un dei Parysen sullen ghyter Tht iutfallen. Diän Spafß hiät en Friedrich Karel verdoärwen.

Wy draipen hy de Bagasche van iuser Divisiyeon an, auf den grauten Köster. Up der Fäldpost krägen wy en ganzen Packen Breiwe un Tydungen iut Diutschland, för mit was der auf en Breiw hy van mynem Baer un einer van Söphken.

Goäd sy gedantet, dat wy seo wyht wier sind. Wy wören je ose van oller Welt affschnien un horden un sohen nix, wat passeierde.

Parys hiät nau jümmer nich kapituleiert.

Alarm-D. Bandohm, 17. December.

Iuse Divisiyeon hiät gistern met den Frankeosen „Raz' iut“ spielt, un se was iäwen siegryk in Bandohm inrücket, do wy ankaimen. Myn Pastoor meldte sik hy dem Heeren Ginerol, dei in em grauten Hotel Quartier nuhmen hadde, un dei Heerens wullen just hy den Dist sitten gohen un iäten wat. De Ginerol saggte för iusen Pastoor, hei sull em gigenöäwer Platz

nihmen, dat he syn leiwe fründlike Gesichte mol wier örndlik seihen künn. De Pasteroer saggte: „Ik häwe Heimweih hatt ose 'n Suhne na'm Vatterhuse; hy is myne Heimath, un ik sin frau, dat ik endlit wier hy sin.“

Wy trägen bym Diäken en gud Quartier. De schlesiske Kaplon, dei no Schomont kumen was, liggt hy in der Diäkenigge krank. De evangeliste Pasteroer meint, hei hädde en Tiesek, män dat dücht my nich, ofgih't hei schwächlik lätt. De beiden Heerens ver-tallten, se hädde aul suere Dage hatt, absunnerlik by Bohn la Roland, wo de françoissen Salboten wahne der hädde anmötten, ganze Biärge van Dauen hädde do legen. Et laime niu Ollens derup an, dat Parys kapitulierde, dänn hädde de Sake en Enne. De Hiemel giow' et! Ollens hiät je en Enne, män de Mättrouhst hiät tweie.

19. December.

Wy hätt hy gude Dage, män wy stoht olltut up dem „Ki wih!“ Lange weret se us wal nich in Rugge loten.

De Regimänter sind in der ganzen Gegend iut-strögget, seo dat wy den Goädesbeinst mänt jümmer met weinig Luien hallen künnt.

20. December.

Bandohm liggt in der Grund unner em stiefeln Biärge. Se segget, do hädde waleiher Tämpelheeren uppe wuhnt, män dat wör' oll fshunnert Johre ver-lieben. För den Biärg segget se öwwer nau „Langpel“ bis up den hütigen Dag. In dem Biärge hätt iuse Salboten graute Kellers fungen, un in den Kellers ganze Ladungen van Weiten, Whyn, Brannewhyn, ganze

Lagers van Kaupluien un Krämers, olle möglichen Saken, wat Goäd weit un wat hei nich weit. Ik sin der auk inne wiäsen, un do Döns ose Krugesbuite betrachtet wure, häw' ik my en Paar Strümpe un en Spiel Kortten metbrocht. Et wören Säßunsäftig-Kortten; do ik se düssen Dwend dem Pasteroer wäs, un wy se by der Lampe besohen, wören se dürschynend, un et kaimen de infamsten Niederträchtigkeiten tom Bürschyn, seo dat hei se ghyt namm un in den Kamyn int Feuer schmät. Wat sind dei Frankeosen doch för ne verfumene Nazijeon!

21. December.

Wylant ik dem Pasteroer vertallt hadde, dat in dem Biärge auk ne ganze Ryhe Kutschwagen stünnen, un iuse Kalesche in schlächten Häften was, gingen wy van Dage in dei Kellers; wy nahmen öwwer den Burschen mihe, diän de schlesiste Kaplon hadde, wylant dat en Biärgmann iut Iserlauhn was. Auk ne Lichte nahmen wy met. Me kann sik in dem Biärge lichte verlaupen, ein Keller geiht in den annern; un wei sik der inne verlöppet, kümmet syn Piewen nich wier riut. Wy fungen säksteihn Kutschwagens, einen wädeber ose dei annern, män an keinem Rahe was ne Schriuwe oder en Lünß. Dei Schaden wöre niu wal to kureiren wiäsen; män de Pasteroer saggte, hei wull dem Ginerol nix seggen, dat hei en Wagen kriege. De mährsten wören te schwor för iusen Boß, un dei annern wören dals lichte Jagdwagens, dals Pundkümels.

22. December.

Naz van Dülmen hiät wier en netten Streich maket. Syn Heer giwot em van Moärgen en Frank un seggt: „Goh na'm Rondshter un hal my to'm

Froihstüde ne kleine Fleistpasteite. Diu kannst för di
 ghyt eine metbringen, för en Frank ginwt et twei.“
 Naß geiht hön. Na ner Wyle kümmet hei trügge,
 hiät ne Pasteite in en Fingern, bei hei vertehrt, un
 seggt: „Heer, hy is en halwen Frank wier, de Kon-
 dyter hadde mänt eine.“ — O Blechhelmuß, wat bist
 diu för 'n Gante!

23. December.

In Bandohm nix Nigges. Mattigges.

24. December.

O diu froihlife, o diu siälige
 Gnodenbringende Wghnachtsyt!

Wei hädde van Dwend keine Sehnucht un möchte
 nich geren te Hius syn by Muttern?

Insem Ginerol syne Dfffiere hätt en Christbaum
 anpuzet un gigen Dwend ansticket in dem Hotelsaale,
 wo se Mohltyt hallet. Inse kommandirende Ginerol
 hiät in Bloa ne ganze Schokoladenfabryk iutkost un
 för jiden Dfffier syt graute schmore Toseln Schokolade
 iutbälen loten. Un för de Mannschaften hiät hei
 Wynachtsstollen baden loten, un jider Mann im ganzen
 teihnten Armei-Kohre ohne Zutnahme fräg ne graute
 Tosel Schokolade un ne dübe Stolle. Do bei Ginerol
 de Schlacht by Bohn la Roland gewonnen hadde,
 sungen dei Salboten:

Unser General Voigts-Rheß,
 Donnerwetter, der versteht's!

Am hilgen Dwende sungen se dat auf, un met
 vullen Rächte; de Ginerol hiät auf dütmol bewiesen,
 dat hei 't versteiht, wänn et der up ankümmet, synen
 Salboten en Pläseier te maken.

Wiu viel Christbäume müget wal huite in Frankryk

brännen, un tworens tom eisten mole. De Frankeosen kannten nau keinen Christbaum, de Sate hiät en öwver seo gud gefallen, dat sei et künstlig nohmaken willt.

25. December.

Van Moärge hadden wy van Calboten in der Riärte, wat iäwen müglik was. De Pasteroer däh ne Levhten-Misse, twei Biskarjese van hy hadden sik anbohen, se wullen Levhten syn. De säkunfuziger Kapälle blaus dat Leid: „Es kam ein Engel hell und klar“, un wy sungen, dat et ne Froide was. Wänn auf män balle Friede wör', dat me seggen kün'n: Ehre sei Gott in der Höhe, und Friede den Menschen auf Erden!

27. December.

De Frankeosen hätt angriepeu, wat keinen annern Erfolg hadde, ose dat wy einige hunnert gefangen nahmen.

In Parys friätet se Ratten. Hunger doit weih!

28. December.

De kleine Kaplon van Kämpen is us met dem Lazareth, wo hei by is, folget. De schlesiske Kaplon is wier gud, will öwver in syne Heimath trügge kehren.

31. December.

Et is viel Bewegunge in der Stadt. Van Moärge kamm en frankeisken Parlemäntähr, diän syn Ginerol an iusen Ginerol afschidet hadde, un verlangede: de Pruißen sullen Vandohm gudwillig ruimen; wänn se 't Middag Klocke twöälwe nich doën hädde, würen se riutschmieten. Seon unbeschuft Verlangen was nich na iusem Ginerol synem Koppe. Sei lait dem Frankeosen män seggen, up seone Groäw-

heit plegede en pruiſſen Ginerol keine annere Antwort te giemen, ofe met Kaneonen.

Un richtig, Klocke twöälwe griepen de Frankeosen an. In der Stadt hadden se olle Fensters teoschallert, un se dachten, niu ging' et us üäwer dat Gesicht. In dem Gasthoäwe, wo de Ginerol lagg, wören se am Sohen un Brohen un richteden en graut Traktemänte an för de Frankeosen. De Ginerol staltte sik met synem Stawe boäwen up dem Tangpelbiärg up, do stunnen in einer Ryhe auf iuse Kaneonen van der gangen Divisiyeon, un de kommandirende Ginerol, dei in Bloa lagg, hadde nau schwore Batterhen te Hülpe schidet. Gienst der Stadt wure de Infantery upstallt, wo dei Frankeosen rankaimen. Ik un myn Heer ryhen up den Tangpelbiärg. Do kunn me dat ganze Schlachtfäld üäwerseihen.

De Sake ging loß. Dei Frankeosen griepen van twei Syten an, un dat kunn ik met mynem dummen Verstanne inseihen, dat et för us ne geföhrlike Sake was, un dat iuse Ginerol, wänn hei gewünne, en Kunststücke maite, wat em seo lichte keiner nohmäcket. Wänn en franboiß Bateljeon vürging un up der richtigen Stye was, dänn progeden iuse Batterhen af, dei Granaten schlaugen by den Frankeosen in, fufzig, sästzig Mann bliewen liggen, de annern sochten öhre Knoäken tehaupen un laipen wat se laupen kunnen un konzentrirten sik trüggehs. Seo ging et dem einen Regimänte no dem annern, un et was en Pläseier anteseihen. De Schassepo-Kugeln slaugen bis in iuse Batterhen un einer van iusen Offizieren wure bleßsirt. Do wy sohen, wat dat Ding för en Verlaup namm, ryhen wy den stiekeln Biärg dal in de Stadt. De Granaten siuseden üs üäwer den Köppen hön, dat wy an Iduna un an Lulu wat te hallen hadden.

Myn Pasteroor ging in dat Hotel un wull iätwas te iäten häwwen. De Werth fäng an te pratten, läf fünfte van der Syte un saggde, hei hädde nix.

Do saggte myn Pasteroor: dat würe je schliem iut-seihen, üm veier oder lätestens fvf Zuber kaine de Ginerol un wy olle ose gewühnlif tom Dineh.

De Werth sperrt Nase un Miul up: Sö neh pa possibel! (Dat wöre wal nich müglik.)

Pasteroor: Natürellemang. (Naturliker Wyse.) Soärget mänt för ne örndlike Mohltyt! Tutt schwitt!

Seo hei saggd hädde, seo kamm et auf. De Frankeosen grypen us nich wier an. Se hadden teo wahne wat up't Fäll kriegen.

1. Januar 1871.

Dat olle Johr hadde gud affschloäten, dat nigge fänget gud an. Olle Dage Gefächte, iuse Regimänter stuert olle Nester iut, wo sit dei Frankeosen faste satt hätt.

Wy wünscheden us en glücksilic Nyjohr un gingen in de Kiärke. De Frankeosen hätt van Dage keinen Fyerdag, se hätt im ganzen Johre mänt veire: den eisten Wynnachtsdag, Christi Hiemelfohrt, Mariä Hiemelfohrt un Ouerheiligen. Et is auf eindeoen, se sind je doch ose Heiden. Se hätt dei prachtvullen grauten Kiärken, män se gohet der nich in.

4. Januar.

Richtig, olle Dage Gefächte, de Stab is nau hy, män wy rüdet sifer eister Dages iut, de Frankeosen teihet sit na le Mans oder le Mang wiu et hett, do fall nau ne graute Armei stohen. Wy le Mang geiht et wal nau mol wisse dermant.

Wisse dermant!

Alarm-D. Montoar, 7. Januar.

Up Hilgen-Dreifünigen, den sächsten Januar, rückeden wy iut Bandohm iut. Et was seo warme ose up Maidag. Dat Knattern der Gewehre un dat Ballern der Kaneonen was balle im vullen Gange, dotüster dat „Krrrräc“ van den Metraljösen, wat wiäne gariut tom Efel was. De Frankeosen wuren jümmer södder driewen, wy kaimen vör Peresch, dat liggt an em Flusse, bei auf Loar hett; män dat is bei graute Loare nich, bei by Orleans flütt. Dat Doärp is en Biärgnest, de Huiser ligget in den Biärgen, me suiht der nix van ose Dühr un Fenster un den Schoätstein, bei iut dem Biärge fidet. De Pasteroer seggt, bei Luie wören Troglodyten, (et is richtig schriewen, hei hiät et my vürbauksteweiert,) un dat heite seo viel ose Höählenbewohner. Do gaww et Nester genau g iut-testufern, wo sich Kauthbüren inne byhutt hadden. Wy kunnen nich üäwer den Loar, wylant de Frankeosen de Brügge asbroäken hadden, un moßten en Ummewiäg dürr ne Grund maken, wo en schmalen Fautpatt laip, un Ollens ging enteln un im Gäsemarße. Wy kaimen an ne Biefe, wo en Eitenboähle ose Brügge laggte. Tom Üäwerryhen was se te schmal, un wy moßten affitten. De evangellste Pasteroer wull synen Ehylophen üäwer dat Briät leihen, bei Giul glät iut, un klabaatsch! laggt hei im Water up em Rügge un streckede olle Beire inter Lucht un spartelte of en Bahenwiemel, bei nich up de Beine kumen kann; endlit kamm he wier up. Myn Pasteroer lait synen Rappen af, un bei laip rühig dürr dat Water. It saggte in myner Dummheit: „Mynner geiht üäwer de Brügge un fall nich stürten“, un it

gaww dem Pasteroor kein Gehör, dei dat Eigendäl behauptete. Klabaatsch! lagg Xulu im Water un Ollens, wat in dem Mantelsacke un den Sabeltasfen stad, was dürrweiket. „No, Mattigges, niu hiäst diu mol wier dynen Willen hatt“, saggte myn Heer in iätwas ownsigem Leone.

Wy hätt in Montoar Quartier in der Awetheike un gude Verpflegung. De Guile stoht im Wynkeller. Hawer hä' wy olltzt satt für de Piäre, an Högg feiht et mangelst. Im Roberhuse liggt dat Ginerol-Kommando. Do lagg up dem Hoäwe gewisse en Foier Högg, wat bei Guile uumüglif vertehren künnt. It gräp fix twee Bund för iuse Guile, un wiäg dermet in den Wynkeller. Wänn dat Stiählen was, seo gläw' it, dei Sünne kann my de Köster vergiewen.

Hy find wier seone Kellers ose in Vandohm, wo se olles Müglife un Unmüglife riutschliepet. Raz van Dülmen hadde ne ganze Schlippe vull Scheeren, Pypentöpfe, Fiädermäffers, Kämmen, Zahnbüsten, Pußmäffers, Piuderquäste, Strumpbänner för Fruggensluie, Hofendrägers, Blyfiäbern, Knäpe, Portmonäs, Gardynenhallers, Pypendeckels, Rinnertrompeiten, Floitepyphen un Goäd mag wieten, wat süß nau! — „Kerel, diu bist unruh“, saggt' it, do it et soh, „din hiäst en Bugel!“

M.-D. Ia Charter, 8. Januar.

Unner steter Verfolgunge der Rauthbüxen kaimen wy gigen Owend hy an. Wy ligget in em Bürgerhuse, iuse Piäre stoht wier in em Wynkeller. Süß nix Besunners. Moren froih geiht et by Tyhen södder. Et schnigget un schlacert.

Al.-D. Rom, 9. Januar.

Do it fadelbe, fand it im Stalle en Hauhn, diäm de Saldoten iäwen den Hals affschneiden hadden un wat se hadden in der Ple liggen loten. It häng et ächten an den Sadel.

Wy kainen by de Siementeihner. „Morgen Kinder“, saggte de Pasteoer. „Morgen, Herr Pastor“, saggten giene; do it öwwer der hinner her kamm, un sei dat Hauhn sohen, wat bym Draben met den Fittken jümmer up un dal ging, raip dat ganze Regimänt: „Lähm up!“

Rom, wat l'Homme schriewen werd, liggt ne halwe Stunne von la Scharter. Do wy by dat eiste Pius kainen, laggt et vull Vermunnete, un de beiden Pastoiers frägen Arwet.

Use halbe den leiwten Heeren iut der Kiärke un saggte dem Kireh, hei sull kumen un de bleffirten Frankeosen berichten. Do Alles färrig was, saggte de Kireh to mynem Pasteoer, hei sull metgohen un froihstücken. Do se in der Pastrote wören, frogede giener:

Ex qua dioesesi oriündühs? (Iut wedder Diöfese dat hei möre.)

Myn Pasteoer: Ex dioecesi Paderbornensi.

Giener: Ah, konfraterniteh dö Säng Liboar. Nos sümüs fratres. Dobh namin hei mynen Pasteoer in den Arm un gaww em en Kuß. Sei saggte: Dat möre de Broierskop vam heiligen Liborius; sei beiden wören Broier.

Miu wure froihstücket, un dat sehr gud. Dann sochte myn Pasteoer synen evangelisten Collegien up un saggte: „It häwe van der Broierskop des heiligen Liborius tüsker Paterboärne un le Mang vertallt; hy fänget se an, wy sind im Sarthe-Departemang un in der Diöfese le Mang. Kumen se met na dem Kireh.“

„Dei suiht my viel te schmeerig un malpropper iut.“

„Aumen Se mänt, do is gud syn.“

Hei ging met, se hadden de fründlichste Uprahme, en syn Dineh un synen Wynn. Wy hadden auf wat Gudes.

Na dem Fäten sohen sik dei Heerens na der Divisjeon üm, Alles was verschwunnen, et schniggede ose wänn de allen Wywer Fähen todet. De evangeliste Pasteoer hadde einen Burschen by sik, dei te Faute met laip. It un dei mochten us up de Guile setten, wy sullen na la Charter ryhen un de Wagens halen. Do wy hön kaimen, was de ganze Bagasche trügge un en anneren Wiäg kommandeiert. Wy ryhen nau en paar Stunne födder, sohen keinen Minschen un fehrden na Rom trügge. Mits was et duister wuren. De evangeliste Pasteoer was bange wuren, se schlöhen ühne un mynen Pasteoer daut. Dei saggte, dat hädde nix to seggen wegen der Broierskop des heiligen Liborius. Dei beiden Heeren gingen üäwer de Strote, do kamm en Biuer te gohen, diän se ankürden, un myn Pasteoer saggte, hei wör' van Paterboärne.

„Konfraterniteh dö Säng Liboar“, saggte dei Mann, un reiked' em de Hand.

„Dat is doch miärtwürdig“, saggte de evangeliste Pasteoer. „Ganß gewisse, hy sind wy siter.“

Myn Pasteoer sang dem Rühch dat latynske Leid vür, wat de Studänten in Paterboärne singet, un wo it my diän Biärs affchriewen häwwe, wo et inne hett, de Cenomanen van le Mang hädde den Paterböärnern dei Reliquien van öhrem Bischop Liborius üäwergiewen:

Quas dedere Cenomani
Corporis exuvias,
Salutamus Paderani
Hilares reliquias.
Te Libori salutamus
Et nos tibi commendamus;
Tu tuere incolas.

Acht Fuher rückede ne Schwadreon van iusen Drageonern in, un de Rittmester üäwerliwerde dem Rüre en fülwernen Kellich un fülwerne Missekännkens, in liädernen Futterölen, bei de Drageoner in em nohen Schato fungen hadden, wo bei Saken im Biärestalle unner der Krüwe im Dünger inmurket wören. Dei Rüre wunnerte sit, dat bei Salboten dat afliewert hadden, de Frankeosen hadden dat gewisse nich doen.

„Un düsse Salboten“, saggte myn Pastoor, „sind Protestanten, Heer Konfrater. Süte Geröthe sind jidem duitschen Salboten heilig.“

Al.-D. Grand Lüsch, 10. Januar.

Sy im Stäheken geiht et kunterbunt dörnein. Dat ganze teihnte Armei-Kohr met Futnahme der Kavallery liggt in dem kleinen Nests, wat drüddelwüsend Inwuhner tällt. De Regimänter sind vulltällig un üäwertällig, acht Regimänter, jides van dreidwüsend Mann, un dwsend Jägers, mäcket im Ganzen syfuntwintig dwsend Mann. Alle Huiser ligget vull, bei beiden Pastoiers by 'm Diäken, met us eine ganze Kompany Säckunfuziger, up Hius un Schuine verdält, woät ligget in der Kiärke, woät bimakirt im Goren im Schneie, wo en duzend graute Fuiers leodernd inter Lucht styget.

Dat Hauhn, wat if in la Scharter fungen hadde, häw' if der Hiushällerschen doën, dat se 't ruppert un brohet.

De Heerens hadden sit in der Rüte üm den Ramyn satt, iuse beiden Pastoiers, de Hauptmann un bei beiden annern Offfiere van den Säckunfuzigern, bei eine was en Üäwergerichtsroth iut Celle, de annere en Baukhänneler iut Hagen, olle dreie leuwe Heerens, besunners met den beiden geistliken Heerens gud fründ. De

Diäken van Grand Rügeh satt midden manke, un bei Heerens vertallten sik ollerhand Schnäde up Frankoist, up Hauchduitsch un up Plattduitsch und wören ungeheuer woähl un lustig. De alle Hiushällersche tribbelte jümmer üm bei Heerens rüm un lusterte, un lachede met, wänn giene lacheten, verstund öwwer natürliker Wyse ni'n Word Hauch- oder Plattduitsch.

De Hauptmann saggte: „Na den niggesten Nachrichten kümmet iuse Bateljeon in Garnison na Hären-Geiseke.“

De Hiushällersche stund jußt by mynem Pasteroer.

Hei saggte: „Mutterchen!“

Sei: „Wui, Mosjöh.“

„Wänn Friede is“, —

„Wui, Mosjöh.“

„Dänn gohet wy beiden na Hären-Geiseke“, —

„Wui, Mosjöh.“

„Un drinket en Schöleken Kaffei.“

„Wui, Mosjöh.“

Bimaf vür le Mang, 11. Januar.

En höchst inträffanten Dag is dütt wiäsen van Dage. Do giwot et wat uptoßchrywen.

Do wy huite froih iut Grand Rügeh intrüdeden; was et en Wiäder, me full keinen Rügen up de Strote jahet häwwen. De Schnei lagg fautedeip. Wy taimen up de Schoffe, bei was van den Batternen un Kolonnen seo glatt forrt of' en Speigel, de Biäre glihen jümmer hön un her, un me moßte jiden Augenblick vermauhen syn, dat se stürteden. Et ging sehr langsam vürwes, wylant iuse Salboten in den Huisern un in den Biärgen, wo sik de Frankeosen faste satt hadden, olle Nester iutstufeln moßten. Wy taimen an

en Schato, stiegen af un gingen rin. De Heerskop was iutflogen, en Hiusemester was do. Hei soh de blohe Stola van mynem Pasteroer un nädigte us, wy sulln wat iäten. Wat us vürsatt wure, was gud un schmedede prächtig, besonnere bei soite Wynn; dänn et was ol Middag un wy hadden Hunger un Duhst. Do wy us stiärfet hadden, ging et födder, wy forrten öwwer de Piäre an der Hand. Seo ging dat wier en paar Stunnen langsam vürwes. Do saggte myn Pasteroer: „It kann nich mähr vürwes, it sette mit up. Wänn Iduna stürtet, so stürtet se; it risikir' et.“ De Piäre hadden in dem Schato satt Haweren un Högg friäten un kunnen nau wat leisten, wänn 't män nich seo wahne glatt wiäsen wöre.

Do et duister was un de Mond iätwas lüchte, kaimen wy an der Schossei by en klein un nuidlif Huiseken. Midden was de Dühr met em Fenster derläwer in em Halbogen, an jiber Syt män ein örndlif Fenster met Schalushen, boäwen en Färker met em Fenster, dat was Alles. An der Syt ging et en Diwer runner, do stunnen de Handpiäre van iusem Ginerol un synen Offbieren. „Kumen se hy runner, Heer Pasteroer“, saggten de Burschen, „de blohen Bauhnen fleiget hy olle Augenblicke vürby.“ Wy unnersochten de Achtersyt van dem Hiuse un fungen ne graute Poorte of' en Schuinendohr. „Hy is en Keller oder en Piärestall“, saggte myn Pasteroer, „Mattigges, mol dran!“ Do kaimen twei Briunschwyger un hulpen, de Poorte gaww noh, — un wy kaimen in en prächtigen Stall för drei Piäre, un vull Högg. „Goäd sy Dank“, saggte myn Pasteroer, „dat wy för de armen Dierkens wat hätt; en Bütt is gienen auf!“ An sit dacht' hei nich. „Hy is en Schapp!“ raipen de Briunschwyger, „do is ohne Trymel

wat inne." Se maiken en Versoik, kunnen dat Schapp
öwower nich oäpen krygen.

De Pastoor ging rup, if met, de Handpiäre wören
wege, iut der Hijsbühr kaimen twee Siewenteihner
geboästen, de evangeliske Pastoor der ächter raip: „Ihr
Drücker, wollt ihr wol machen, daß ihr zur Kompagnie
kommt!“

De ganze Etasche was mänt eine Stoäwe met
ner kleinen Buge. Ne Träppe fororde up en Färker,
do stunnen twee Beddens. Keine Minschenseile was
to seihen. Unnen im Kamyn flackerte en lustig Fuiet,
in der Wand was en Schapp, in dem Schappe stunnen
posselhynene Tällers, män et was nix deruppe.

De evangeliske Pastoor satt am Diske un hadd'
en Kopp in der Hand. Ufe fing an te singen:

Ach, die Heimath ist so schön!
Werd' ich je sie wiedersehn?
Einmal noch möcht' ich sie grüßen,
Eh' sich meine Augen schließen.
Ach, die Heimath ist so schön!
Werd' ich je sie wiedersehn?

„Sei hädd' Heimweih, Heer Kollege; ober wat is
Ühnen?“

„Ach“, saggte giener, „huite is myn Geburtsdag
un Keiner denket daran. Wiu gemoithlik hä' wy Öhren
in Dlschi fhert!“

„O, if gratleire van Hiärten! In diäm Drubel
hä 't gar nich daran dacht. Toim, niu willt wy auf
Geburtsdag fhern. It 'läwe, dei Hiemel bescheert us
Stoff derteo, if liewere wat.“

„Do luer up!“ saggte giener, „wo sull dat her-
kumen? Wer könnte sie mit Brod sättigen, hier in
der Wüste?“

„Mattigges, kumm mol her“, saggte myn Pasteroer, un wy gingen in den Stall. „Hy mol an dat Schapp gestallt! dat mot oäpen.“

„Hy is ne Boorte!“ raip myn Kamrod, den evangelisten Pasteroer syn Bursche. Wy sattten de Boorte an, bei Dühr gamw noh un sprang up, un wat was in dem Schappe? Gewisse diärtig Flasken Schampanniger, diärtig Flasken Rauthwynn, olles versiegelt. Myn Pasteroer namm in jide Hand ne Flaske, — natürlif Schampanniger, — un dat rup in't Hius.

„Dat ihm schon, Heer Kollege! Un wo bei legen hiät, liggt nau viel mähr.“

Do gnuichelde de annere Heer un wur' kriegel of en Leggehoineten. „Niu künn wy Geburtsdag fhyern na Hiärtenslust. En halw Hauhn häw' ik nau in der Sadeltaske un Braud doteo auf.“

Ufe saggte: „Un wylant hy keine Wyngliäfer sind, drinket wy iut Watergliäfern; hei schmedet just seo gud. Byvat hauge! Un Frugg' un Rinner hauge!“

Ik un myn Kamrod krägen auf iysen Däl af un satt te drinken. De Kamryn wure gehörig bott, un üm nigen Suher laggtten sik de Heerens up de Matrazen. De Fensters hadden wy teoschallert, de Dühr kunn nich affschloäten weren, wylant kein Schlütel un kein Riegel do was, de Dist wure dervürstallt. Dat Fenster üäwer der Dühr kunn us verrohen, män dat moßten wy riskiren. -

Un et was gud, dat et helle was un us verrohen kunn. De Heerens wören iäwen im eisten Schlope, do biufede wat an der Boorte.

„Ki wih?“ raip myn Pasteroer.

„Wer ist hierin?“ frogete 't biuten. Et wören Duitsche.

„Ein Lazareth und zwei Militärpfarrer.“

„Dat is nette, if sin Dokter Seounseo un hāwwe hy Bermunnete.“

„Dei sind hy gud uphoāwen. Wyn is auf hy, um se te laben.“

Et was en schwor bleffirten Unneroffizier vān fiewenteihnten Regimānte, iut Celle bürtig, en Pionier, bei en Strypschuß dūr de Mund kriegen hadde un twei lichte. Dei wuren verbunnen, gud verpfleget un frāgen en weiß Lager.

Dat was de intrāffanteste Dag, diān if nau im Krynge erliemet hāwwe.

Alarm-D. 1e Mang, 12. Januar.

Vān Moārgen kaimen wy toefst in dat kleine Döörpfen, wo se gistern Dwend de Frankeosen riutbriewen hadden. Iuse Heer Ginerol un de Staw hadden do biwafirt.

„Wollen Sie Kaffee, Herr Pastor?“ führden se bei beiden an.

„Met dem bāsten Danke. Hātt dei Heerens Champanniger?“

„Wei hiāt Champanniger! Domet kunn wy nich upwarten.“

„Dat ihm schon!“ saggte myn Pāsteoer un taug twei Potālgē iut den Sabeltassen. „Mattigges, deo bei beiden annern auf mol her.“

„Hy sind nau tweie“, saggte de ewangeliske Pāsteoer.

„Dat mot if gestohen, de Geistlikheit is an ner guden Sthe wiāsen.“

„Schiden Se mol na dem Huiseten, wat gienen liggt, un loten se wat halen, si wu plāh, eih' annere Luie dat Nest iutniemet. Et is gude Waare un heerenlaus Gaud, primi occupantis na Kryngebrācht. Dat Hius is verlōten.“

Miu ging et wier wisse dermant. Me kunn wal miärken, dat van Dage ne graute Schlacht liewert weren sull, un dat den Prinzen Friedrich Karel syne ganze Armei hy by le Mang koncäntrirt wure. Dat was en Bollern un en Scheiten un en Räderren met den frankoisten Rasseimühlen, dat wiäne Hören un Seihen verging. Wy wören de Sake gewohnt un wußten im Büriut, wat se för en Verlaup. namm. Sier den lästen vier Wiesen hadden wy keine Verluste hatt, dei der Mögge werth wören, de Frankeosen hadden olltzt öhre rächtschaffenen Mades kriegen un kunnen nix ose laupen, sit sülwenst logen se vür, se hadden olltzt gewonnen, se koncäntrirten sich män trüggeß.

Et was Middag. De Piäre hadden sier gistern Middag keinen Haweren hatt. Dat beunruhigte mynen Pasteroer un wy singen an, dei entelen Huiser, dei an der Schoffe lägen, astossoiten. Ein Hiis brannte, do wy der by kaimen, un wy söhen 't van ferings nau dal brännen. Do was sifer auf wat iutfriäten, wat nich dochte. (De Baiern, dei by dem Kreonprinzen syner Armei wören, hadden mol Schüsse van Züvelisten iut em Hiise kriegen, do froget' ein Mann den Bateljeons-Kommandör: „Befehlen der Herr Oberstleutnant, daß wir das verflirte Nest krindlich ahnzinte, oder schollen mer's nur moderirt verwieschte?“ Se hadden drei Grade: „Ahndemoliren“, dat hett Dühren un Fensters inschlohen, „moderirt verwieschte“, dänn werd Alles kurt un klein schlagen, „krindlich ahnzinte“ erkläört sit van sülwenst.) Gienes Hiis was van Grund iut demolirt. Wy kaimen by en anner Hiis, wat gewisse vürnähmen Luien horde: olle Dühren oäpen, olle Möbels unverzehrt, kein Winsche te seihen; in einer Kamer lag en Rüche im Bedde un sing an te

blieken, up der Gere lagg en ganzen Biärg van Franktirör-Röcken un Büxen, dei sei hy affschmieten hadden. In em drüdden Hiuſe fungen wy endlik ne graute Riſte met Hameren, un iuſe Biärelens kunnen ſik ſatt friäten.

Wy kaimen Nomidags in der Bürſtadt van le Mang an, et was nau en vertwymelten Strotenkampf, un ſe wören nau jümmer im willen Kirmel. Ein Kerel im blohen Rigel kamm met em grauten Rückenmäſſer mank iuſe Saldoten gelaupen un ſtaf na ollen Syten üm ſik, van annern Saldoten verſolget, dei do raipen: „Stülpet den Hund van der Brügge dal, ſchlohet dei Kanaljé daut!“ Hei hadde nau einen oder annern ſtoäken, eih' ſe 'n met Kolben dautſchlöhen of' en dullen Rühren.

Wy ſochten us in der Bürſtadt Quartier by em Koſtkämmer, dei us gud upnamm, vullends do hei horte, iuſe Paſteor wör' int Paterboärne. Dat doit dei Broierskop vam hilgen Liborius!

13. Januar.

Iuſe ganſe Stam kamm van Dage in en graut Werthshiuſ te liggen, do ſteiht vür: „Hotel de Samon.“ De Paſteor ſeggt, dat heite Somong un bebüdde ne Frälle. De Werth is ne Kanaljé; van Midtag hiät hei den Heerens Deohlen un Ehſteren vürſatt un wull ne wys mäken, dat wören Schnäppen. Se hätt em öwwer flor malet, wat ne Harke vür'n Dingenſ is.

Beierdiuſend gefangene Frankeoſen hätt ſe hy inbrocht, dorunner viel Unnermuixels, fünfteihnjöhrige Jungenſ un alle Kerels met gryſen Bärten.

Van Nachte im Duiftern wittert iuſe Biägers biuten im Fälle Saldoten un fanget ol an te ſcheiten.

„Lähm up!“ raupet dei ganz harre, un dat Mißverständnisse, wat bleotig weren kann, was upklört. Et wören keine Frankeosen, et wören Sacketauers.

14. Januar.

De Pasterer doit jiden Moärge de Messe im Deome am Liborius-Altare. Dei Deome is viel gröötter ose de Paterböörnste, un de Stadt is nu dreimol seo graut ose Paterboärne. De Messedeiners sind rächt läge Jungens, se schennt un schlohet sik in der Geerkamer, dat et ne Dort hiät. Wänn it jue Magister wöre, ji Lörke, wat sullen jy ungebrannte Aske up den Buckel krygen!

Et früst, dat et seo knappet, un schnigget dermant. In den Stroten ligget gewiß hunnert unglückliche Frankeosenpiäre, dei vür Hunger verrecken wißt oder ol verreckt sind. Dat Hiärte doit einem weih, wänn me 't suiht. Up der Flucht hätt se im Fülle Wagens vull Hameren stohen loten, wo dei armen Piäre vürspannt bliewen un vür den vullen Wagens verhungern moßten.

15. Januar.

In der Stadt kriemelt un wiemelt et van Soldaten, dat ganze drübde un teihnte Rohr liggt hy.

Myn Pasterer hiät van Dage den Bischof besocht wegen der Broierskop van heiligen Liborius. Et is en fründliken Heeren un kann auk duitsch führen.

16. Januar.

It häw' in der Tydunge ne schreckliche Geschichte liäsen. Im Novämber kümmet de tweiuntwintigste Divisjeon na Schatodöng un hiät do en Gefächt, wo unner annern twintig Offiziere un de evangeliske

Pasteoer fallen find. Se weret hille up dem Riärfhoäwe in de Gere brocht, un södder geiht et. Na säß Wiefen kümmet deisülfstige Divisiſjeon na Schatodöng trügge un findt de Griäwer olle unverzehrt, dat Gram van dem evangelisten Pasteoer is öwwer upwolt un dat Lychem verschwunnen. Se soiket un findt dat Lychem biuten dem Riärfhoäwe up em Fälde liggen, an der vigeletten Armbinne met dem rauhen Kruiſe nau te kennen, un met ollem erdenklicken Unrothe beschmeert. Wiu dat Volk strosfet is, weit it nich. Wänn it te seggen hädde, it hädde den Pasteoer un den Mär un den Dauengriäwer ſeo lange inſperret, bis de Sake bekannt wöre. Häjaſſes, ſeo niederträchtig Volk! Sind je ſchliemer ofe de Hottentotten. Un ſeon Volk prattet, et maſchierde an der Spitze der Züvilisaziſjeon! So'n Dunerthl! Wänn de Duivel bei nich halt, woſör is hei dänn do?

17. Januar.

Wy ſind ümme quartirt un ligget hy em Affekoten; et is en gud Quartier.

De Affekote is de eiſte, bei ingeſteiht, de Franſeoſen hädde verſpielt; hei ſeggt: „Nu ſomm battüh.“ Am twölften würen de Franſeoſen arg met nuhmen. Hy Dvire l'Ewehl läge en ganß Bateljeon begrawen, wo nich ein Mann van üäwerig bliewen wöre.

Giſtern is iuſe Bagafche indroäpen. Do wy hy inrückeden, hadde myn Pasteoer an einem Faute nau en halwen Strump, am annern drei Värrel. Ik hadde nix ofe Fautlappen.

18. Januar.

Niu is doch auf de niegenteihnte Diviſiſjeon hy, un myn Pasteoer frögget ſik, dat hei met ſynen Kollegen

auf mol wier tesamen syn kann. De kleine kriegele
Kaplon van Kämpen is auf wier hy. Sei bliwot
us trui.

19. Januar.

Barys is nau jümmer nich üawergiewen. Et mot
öwwer doch balle Mattai am lästen syn. In der
Tydunge steht:

Biele Saken syb up is
Längest olle in Barys.
Panis, piscis syb am finis,
Un van canis bläm' mänt crinis,
Auf de fiure cucumis
Feihlt ol lang', auf mugilis,
Un iätwas ganß Kores is
Felis, Ratt', un Ratte, glis.
Doch Barys, wat is dyn finis?
Ignis, lapis, pulvis, cinis.

Da Pasteroer hiät my dei lathynsten Worde verduitschet.
Panis is Braud, piscis Fisl, finis Enne, canis Rüche,
crinis Hoor, cucumis Gurke, mugilis is en Fisl,
ignis Fuier, lapis Stein, pulvis Mülme, cinis Aske.

20. Januar.

Froidige Rohricht, grauter Jubel. Bürgistern hiät
iuse ollverehrte Künig „Wilhelm der Siegreiche“ de
duitsche Kaiserkreone annuhmen. Unser Kaiser Wilhelm
der Erste lebe hoch, hoch, hoch!

O ha!

De Mang, 29. Januar.

„Kapitulafiong dö Bari! Dö suh“ schrigget ne
ganße Banne twöälßjöhriger Genomanen-Bengels dör

de Stroten, un beihet en Tydungsblatt för twei Suh an. By us wöre seo wat reine unmöglif. Wänn Berlyn oder Köllen kapituleiert hädde, sull et dänn iusen duitschen Jungens wal möglif syn, dütt Ereigniß triumphierend in den Stroten för twei Mattiggers iutteschriggen? Doteo sind olläne bei Frankeosen kumpobel, lichtsinning un karakterlaus van Kinnesbeinen an bit int Grysenaller. No et is gud, dat dat Sodoma un Gomorra endlik üawergiewen is. — Parns brännt. Wänn't män asbrännte!

1. Februar.

Moren rücket wy van hy af. It will nau iätwas van le Mang vertellen.

Gistern begigent my Naß van Dülmen. „Diu“, segg ik, „drei Wiefen Waffenstillestand; et werd Friede.“

„Läder Goädes“, seggt Naß.

„Läder Goädes“? segg' ik verwünnert; „worümme dat?“

Hei seggt: „Dänn mot me sik wier wasken; ik häwwe mit in em halwen Johre nich wuschsen.“

Am siewenuntwintigsten Januar hadden se hy dat Juliansfäst; dat is seon Kiärkenfäst ose in Paterboärne Libori. De ganze Divisiyeon was im Deome, dat hett olle Katholiken, an de veierdiusend Mann, iuse Pasteroer häll Saumisse un Priädige. Später gingen wy wier in den Deom, do daih de Bischof ne grüsame Wisse. Un wei horte de Wisse? Veier Mannsluie un fuszig Fruggensluie, dat was Alles in ner Stadt van verzigdiusend Minschen! Van iuser Syte was Nümmes be-hinnert. In Friedensstyt gohet se der auk nich in.

Gistern Middag stund dat bischöplike Palaish in lichterlohen Flammen un brannte vüllig dal. De Schuld hadden syne eigenen Bedynten hatt, dei to unwoys inbott hadden. De Frankeosen wullen de Sake iusen Salboten in de Schauh schiunwen.

Stand-O. Schato dü Roar, 3. Februar.

Goäd sy gedanket! endlich hä' wy Standquartiere un briufet nich jiden Augenblick up dem „Ki wiß“ te stoßen. Gistern bliwen wy in Ekomoa un huite sind wy in dem schoin un fründlit gelegenen Städtken Schato dü Roar ankumen. Wy hätt Quartier by ner ryken un fründliken Witfrugge, dei säßtig Johre alt un gewisse dreihunnert Bund schwor is.

Dat Hius liggt der Kiärke gigenüäwer. De Pasteoer kann Duitisch, use seggt, hei hädde Schillers Wiärke un laise se auf; dat wören Gedichtboiker. It kenne se nich. Wat dat wal in Meisenheim wiäsen is met Göthe un Friederike Brion? Do was iuse Pasteoer ganß närrst. — It kryg' et doch nau riut.

De Küreh vertallte, do de Frankeosen na der Schlacht by Le Mang up der Flucht hy dürtumen wören, wören dei Kerels, dei süß in keine Kiärke gingen, in hellen Haupen in de Kiärke stürtet, un hadden de Kiärke iut liuter Friemel un Goädlausigkeit verunselt un vullmaket, dat se acht Dage nädig hatt hadden, um se wier reine te krygen, se lüfteden olle Dage, män dei üwele Geruch wöre nau nich wier riut. Dat dei Banne vullstäunnig kaputt maket wöre, wör nich te verwünnern, un dat hadden se eget.

Wat fall me doteo seggen? De Verstand bliwwt einem stoßen.

5. Februar.

Madam Giluar, iuse Berthinne, is en prächtig Wyw. De Pasteroer seggt, se hädde ganß vernünftige Ansichten un wör' ne katholische Christinne kommifoh. Sei geiht jiden Moärgen in de Misse, is keine üäwerspannte Kloppe oder Behesüster, doitt den Armen viel Gudes. Dat is ganß nette. För mit is hy de Hauptsake de Verpflegunge. Un dei is prächtig. Seon Quartier hä' wy im ganßen Fälbzuge nau nich hatt. De beiden Pasteriers ligget im Wuhnhuse, hätt wackere Stuäwens un iätet met der Madam.

Wy ligget in em grauten Saale im Goren, if un Aujust, de graute Köster un twei Burschen. Jiden Middag fry' wy fyf Potälgen Wyn, un jiden Dwend wier fyf Potälgen, en Mann ne Potälge, un dat Iäten vullup un gud torächte maket. In dem Saale stohet fyf Beddens för us fyf Mann. Hy künn wy't ne Zytlang iuthallen. Wy liewet of' en Goäd in Frankryk.

In Schato dü Loar ligget twei Bateljeone Siewenteihner im Rantonnemang, de Fäseliere in Maijeh, de Briunschwyger in la Scharter, wo wy vür veier Wicken wören. De annere Brigade is up de Döärper verbält, do is en Pasteroer hy, dei den schlesischen Kaplon aflost hiät.

6. Februar.

Et is en Wiäder ose im Mai, in iusem Goren blögget de Bijoilekens, un it will wede in en Breiw leggen un schiden se Söphken; dänn frögget et sik.

Madam Giluar hiät sik miärket, wat iuse Pasteroer geren et, un soärget för junge Iärsten, Bleomenkauhl un annere junge Gemoise, dei wy te Hius met knapper Rauth midden Sumer hätt, un för soite Wiähslyphen.

Wylant hei dat Weitenbraud nich geren et, un in ganz Frankryk kein Roggen bugget un kein Schwartzbraud baden werd, giwwt sei tom Kaffe soiten Bisquitt-kaufen. Sei drinket by Diste faste öhre Potälje schworen Bordooh; do myn Heer öwmer kein Wyndrinker is un Rauthwyn nich mag un nich verdrägen kann, (hei seggt, hei kriege schleie Lähne dervan), werd för ühne seo Champanniger upsatt, ose wy vür le Mang in dem Huiseten im Schappe fungen, un Sälterwater derby, dat gütt hei sit dürnein.

It häwwe jümmer vergiäten upteschrywen, wiu seon françoist Widdages-Jäten in den synen Quartieren in der Regel beschaffen is. Niu lustert mol! Dat eiste is en sthwen Brigg van Wittbraud, wat se in 'n Soppentump ploctet hätt, dat he vull is, un wo se Fleisfbrögge üäwer geitet. Dat noimt se Potahsche, wat up Duitsch Gebränk oder Siupen hett un Soppe vürstellen sall; me kannt met Gofeln iutiäten. Dänn kümmet en düden Punken Rindsfleisf, nix der vür un nix der ächter, keine Seose un kein Sienp; do kniuwet se Weitenbraud teo, un spoihlt et met Rauthwyn dal, süß bliewet ne im Halse sitten. Dänn folget dei unvermeidliken Hamels-Roteletten, plattwiäg nix ose Fäll un Knoäken. Dänn kumet wal mol groine Salatbläher ohne Essig un Dälige, dat is en Gerichte för sit, un se iätet et met den Gofeln, dei en an den Armens faste sittet un dei se met up de Welt brocht hätt. Diäm folget en sägpünnigen Kalwerbroheri, un up bersülftrigen Schütel ligget an den veier Syten im Ganßen zwei Möhren un zwei Koltrawen, dat sall dat Gemois vürstellen; keine Seose, nix Ingemaketes; se kniuwet Braud derteo un spoihlt et met Rauthwyn runner. Den Schluß billet Konfitüren in Gläsern un friske Früchte, dei ollerdinges sehr delikot sind.

Mangest giwot et auf Braud un Rāse; Buter up 't Braud te schmeeren, dat kennt de Frankeosen nich.

Mhne leiwen Landsluie! (Ist meine de vürnähmen Luie.) Wänn jue Döchter dat Roāten lehren sült, dānn schidet se ümme Goādeswillen nich na Frankryk; deoet se hy Pöffelmanns in Paterboärne oder hy Breienolten in Geiseke, do lehrt se 't up olle Fälle biāter!

Mhn Pāsteoer hadde nix te anken. Hei hadde mährstig met dem Heeren Ginerol giāten, bei en duitschen Roāf hadde, un hy im Rantonnemang is et auf iut-tehallen.

7. Februar.

Ist gaww Nat van Dülmen huite wat te rohen up: „Wat is vür en Unnerscheid tüsker dem Monde, bei am Hiemel steiht, un einem Indijaner?“ — Hei wußt' et nich. — „Den Mond suiht me met blauten Augen un den Indijaner met blauten Fäuten.“

„Wißt ihr“, frogete Aujust, „wat vor ne Ähnlichkeit is zwischen 'n Elephanten un ne saure Furke?“ — „Nā.“ — „Se können beede uf keenen Boom klettern.“

„Ist weit auf wat“, saggte Nat: „De Biuer schmitt et wiäg, de Grofe steckt et in de Taske; wat is dat?“

„Dch, schwyg stille!“ saggt' it. „Wat annerster: De Bürger förrt met Tweien, de Grofe met Veiren. de Künig met Sassen; wei förrt met Siemen?“ — „De Siemmaker.“

11. Februar.

De evangeliste Pāsteoer hiāt Urlaub nuhmen up unbestimmte Tht; hei sall Büvilpāsteoer in Berlyn

weren un reiset dohön; hei will ömwer nau mol wier kumen. De Wiäg ging üäwer Tuhr, wo de niegenteihnte Divisijsen liggt. Myn Pasteroer namm auf drei Dage Urlaub. Hei wull syne Frünne van der niegenteihnten Divisijsen besöken, un dänn hadde de Sake nau en annern Grund. In Celle was zwei Johre lang ne amerikanische Familige wiäsen, steinryke un iäwen seo gemoithlike Luie, en allen Mann van achtzig Johren, ömwer stark ose ne Eite, met syner twedden Frugge un em einzigen Suhne von säksteihn Johren iut eister Eihe. Wylant dei duitisch lehren sull, hällen sik dei Luie zwei Johre lang in Duitischland up, un wyl dat reinste Duitisch in Celle sproäken werb, (ob das währ ist, säge ich diesen Abend nicht und gär nicht; fräg Amändä, die känn es dir sägen), so wählben se Celle un hällen sik do up. Dei junge Menske hadde by dem katholsken Lehrder, dei Engelsch kann ose Schädspier (seggt myn Pasteroer) Stunne, un wyl düsse Lehrder un myn Pasteroer absunnerlik gude Frünne sind, hadde düsse dör gienen dei Amerikaner kennen lehrt, un se hadden mannigen vergnoigten Dwend tehaup verliemet. Dei Familige wuhnte sier dem Froihjohr in Tuhr, wyl dei Junge auf Frankoist lehren sull, un dänn wullen se trügge na Amerika. Myn Pasteroer wull düsse guden Luie geren mol wier seihen.

By kaimen am achten na Tuhr, wat ne Stadt is ose le Mang. Myn Pasteroer frogete up der Kommandantur, wo de Staw van der niegenteihnten Divisijsen läge? — Im Hotel de Bordoß. Dat was nette; do wuhnden auf dei Luie iut Amerika. — Wo de Marie wöre? — Dichte by. — Hei halbe sik en Billet. Dat lutte: Hotel de Bordoß. Dat was nau netter; drei Fleigen met einem Klappe.

Dei Froide was graut un et gaww viel te ver-

tellen. De alle Heer iut Amerika meinde, in Duitſchland hadd' et em doch biäter gefallen oſe by den Frankeosen. Hei ſaggte: „De Frentſchmen is tu bed for de Diwiel“; doch dat is Engeliſch; if mot et up Duitſch ſeggen: De Frankeosen wören dem Duwiel teo läge, füß hadd' hei ſe oll längſt halt.

Wy bliewen drei Dage in Tuhr un ſaimen giſtern Nomiddag hy wier an.

12. Februar.

Suite hätt dei Heerens iusem Heeren Ginerol ſynen Geburtsdag ſhert un wören ungeheuer kriegel, myn Paſteoer auf. Hei hadd' et wahne hille, dat hei hönkamm, hei hiät den Ginerol ſeo leiw, dat hei em wal dürt' Fuier laiſe.

22. Februar.

Suite ſin wy in la Scharter wiäſen un hadd' den Briunſchwygern de Aſte iutbält. (Van Dage is Aſtermiddewieken). De Paſteoer do tüchtet Goldfaſanen, rore Bügel, nau wädeber oſe Pageliunen. Uſe hiät der en Paar van koſt, dei will hei met na Duitſchland nihmen. Wänn ſe män nich verrecket.

24. Februar.

Wietet jy wat Rigges? Suite is Mattigges. It will liewen! Hauch! Mattigges Pappſtoffel iut Färkentrup im Habutkenlanne ſall liewen! Hauch!

St.-D. Möllje pong Bijehr, 27. Februar.

Bürgiſtern hä' wy iuſe anmoithige Quartier verloten un ſind in düſſem Fläcken bym Rühch inquartirt.

Dei hiät sik en bleotjungen Lazaristenpoter iut Barns kumen loten, dei mot Fastenpriäken hallen un fall de Luie befehren; män se gohet der nich in. Dei Poter seggt, dat Frankeosenvolf wör roättestul, vullends in Barns, dat wör schliemer ose Sodoma, un hiät van der Niederlichkeit syner Landsluie Saken vertallt, dat wiäne de Hoor te Biärge stoht.

Bürgistern is dei Goldfasane verredet, un gistern dat Hühnenen. Ik hadd' et my dacht.

St.-D. Luhr, 1. März.

Gistern sy wy in düßer schoinen Stadt inrücket. Et is ne prachtvulle Giegend un en prachtvull Wiäder. Wy ligget in em vürnähen Huse, wat ner allen ryken Witfrugge hört, un et is helliff syn. Nohe by diäm Huse liggt dei graute Kapälle, wo de heilige Martynus inne begrawen liggt, dei dem heiligen Liborius in le Mang up dem Stiärwebedde den leimen Heeren brocht hiät.

Sanct Martinus, wie wir lesen.
Ist bei deinem Tod gewesen,

steiht in dem allen Kiärkengesange. Myn Pasteroer doit jiden Moärge de Misse in der Martyns-Kapälle, ober Kiärke kann me seggen; et is ne kleine Kiärke.

Dei Amerikaners frögget sik, dat wy nau mol wier kumen sind. Myn Pasteroer is der olle Dage met tesamen, un se wünsket, dat wy nau lange blywet.

3. März.

Suite Moärge hadden wy Spitakel im Stalle. Lulu is en nixwürdigen Giul; hei hadde sik loß maket, wat hei seo geren doit un hadde en Dummer kaputt

trehen. „Kaputt“, saggte bei Frugge in dem Huse, wo bei Guile stohet. „Malör“, saggt' ik. Sei wull den Summer betahlt häwwen. It schräw er en Bon, do stund uppe: „Der Lulu hat en Summer kaputt getreten.“ Do was se tofrehen. Napolijum betahlt Alles.

4. März.

Do wy van Dage met der Wisse färrig wören, ging en frankoïssen Kureh an dat Altor; hei sprach vör der Wisse eist en lang Gibiät tom hilgen Martynus, un olle Nasenlang kamm der inne vür „Grang Nasion“, „Gloar“, „Victoar“; dat kunn ik wal riuthören. „Hahah“, dacht' ik, „diu wust den hilgen Martynus brät schlohen, dat hei jiu bystohen sall tiger us. Do luer up! Diän Gefallen doitt hei dy doäch nich, dat hei seonem Takelvolke Hülpe leistet.“

5. März.

In iusem Quartiere is ne Dame iut Parys, öhre Männ is Kolonel, wat so viel beseggt ose Oberst. Dei Dame hiät twei Kinner by sik, en Jungen van siwen un en Mäfsken van fyf Johren, en Kinneken met grauten schwarten Augen un rauhen Bäckfens, würklich seo wacker of' en Engelsen. Dat kleine Ding is ganß versüeten up mynen Pasteroer, et kann der keine Miniute van blywen, ose wänn hei 't behäret hädde. Un dohy is et seo ortig. Hei seggt jümmer: „Dei kleine Margerit is ne richtige Piärle.“ Män dat helpt nich, moren mött ji beiden juk trennen.

Wy gehet heime.

Marsch-D. Mönch, 10. März.

Am säßten verleiten wy Fuhr. Dat kleine Margerit grän, do et van synen leiven Unkel Pasteroer Affscheid namm. Wy bliewen in Amboas, wat wunner-schoin an der Loare liggt. Do is en ollerleiwest Kapälken inne, dat hädde de Pasteroer geren met nuhmen.

Am siementen maiken wy en forßierten Marsch na Bloa, wo wy vür acht Wiesen ol wiäsen sind. Wy hadden en gangß abscheulich Quartier, by so'm Kerel vam Gerichte. Hei satte dem Pasteroer Fäten vür, wat kein Menste geneiten kunn, richtig Rühensfriäten. Dei lait et stohen un ging in't Werthshius.

Am folgenden Dage ging et na Mer. Hy kaimen wy by en Wyhänneler, wo et biäter was.

Gistern ging et födder dür Bosjangsi na Mönch; wy ligget in ner Mühle un hätt et sehr gud. Delikoten Pannekauen gimwt et hy, dat wiäne dat Fätt üm't Miul löppet. Van Dage is Kugge, de Salboten hadden ol Goädessdeinst. De Siementeiñner hätt us hy verlöten un sind na Mühlhufen im Elsaß gohen.

M.-D. Orleans, 11. März.

Suite kaimen wy na Orleans. Dat Volk was seo verwendt, dat se us in twei Quartieren nich upnaihmen. Wy kaimen in en drüddes, en graut störrig Hius, wo ne ganze Rumpagny inne liggen kunn; dei Kerel hadde nix ose einen Fäldwiäwel. Hei wull us nich, un schnatterte of' en Gante. Wryn Pasteroer was dür den Marsch un dat twei Stunnen lange Rümmerlaufen up dem Steinploster in Orleans moihe un vernynig wuren, un saggte för den unwysen Kerel, so langsam

ose wänn hei bauftaweierte. Wänn hei 'n verstoßen sull, mößt hei langsam führen.

„Si - wu - wu - läh, - fö - schö - kom - prang - wot - mi - se - ra - bel - lan - gaasch, - i - fo - par - leh - lang - te - mang.“

Do sprang de Kerel in de Höchte of' en Schriut-hahne, wänn em en rauth Plätt vürhallen werd, de Pasteroer druggete, hei ginge nar Marie, un hei sull anplatz en Pasteroer diärtig gemeine Salboten frögen.

Wy trocken na der Marie, un myn Pasteroer fäderte in oller Rugge en Quartier, wo hei up olle Fälle blywen künn'. Ghyt was bei alle Krüwmensetter auf do un maik en Spital, dat kein Wüschje syn eigen Word hören künn.

De Pasteroer saggte ruhig un erenst: „Teseh wu!“ (Hei sull stille syn.)

Giener: „Teseh wu? Schö schwi dö Massjistrat dö will d'Orleans.“ (Dobn kollerte hei of' en Schriut-hahne.)

Pasteroer: „Papperlapap, Ei mus eht le Diabel, se la mehm schoß.“ (Wänn hei de Duwel wöre, dat wör' eine Wische.)

Giener (kryschet ose unwys): „Papperlapap!? Schiräh a Mosjöh lö Kommandant.“ (Hei wull na'm Kommandanten gohen.)

Pasteroer (ganz ruhig un geloten): „Alleh o Diabel.“ (Hei sull na'm Duwel gohen.) Domet namn hei syn Billet, wy trocken af un kaimen in en gud Quartier by ne alle franke Dame.

De vernynigsten Kerels hä' wy in der Diöcese Orleans fungen, dotemolen ol in Püßföh. It 'läwe, et hiät synen Grund hatt, dat bei Mosjöh Düpangluh vam Prinzen Friedrich Karel bei Ehrenwache trög.

Duse evangeliske Pasteroer is auf wier indroäpen.

M.-D. Schatonöf, 13. März.

Dei alle Dokter, wo wy by im Quartiere ligget, is en prächtigen Kerel, „ein altes, gemüthliches Haus“, seggt iuse Pasteroer.

Van Dage hä' wy Ruhedag. De Dokter gaww iusem Pasteroer den Roth, wänn hei Misse liäsen wull, sull hei nich üm acht Juher im Spitole liäsen. Dänn wör' de Haustemisse; dat wör' en Kröchen van den Spittel-Wyvern van Anfang bis tom Enne, dat ginge „Schöchöch, Ücheüchüch, Scheicheich“, dei eine künn't nau biäter ose de annere.

Naz van Dülmen seggt my iäwen, en Mann vam Sanitaitßdetaschemang hädd' em saggt, en Winsche künn nix biäters deoen ose Steinköählen friäten un Karbol-süre siupen; hei wull geren wieten, of dat wohr wöre. Synen Dokter te frogen, riskir' hei nich. De Pastoiers sullen doch düssen Frankeosen-Dokter mol frogen, of dat wohr wöre. O Blechelmus Blechhelm! Wat bist diu för'n Hähenpinn!

M.-D. Schato-Renard, 17. März.

Am verteiñnden kaimen wy in Lorri by en Biuern int Quartier, dei hadde en allen Bästevaer im Hüse, dei was ol hunnert Johr alt.

„Seo alt künt Sei auk nau weren“, saggt' it för iusen Pasteroer.

„Rühr vernünftig“, anwede hei. „Frylit myn Pahe, wat myner Bästemoimen Breoer was, Poter Seraphyn in Pott-Hilmsen, diän se nau van Dage den Biärnwards-Wächter noimt, wyl hei sit Wächter schrywen lait un dat Graw vau hilgen Biärnwardus unner der Michelskärke in Drnunge häll, dei is veirunachtzig Johr alt wuren, un syn Breoer, wat en

Beneficiote in Niggenheise was, veierunniegenzig. Män dat was en hellisten Fegert, ün süte Fälle kumet nich vaken vür.“

Eihergistern ging et met Schniggen un Schlackern na Montarschi; wy sind hy wier rächt in'n Biärgen un et is wahne kalt, un wänn't nich schnigget, wägget olltzt en rächt schnäbbesten Wind.

Wy kaimen hy ne ryke Witfrugge, dei krank was. In dem Huse wören nau twee alle Soiten. Dei drei Wywer wören ose Furigen, dat eine hadde de Belagerunge van Parys dürmaket un Ratten friäten. Se schriggeden olltzt gigen den Pasteroer an van Revangsche, wat seo viel bedüdt ose Rache, un se mullen olle Prüißen dautscheiten; de Pasteroer saggte, se sullen em vaim Rywe blywen.

Van Montarschi na Schato-Renard hadden wy dat miserabelste Wiäber im ganzen Rhyge, fautebeipen Schnei. De Quartierwerth is en Dokter vör de Unvernünftigen, män hei is sehr vernünftig un fründlik. Düt is dat eiste Hus in ganß Frankryk, wo wy de Meode fungen, dat de Domesthyken de Stuäwendühr ächter sik teo maket, wänn se rin un riut gohet. Olleriägens lotet se se spiärrewyt oäpen, un me mot en jümmer teoraupen: „Fermeh la port, si mu pläh!“

Et is gud, dat wy us hy en Dag lettet.

M.-D. Schoängi, 19. März.

Gistern kaimen wy in dat Döärpfen Sepo (Sepaux werd et schriewen) hy en Biuern. Do was ne duitsche Frugge iut Baden, wo me Goäd sy Dank! mol wier örndlik Duitsch met radeiren kunn. Dei loäkebe us Appel un Kartuffeln dürnein un bof us en Panne- taufen derteo, dei stund in den Ribben. Et sind

prächtige Luie. In dem Doörpe wohnt auf en Schnyder, dei iut dem Oldenburgissen bürtig is.

Myn Pasteoer lait sik puzen, ömmer et was der mänt en Wyw, wat dat Geschäft verstund, un hei moßt' et sik gefallen loten, wännghk dat Puzemäß seo viel Schöhrs hadde ose ne Sahe.

In Sepo kamm de nigge evangeliske Pasteoer teo us, dei den annern Heeren afläsen sull. Niu hadden wy tweie.

Hy in Schoängi (wat Joigny schriewen werd) sin wy by em Stootsanwalt. Dei garw us nix te iäten, un dei läge Kerel wull nich mol lyhen, dat wy us wat köäeden. Hy de Diäken jaggte för mynen Pasteoer, dei Menske wör en „bonühs catholicühs“. Wiu kann dat en guden Katholyken syn, dei' keine Minschenliewe kennt? Blywet my vam Balge met süken Kerels!

M.-D. Brienon, 21. März.

De Pasteoer, wo wy gistern by inquantiert sind, is en fründliken Heeren, dei Ollens doit, wat hei iufem an den Augen affeihen kann. Wy hätt es sehr gud hy.

Wylant moren de Geburtsdag Syner Majestait des Kaisers un Königs Wilhelm is, werd van Dwend grauten Zapfenstreik hallen, un by iufem Ginerol spielt olle Musyk, dei wy hätt. Goäd müge iusen ehrwürdigen un glorryken Kaiser nau lange Johre am Liewen erhalten!

M.-D. Flongy, 22. März.

Van Moärgen was unnerwiägens in der Nöhe van der Stadt Säng Florentäng up ner grauten Wysche Fäldgoädesdeinst un graute Parode. Hy im Doörpe,

wo wy bym Küreh ligget, hätt dei Heerens en fyn
Dineh, wo myn Pasteroer natürliker Wyse auf by is.

M.-D. Tonnehr, 23. März.

Düsse Stadt hiät ne wunnerschoine Lage un —
ih müget et niu 'läwen oder nich — wunnerschoine Luie,
Mannsluie un Fruggensluie; wänn me dör de Stroten
geiht, suiht me nix ose wackere Gesichter. En wacker
Gesichte was üäweroll im Frankeosenlanne, wo wy wiäsen
sind, ne Sällenheit; hy sind se iutschüddet.

Wy ligget by em allen achtzigjöhrigen Affekoten,
dei achteihnhunnert un twöälwe den grauten Kryg in
Rußland metmaket hiät. Dei Luie wietet nich, wat
se mynem Pasteroer vür Pläseier maken willt.

Hy im Hiuse is ne Bonne, en Mäken seo wacker
ose me en Fruggensminsche seihen kann. Do sull me
sik in verleitwen; seo eint möcht' it wal friggen, wänn't
män met na Duitßchland ginge! Et hett Drelli; en
schoinen Namen!

Do kümmet iäwen de Pasteroer un lest dü. „Du
sust diß wat schiämen, Mattigges!“ seggt hei. „Phui-
telsa nau mol! Schlog by dei Aurelie int dem Koppe.
Jäwen kamm it üäwer den Gang un soh, wiu et sik
met den Viägers, dei hy im Quartiere ligget, rümrät
un rümtalmerde. Dat sind Flaufen. Denß an
Söphken!“

Hei hiät Rächt. Ömwer hei sull sik fülwenst by
der Nase teihen: met der Friederike Brion van
Sesenheim dat is auf keine reine Buter. It kume
der Sake doch nau up den Grund. Toiw mänt,
Pasteroerken!

M.-D. Länje, 26. März.

Eihergistern ging et van Tonnehr na Tanlech (et werd Tanlech schriewen). Et was et Sadeln un Upsitten nich werth, seo nohe was dat Dingens, nich födder ose Järkentrup van Grautenhahnen. In diäm Dingense is en graut Schloß; se segget, dat hädde waleiher dem Admirol van Rolinji teohort, diän hädde se in der Barthelmaius-Nacht dautschlahen, wylant hei en Protestante wiäsen möre. Ik kann der nich van seggen; män et lutt my doch putzig, wyl in der Schloßkapälle seo viel Reliquien wören, unner annern auf van em Hilgen, diän ik nich kenne, dei Gynesfortis heiten hiät. An Reliquien gläwet je de Protestanten nich.

Gistern hadden wy Rügge. Quite kaimen wy na Länje (wat Laignes schriewen werd) by en fründliken un kriegeln Pasteoer. Dei vertallte us, se hädde hy fier drei Monaten de Etappenstrote hatt, un hy hädde diärtig Polacken un ein Leutnant legen. Dei Polacken wören jiden Moärge in der Miße wiäsen, öwwer auf jiden Dag, diän Goäd weren lait, besöäpen. „Bür drei Dagen sind se iutrückt, un den lästen Dag satt gienen an den diärtig Wiehenbämen, dei do an der Strote stohet, an jidem Baume en Polacke; de Leutnant lait se anbinnen, wyl se wier dicke wören, de eine moßte den annern anbinnen, un by dem lästen maik de Leutnant sülwenst dat Knüpp faste, wyl he keinen mähr hadde, dei et maken kunn.“

Dei Polacken künnt dat Siipen niu mol nich loten.

M.-D. Datismahr, 28. März.

Seo fründlik de Pasteoer in Länje was, seo vernynig un verbiestert was dei in Schattiljon sür Sehn, wo wy gistern hönkaimen. Dat is dei Stadt, wo se

im Novämber, do wy in Schomont wören, iusen Landwehrleuien by nachtschlopender Tzt in den Beddens de Hälse affschniehen hadden.

De Briunschwyger moßten bei Huiser, wo dütt gescheihen was, ansticken. Dat Volk hadd' et eget.

Van Dage kaimen wy in en Doärp, dat hiät en puzigen Namen „Daticervoir“, un sproäken werd et „Dat is wahr“. Wy ligget by em Biuern, bei Mär is. Quärtier un Luie sind gud; män et rücket seo mulsterig.

Stand-D. Schomont, 30. März.

Gistern Dwend was ik seo moithe of' en Rüh, ik kunn nix mähr upschrjwen. Wy hadden en langen Marsch maket, un do wy hy ankaimen, süllen wy int Quartier by en Bitarjes; de alle Diäken, wo wy vür veier Monaten legen hadden, hadde en Schlag kriegen un was nau krank, dorümme fräg hei keine Inquartierung.

De Stuame by dem Bitarjese, wo myn Pasteoer in full, was unselig, de Kamyn dampete of' en Myler, diän en Köähler iäwen frist anstufert hiät, in dem Bedde hadden twei Landwehrleue säß Wiefen lang hiärbiärget.

„Heer Pasteoer“, segg' ik, „wahren Se sit, in dem Bedde sind Luise; kyken se mol, wiu se marschirt.“

„Ik danke“, seggt hei; „im ganzen Kryge häw' ik keine hatt, un häw' auf niu kein Verlangen dernoh.“

Wy rüceden iut un sochten en anner Quartier; et was öwwer ollerwiägens seo vull of' im Weinhiuse, un syf Stunnen gingen derup teo, bis wy en Quartier fungen, wo wy blywen kunnen, un do wy in

büßer Stadt lange liggen fullen, kamm us up en gud Quartier viel an. Verpflegen moßten wy us süßwenst.

31. März.

Huite Moärge is de evangeliste Pasteroer na Berlyn afreiset, un gistern Dwend stredet dei alle Krüwwensetter, de Enklope, upmol olle Beire, — un wege was he. Dat was doch miärkwürdig, dei Giul hadde jußt iuthallen bit up den lästen Dag.

6. April.

Van Dage is Groinendunerstag. De Austerbichten sind im vullen Gange, eist hy in Schomont, hernoh in twintig Rantonnemangs, wyt un syt.

De kleine Rümnenastjumskiärke is us üäwerwiesen onplatz Garnisonkiärke.

9. April.

Do wy huite am eisten Austerdage in de Geerkamer kaimen, was en netten Uptritt. Dei Geißlike, dei in der Kiärke to seggen hiät un en ganz vernünfftig Minsche is, gaww ner Runne, dei do Kösterinne is, den Updrag, för mynen Pasteroer de Paramänte iutteleggen. Dat wull se gariut nich, se schnauf in de Kiärke, polterte vür dem Altore rüm, kamm wier in de Sackstügge, schmät de Dühr, dat de Kalk van der Wand flaug, biesede wier in de Kiärke, — seon düll Fruggensminsche häw' ik in mynem Riewen nich seihen. Wryn Pasteroer frogede se, of se nich wüßte, wat sik för ne geißlike Zuffer schiedede. Dei Rüh saggte, se wör' ne ferox bestia, en wild Dier. Se bläw am Stürmen un Poltern, seo dat de Pasteroer druggede, hei wör'

se met twei Salboten iut der Märkte bringen loten un se bym Bischoawe van Langer verflaen. Endlik schnurrde se af. De Rüh saggte tom Pasteroer, hei sull so gud syn, un betuigen em de Sake met Breiw un Siegel, hei wull't na Langer berichten. Dat is gescheihen.

Wänn dei Brusedulle Angela hett, wat Engel bedüdt, dänn seo hiät öhr de Duwel den Namen giewen. Schwäster Agath in Fehi un düße Dullromes, wat en Unnerscheid!

Kantonnemangs-D. Roschang lö roa, 10. April.

Gistern Nomiddag sind wy hy inrücket un ligget by em Mäfferschmidt, dei sit Zimmerman schrywen lätt.

Dat Städtken liggt up em Biärge un is an wecken Eden kurt un klein schoäten, wylant se hy im Dezämber einen van iusen Offizieren meuchlings dautschoäten un twintig Landwehrluien de Hälse affschneiden hätt.

De Rüh hiät de Blohern. Dei sind in ganz Frankryk an der Dagesornunge, wyl dat Volk, wat an der Spitze der Zivilisazijeon marschirt, sit nich impfen lätt.

13. April.

Wy müött van einem Doörpe na'm annern wegen der Austerbichten. Unner den Rüh's hä' wy putzige Luie kennen lehrt. De Pasteroer van Thiwel (Thivet) verlangt, de Salboten sullen acht Fuher int Rülter kriepen, un froiher upstohen, dat de Biuern arweggen können. De Rüh in Bulangshi is siewenzig Johr alt un up dem Koppe schlowitt; hei prophezigget in syner Vernynigkeit, in ölwen Johren — just in ölwen — kaimen de Franzeosen na Duitßchland, — un hei

met, — un maiken Ollens kaputt. Dei alle Hans-
narre sull stippen, wo syn Gram is. De Pasteroer in
Bitri is de reine Engel, un syn. Dei van Odiwal is
auf gud, män hei suiht iut, ose wänn hei sik in säß
Wiefen nich wassen hädde. Pastor Odiwal nix propper.

16. April.

Do wy gistern van iuser Bichtreise trügge kaimen,
saggten de Luie: Pastor Moschang kaputt. Hei was
an den Blohern stoärwen.

In iusem Quartiere fand ik düssen Breiw:

Myn, leiwe Mattigges!

Ik häwwe teo dy dat mährste Teovertruggen un
wull diß üm dynen Noth bidden. Ik häwwe Lusten te
kapiteleiren, un tworens by der Infantry. Ik hoäpe't
in nich langer Tyt tom Kaptenbarm te bringen, un
wänn't Glücke gud geiht, bring' ik et nau tom Haupt-
mann.

Ik häwwe up Büker lehrt, män ik kunn dat Kloppen
nich verdrägen un laip iut der Lehre. Hernohe was
ik Knächt in Appelhülßen by Münster, un antläste
Schäper by em Ockeneomen nohe by Dülmen.

In myner Baderstadt bohen se my de Gauseheiern-
sthe an, män dat was myner Ehre teo nohe.

Schomont, den 44. März 1871.

Dyn Fründ un Kamrod
Plechelmus Dalup.

Matz van Dülmen! Bist diu dänn niu vüllig
rype na Stadtbürge? Hei kunn dat Kloppen nich
verdrägen, wänn en de Büker wegen syner Däme-
lerigge ächter de Auhren schlaug. Dei un kapiteleiren!
An em Biärge mant den Schopen met synem Haken

un. synem Fix up'm Buckel liggen un sit de Sunne
int Miul schynen loten, dat is dat Bäste för iähne.
Un wat fall dat heiten met dem veierunverzigsten Miärz?
Dat verstoh ik nich. Sei is der reine in vertumen!

Rant.-D. Ennuwo, 22. April.

In Alefont wören wy twee Dage, de Kureh was
nette, män de Hiushällersche ne alle gnatzige Knappiule,
of' ik nau keine tweedde seihen häwwe. In Willijehr
ging de siewenzigjöhrige Kureh up Krüden, was öwwer
seo vull Gift un Galle ose de Runne in Schomont
up Ausern.

En netten Spaß is hy in der Gegend met em
Säksunfuziger passeiert. Dei is met ner Biuernsfrugge
im Diskurse, un de Hauptmann kümmet just derteo
un hört et an.

Salbote: Ik will Miälke häwwen.

Frugge: Nix komprang pa, Mosjöh.

Salbote: So'n Dunnerkyl! Dumme Wyf, kannst
doch wal Platt verstohen.

Frugge: Nix komprang pa.

Salbote: Dänn mott ik wal Hauchduitsch kühren.
Ich will Milch haben.

Frugge: Nix komprang pa.

Salbote: Dänn will ik mol bautsteweiren. Nui
paffet mol nyne up: M — i —

Hauptmann (to der Frugge): Dü läh.

Salbote: — I — ch, — Milch.

Frugge: Ah wui, Mosjöh, dü läh. — Un se geiht
un halt Miälke.

Salbote: Seihet Se wal, Heer Hauptmann, dat Volk is seo dumm nich, of' et iutsiht; me mot der mänt Geduld met häwwen. Wänn me't ne vürbaufsteweiert, verstohet s'et ganß gud.

Stand-O. Schomont, 24. April.

In Ennuwo hä' wy de lästen Austerbichten hatt, un gistern find wy na Schomont trügge kumen.

De Kükinne in iusem Quartier, wat en fründlik un propper Wicht is, wußte, dat wy in Roschang wiäsen wören un saggte teo my: „Pastor Roschang kaputt.“

Ik: Wui. Pastor Dbiwal nix propper.

Ut (ownsig): Oh, Mosjöh, se mon onkel.

Et gaww my kein fründlik Woord mähr.

Ik vertallte dem Pasteroer de Geschichte. Hei saggte: „Logen hiäst diu nich, et is en Schmeerfinke; män wei in der Helle is, mot den Duiwel tom Frünne wahren. Maß de Sake wier gut, süß köäket et jui nix.“

Ik ging in de Kükke un saggte: „Mamsäl, Pastor Dbiwal propper.“

„Wui, Mosjöh“, saggt' üt ganß fründlik, un Alles was wier gud.

25. April.

Myn Pasteroer is insolge der schworen Arwet in den lästen Wiefen ganß biufällig un figebuzeragelig wuren. Hei hiät üm Urlaub up drei Wiefen anhallen, einesdäls, üm sik te erhalen, annerndäls, üm in Duitßland syne Saken in Ornung te bringen un syne Miß te halen; dänn et is beschloäten, dat iuse Divißejon

seo lange hy im Lanne blywen sall, bis de Frankeosen bei syf Milijarden Krygskosten betahlt hätt, un dat kann minnestens twei Johre diuern. Of it aul seo lange blywen mot oder eihet entloten were, dovan verlutt nau nix.

Van Raß van Dülmen is nix te seihen un nix te hören.

28. April.

De Urlaub för mynen Pasterer is erfolget, un it hämwie Verläw kriegen, dat it en begleiten kann. It frögge mit. Hoäpentlik kann it dann mol up einige Dage heime gohen, un myne Ällern un Söphlen besöiken. Dat wüde my unbännig leiw syn, vullends wänn wy hy nau Johre lang liggen mött.

De Pasterer hiät nau en Burschen kriegen, einen van iusen Jägers; bei un Aujust mött hy den Saken un by den Piären blywen.

För syne alle Kalesche wiet terächt te maken, hiät iuse Pasterer düsse Dage siewenundiärtig Franken betahlt. It begrype nau nich, wiu hei dat alle Gestelle seo duier betahlen kann.

Strakßburg, 3. Mai.

Gistern sy wy up der Ysenbahn van Schomont afreisiet. Wy kaimen by vielen Stähen vürby, in einer, bei Kommerßi heite, wören gewisse ne Styge Blagens am Bahnhoäwe un schriggeben jümmer ose wänn in der Dryburg de Siehenheier driwot: „Madelähn! Madelähn!“ Se hadden Schachteln, wo Kaufen in was, bei se tom Verkaupe anbohen. De Pasterer koste twei Schachteln un saggte: „Wat in der einen

is, fall us up der Reise gud schmecken, bei annere — dä Mattigges — bei kannst diu Söphken met nihmen.“ — „It danke auf“, sagt' it, un hei garw my seon Madelähndinges te iäten; et was würklich delikot.

Wu kaimen by Tul vörby, wat it nau kannte an den stumpen Thörens, un by der grauten Stadt Ranzig, un dänn forrden wy dör en Biärg un saiten ne Bärrelstunne im Duistern; un by Zabern kaimen wy vörby, un de Pasteroer saggte:

„Niu kumet wy halle na Straßburg. Hy in der Gegend liggt Seseenheim, wo Friederike geboren is.“

„Holla!“ dacht it, „niu is et Tht, dat diu em mol up'n Tahn söllst.“ „Heer“, sagt it, „wovan kennt Sei dänn bei Friederike. Is se daute, oder liewet se nau?“

Hei saggte: „Dei edele Seile wuhnt ol lange unner den verflörten Geistern.“

It: „Heer, wänn se nich stoärwen wöre, dänn hädde Sei se doch gewisse frigget; dänn hädde se wal nich up Geistlik studeiert?“

Hei kät mit verwünnert an. „It, Mattigges? Wiäne sull it frigget häwwen? Friederike Brion van Seseenheim? O so wull it doch!“ un hei hält sik dat Ehw un wull biästen vür Lachen. „Dat is jo en Infall of' en alt Hius. Friederike Brion is ol lange daute, do se starw, was it nau nich up der Welt. Et was ne edele duitsche Jungfrau, seo rein un liuter ose Gold, bei Jugendliewe van insem grauten Dichter Göthe, up diäßen Geist sei inwirket hiät, dat he nich trübet wur' van françoisker Sygheit un françoisker Niederlichkeit, un bei dotemolen ol dat met Sehnsucht wünsket hiät, wat wy van Dage erreicht hätt: Vereinigunge van Elsaß un Lothringen met dem duitschen Mutterlande. Ihr Härte wur' öwwer erwiärmet van

den Strohlen der reinen Liebe, bei van Wolfgang Götthe's Hiärten iutlaipen, un wohr is, wat in Meisenheim up öhrem Grawsteine te liäsen is:

Ein Strahl der Dichtersonne fiel auf sie,
So reich, daß er Unsterblichkeit ihr lieh.

Sei is in Meisenheim im Johre achtteihnunnert drütteihne im Hiuse öhres Schwogers stoärwen, hauch in den fußziger Johren. It denke, niu werst diu de Sake wal seo ungefähr begriepen häwwen. Doch kyt mol do, dat Straßburger Münster! Wy sind balle do."

"Jo", saggt' it, "dat is Straßburg, dei wunnerschoine Stadt."

Pasteoer: „Wo der Bischof das Rauchen verboten hat. Wryn Kopp!"

Celle, 8. Mai.

Wy hätt se us beseihen, bei wunnerschoine Stadt Straßburg, bei niu wier ne Piärle in der duitschen Kaiserkreone is, un wy reiseden södder, un in Frankfurt hä' wy us lettet, un hätt den Roimer beseihen, wo de Kaisersaal inne is. Do sind olle duitschen Kaisers afmolt bis up Kaiser Frank. Ein Platz is nau oäpen. It frogede dat syne Fruggensmenske, wat us den Saal wäs:

„Werd dänn niu iuse Kaiser Wilhelm hy auf afmolt? Sy is just nau en Platz."

„Jo", saggt' üt, „wänn hei sit in Frankfurt kroinen lätt."

„Niu hör mol Einer dei Frankfurterin!" saggte de Pasteoer.

Un dänn hä' wy dat Hiis seihen, wo dei Götthe in geboren is, bei de Friederike seo geren lyhen moggte,

un van Middage sy wy öäwer Kassel un Hilmgen in Gelle indroäpen.

Den Pasteoer syn Windhund kannte synen Heeren im eisten Augenblide nich; män do hei syne Miß anloctet un sit dermet afgiewen hadde, kamm se teo Verstanne, un niu wull se öhren Heeren vür Froide ümmebringen. In Wöhrheit, de Miß is auf en wunnerwätern Rühren.

„Mattigges“, saggte de Pasteoer teo my, „moren froih kannst diu na Järkentrup afreisen; it giewe dy Urlaub. Den tweiuntwintigsten in düßsem Monat moßt diu met dem eisten Zuge in. Hanneover indriäpen un up mit up dem Bahnhoäwe toirwen.“

Adjūs!

Stand-O. Schomont, 25. Mai.

Van Järkentrup will it mänt seggen, dat se sit olle fröggeden, do se mit sohen, un dat Söphken sit de Madelähns dö Kommerßi gud schmeden lait.

It drap alkrot in Hanneover up'm Bahnhoäwe in, myn Pasteoer kamm niet syner Miß an, un wy forrden dem Rühren to Pläseier bis na Röllen drüdder Klasse, wyl se dat Dier nich in de tweedde Klasse up bei schamästernen Bänke loten wullen, un int Sunnekupei sull't auf nich, dat wull de Pasteoer nich häwwen.

In Röllen hä' wy us lettet un den grauten Deom beseihen, (verstohet ohne de Miß,) un dänn schmuckelben wy dat Dier met in de tweedde Klasse, en Billet hadden wy dorför läset, un wy forrden bis Bingerbrück, wo wy det Nachts bliewen. Un am annern Moärge ging et södder na Metz, un wy forrden Dag un Nacht un kaimen gistern Moärge in Schomont wier an.

Dei eiste Nohricht, dei wy hy frägen, lutte: „Juse Ginerol friggt ne annere Divisjeon; use friggt de Prinz Albrecht van Pruisen, un wy göhet heime na Hius; de niegenteihnte Divisjeon bliwot im Frankeosennanne.“ — O, seo ma! Streiche! Do kunnen wy je rühig toiwen un briufeden dei Reise nich te maken. No, lot syn, wat is; et is desto biäter. Se eier wy den Frankeosen de Hacken wyset, desto leiwer is et wy, un mynem Pasteroer auf.

28. Mai.

Matz van Dülmen is my entmot. It frogede'n, wat dat för ne Bewanntnüß met dem Breiwe hatt hädde, diän hei my na Noschang schräw.

Hei saggte: „Ryf mol, Mattigges, wo wy up Kaisers Geburtsdag lägen, wiu het dat Nest? (Hei träg en Breiw iut der Tasse un fäk rin.) Flongi het et. Do was en Fruggensminsche im Quartiere, dat hiät my de Eihe versproäken.“

It schmät dermant: „Dat alle Schlüggel, wat dem Biuern syne Süster syn fall?“

„Es is kein Schlüggel“, saggt' hei, „un et hiät ehrlike Absichten. Dä, liäs den Breiw mol.“

It laus: „Mong schehr Blehelm! Wuleh wu mit 'eirath? It 'aben Keld, bokuh d'arschang, vielen Keld. Wenn ihr sein Susoffizijeh, it mit nak Deitsland und werden eier Frau. Kletise Katton a Flongi.“

„Mattigges, wat seggst diu doteo?“

„Dat hiät einer van iusen Kamroden schriewen, dei di oiwen willt. Hiäst diu dänn kapitelleiert?“

„Jo, it wull't, un hä't dem Wachtmester saggt; dei saggte, it sull leiwer na Dülmen gohen un hoien dem Biuern de Gäse. Män dat deo it nich, dat is myner Ehre te nohe; dänn wer' it leiwer wier Schäper.“

„Naz, dat is de eiste vernünftige Gedanke, diän diu im Kryge hatt hiäst, do blyw by. Doch segg mol, wat fall dat dänn heiten met dem veierunverzigesten Miärz in dynem Breiwe? Do maß my mol en Biärs up.“

„Dch“, saggte Naz, „se hätt mit olltzt in den April schicket, bis ik et moihe was; do häww' ik den Monat ganß affschaffet, hei is för mit gar nich do, un de Miärz hiät einunsästig Dage.“

Un gienen ging hei hön, dei Halswinner, dei Schlunkenschleiw!

30. Mai.

Miß hiät sik ol nette an mit gewöhnt. Gistern gingen my beiden düer de Strotten. Do stund ne syne Françoisinne vür der Dühr, un seo droh se dat syne Windspiel soh, raip se: „Ah, bell lewrette!“

„Se ma flamm“, saggt' ik. Ut fixerte un laip int Hüs. Jä laup mänt! Et is auf myne Flamme. De Miß is my leiwer ose siwen Françoisen-Mäkens, un up dei angewendt, hiät dei Spruk syne Richtigkeit, diän ik van mynem Pasteroer lehrt häww:

En truien Hund, en edel Piärd —
Sind mähr ose twintig Wywer werth.

3. Juni.

Mattigges: De Salboten giewet sik niu dütt Röttsel up. Könnt Sei dat iutklamuisern, Heer?

Pasteroer: Wys mol, wiu lutt dat dänn? Haha, en Rebus.

$2 \times 2 = 4$. II. von Podbielsky.

Seo? Dat is lichte, Mattigges. Dat hiät dei Heer,

bei hy benannt is, vaken schriemen, eise Parys aäwer-
giten was. Paß mol up: Tweimol twei is veire.
Dat is nix Nigges, dat is ne ollbekannte Sake. Dänn
kumet twei I, ein paar I's, dat het „Paris“; dovür
steiht, wat nix Nigges is; also: „Vor Paris nichts
Neues.“

Mattigges: Guh, dat is richtig. Wänn it
doch auf seo gelehrt wöre!

Pasteoer: Do hört nich viel teo.

St.-O. Ranzig, 7. Juni.

Gistern sy wy met der Bahn van Schomont hyher
forrt. Se hadden us vertallt, in Ranzig wör' de Kolera,
hunnert un twintig van iusen Salboten hadden se;
män dat was nich seo, de Kolera hadden se nich, se
hadden ne annere läge Krankheit.

Ranzig is de wäderste Stadt, bei it im Frankeosen-
lanne seihen häwwe, vullends dei graute Stanislaus-
platz met den prächtigen Grotten un Waterkünstten. Un
ne ganze Styge Märkens sind der gewisse inne. An
dem Deome is nix anne. In einer niggen Märkte hätt
se Glasmolerriggen in den Fensters, in einem den hilgen
Luhı un in dem annern de hilge Dschenie, wat ne An-
spielunge up Napolijum un syne Frugge is; van Dage
schrigget se: „Luhı kaputt, Dscheni kaputt!“ Wy deoet
de Wisse in der Märkte vam heiligen Fiater, (wat de
Frankeosen doch för puzige Namens hätt!) wy füllt
öwwer de Sebastionsmärkte krygen.

Hy is Ollens grinsam diler. De Frankeosen sind
doch seo unbeschuft un füdert för en Bund Mattwuhst
en Daler un teihn Sülwergrosken Wei dat giewen
wull, dei mößte doch Dinte soäpen häwwen! Do
luer up!

11. Juni.

Den achten hädde dat Heerenfrauhnlychnamsfäst syn mötten. Wy hätt et fhert, män de Frankeosen hätt keinen Fherdag. De Brossejeon hällen se van Dage. Män wat was dat för ne Brossejeon! Fahnen de schwore Menge, Minschen bleotweinig. En paar Stygen kleine Mäkens un en paar Stygen Schöäters un en paar Stygen graute Mäkens, upgetafelt, ose wänn se up't Trijöter wullen, un ne Styge Nunnen, un ne Styge Kauerjungens, un twei Styge Kirehs, dei mährstig Wyhraufsfässer hadden, un olle Nasenlang stohen bliewen un sit gicensytig beräkerten un Kumpelmänten maiken, dänn kamin de Bischof unner dem Hiemel met der Monstranz, toläst drängelten nau woät Luie wilb dürnein derächter her. Andacht was niu gariut nich derby, nix ose Bliktri un Schyn, ose wänn't ne Kumebdige wöre. Nä, goht my wiäg! Wänn wy in Sannebiele up Heerenfrauhnlychnam de Brossejeon hallet, do is Andacht by; dat kümmet van Hiärten un geiht to Hiärten, wänn wy singet:

Wer Jesum hier erkennt,
Und nicht von Liebe brennet,
Ist fein- und felsenhart.

18. Juni.

Met iusem Pastroer is balle kein Ümmegohen mähr. It will domet nich saggt häwwen, hei wör' kädberig un omhsig; nä, dat is hei nich, män hei hiät Heimweih, un et werd Tht, dat wy na Hius gohet. Wänn hei des Widdages im Werthshiuße att, was hei jidesmol en Dag krank. Wänn wy des Moärgens in der Sebastionskiärke de Wisse dohen hätt, hal it em vam Rondenbäder för en Frank Badmiärk, wovan hei den drüdden Däl tom Kaffeitt. Des Widdages ett hei

en posselhnen Täller vull Plunnermiälke, bei ik em upsetten mott, dänn en Stückken rauhen Schinken un Mirebpicels, do drinket hei ne Tasse Schokolade ächter her un ett en bieten Backwiärf derteo. Des Dwends drinket hei ne Tasse Thei un vertehrt den Rest van dem Backwiärke. Un seo jiden Dag, diän Goäd weren lett. Wänn hei syne Iduna un syne Miß nich hädde, dänn wör' et gar nix.

Ik ma' et annerst, ik gohe jiden Middag un jiden Dwend in de Garküche un soärge för mynen armen Sünnner. En gehörigen Puntken Fleiß un en Glas Kauthwyn dat hält Ihw un Seile tehaupe. Kartuffeln un Reinige giwrt et läder Goädes nich. Doch wat us hy feihlt, willt wy nohehalen, wänn wy te Hius find.

* * *

Up Johannesdag brochte myn Pasteroer de frauhe Boädskop in't Quartier, den säkuntwintigsten sullen wy inschiffet weren. Seo fründlik hadd' ik en lange nich seihen. „Mattigges“, saggt' he, „wänn iuse Divisijeon twei oder drei Johre hy blywen mößte anplatz der niegenteihten, dänn mößt' ik halle na Rösters Rampe.“

Am bestimmten Dage reiseten wy af. Wy maiken't us ganz bequeim in dem Kupei up den schamästernen Bänken, wy hadden Platz genug, do iuser mänt veier Mann in dem Kupei saiten. In der einen Ecke satt de Schef van iuser Intendantur, in der annern de Pasteroer, in der drüdden ik, un in der veierten de Miß grautmächtig ose ne Prinzäffinne.

Uäweroll, wo wy anhällen, wören de Luie ungeheuer fründlik. In Landau hadden se ne Mohltyt parot. Do passirte my nau en klein Malör. Ik sull

wat iut dem Magazyne in iusem Wagen frögen, it 'läwe et wören Landforten, dei unnen inne lägen. Do it am Jutkromen was, fäll my dat alle verslirigte Parplui, wat it tiger den Pasteroer synen Willen in-packet hadde, van boäwendal up de Schienen, in dem Augenblicke kamm ne Maschhne angepiustet, un do se vörby was, lagg myn Parplui, wat den ganzen Krryg metmaket hiät un nich tom Bürschyn kumen drowwte, in diufend Fegen up den Schienen. It kläggete mit hinner den Auhren, un dachte en Räffel te beseihen.

„Wat is do fallen?“ frogete de Pasteroer.

„D, — nix.“

„Nix? Wat is do fallen? Riut dermet!“

„Och, dat alle Parplui. Et is kurt un klein fahren.“

„Et is gud, dat et wege is“, saggte hei. „Lot et jau liggen, Mattigges. Wei der Blaseier anne hiät, kann't tehaupe flicken.“

De Reise ging langsam vürweß. De Zug arweggede up Räffel loß, van do na Hanoiversch-Männen. Do gaww et nau mol en gud Glasß Beier.

In Dransfäld stunnen Juffern am Bahnhoäwe un reiseden us Bleomendüste, un me kunn en anseihen, dat dei Gabe von Hiärten kamm un dat se se up dem Altore des Baderlannes dal leggen wullen.

In Göttingen stund de Bahnhoäw vull Luie, dei sik öwwer üm us nich kümmerden. En paar alle Heerens maiken lange Hälse un fäken in den Wagen, wo wy inne saiten. „Et sind françoisse Wagens“, saggte dei eine Pohlbürger, un taug den Kopp wier trügge. Dei gude Mann kunn Nacht häwwen. Zidenfalls was dei Entdeckung, dei hei maket hadde, ni'n Mattigger werth.

Wy forrden de Nacht dör un kaimen am niegen-untwintigsten Juni, up Sünste-Beiter un Paul in oller

Heergoädsfroihe in Hannover an, wo wy in Stadt Hamburg inquartiert wuren.

De Pasteroer hiät syne alle Kaleſche för verteihn Daler verkoft. Dat is üawrigens de Prys, diän se hy för jiden Wagen giewet, bei den Krng metmaket hiät, hei mag gud oder ſchlächt ſyn.

Zwei Dage läter kamm iuſe Kreonprinz na Hannover un trock an der Spitze der twintigſten Diviſijon in Hannover in. Dat was en herrlichen Zug. In der Heerenhuiſer Allee ſtallten ſik de Truppen up un togen dör de Langelaube, Georgſtrote, Wallſtrote, Friedrichſtrote na dem Waterlooſtaze, wo graute Parade was. In den Stroten wören liuter Fahnen, Girlanden un Kränke, grauter Jubel in der Stadt, dänn en graut Dineh för den Kreonprinzen un dat ſiegryke Heer un des Dwend's graute Illuminazijeon.

Am annern Dage wur' ik entloten.

„Mattigges“, ſaggte myn Pasteroer tom Aſſcheihte teo my, „ik ſall wal in Hannover blywen mötten. Reiſe glücklich, myn Sohn! Des Hiemels Segen begleihe di! Gruiß my den Pasteroer in Samnebieke, mynen leitwen, allen Fründ. Gruiß auf dyne Ällern un de ganße Familige, un Söphken jau nich to vergiäten! Un wänn't ſeo wyt is, un jy wilt vüran maken, dänn moßt diu et my ſchrywen; dänn kum' ik na Färkentrup un kopeleire juſ ümmefüß.“



(Ende der zweiten Sammlung von „Niu luſtert mol!“)

Allen Freunden gesunden Humors bestens empfohlen:

Johst Sackmann's

(weil. Pastor zu Zimmer † 1718)

Plattdeutsche Predigten.



Neunte Auflage. Eleg. geh. Preis 1 Mark.

Dies Büchlein „Du sollst und mußt lachen!“ ist ein wunderbares Gemisch von Hoch- und Plattdeutsch und höchst ergötzlich zu lesen.

In zweiter Auflage erschien in demselben Verlage:

Niu lustert mol!

Plattdeutsche Erzählungen und Anekdoten

im Paderborner Dialekt.

Aus dem Leben gegriffen und niedergeschrieben

von

einem Sohne der rothen Erde.

Mit einer Zugabe von plattdeutschen Gedichten.

Elegant geheftet. Preis 1 Mark 20 Pfennig.

Die vorausgeschickten „Bemerkungen über den Paderborner Dialekt“ und zahlreiche unter dem Texte angefügte hochdeutsche Wörter erleichtern das Verständniß ungemein. — Ein lustigeres Büchlein zur Erheiterung und Vertreibung von Langeweile und Grillenfängerei ist schwer zu finden.

Von demselben Verfasser ist als drittes Bändchen
von

„Niu lustert mol!“

eine weitere Folge solcher spaßiger Kurzweil in Arbeit genommen, welche in nicht allzulanger Zeit erscheinen wird.

RETURN CIRCULATION DEPARTMENT **TO → 202 Main Library**

LOAN PERIOD 1 2 3
HOME USE

4	5	6
---	---	---

ALL BOOKS MAY BE RECALLED AFTER 7 DAYS
RENEWALS AND RECHARGES MAY BE MADE 4 DAYS PRIOR TO DUE DATE.
LOAN PERIODS ARE 1-MONTH, 3-MONTHS, AND 1-YEAR.
RENEWALS: CALL (415) 642-3405

DUE AS STAMPED BELOW

AND EXT	AUG 22 1990		

IC153746

U.C. BERKELEY LIBRARIES



C003337284

M107347

PT4848

19565

THE UNIVERSITY OF CALIFORNIA LIBRARY

